

MARGARITA
THEOLOGICA
CONTINENS PRAECIPV-
os locos doctrinae Christianae per qua-
stiones breuiter & ordine explica-
tos. Omnibus pastoribus, verbi
praekonibus, & Ecclesiae
ministris neces-
saria.

AUTORE JOAN. SPAN-
genbergio, Herdessiano, apud Nor-
thusanos verbi mi-
nistro.


LONDINI,
Apud Henricum Bynnemam.

ANNO. 1570.



AD DOMINICI
gregis pastores, Ioan-
nes Spangenbergius.
Hexasticon.

*Quisquis es ad Christi sanctum delectus ouile,
Pastorisq; boni nobile nomen habes,
Huc ades, hic veram pascendi tradimus artem,
Et que Christigenis pascuenda viris.
Quisquis es & Christi pastoris de grege, non est
Quod metuas rabidi dogmata falsa lupi.
Non hic offendes lolium, nec pabula Circes,
Non hic humani spurca venena luti,
Sed verum Christi verbum sacratag; patrum,
Et que sunt sacris eruta scripta libris.
Hac dedit egregius sincero corde Melanthon,
Consule communes, Pastor amice, locos.*



ILLVSTRISSIMO Principi & domino D. Phi-

lippo, Duci Bruntiuicensi. &c. Domi-

no suo clementissimo

Salutem.



EFFLAGITAVNT IAM-
dudum (Clarissime Princeps)
quidam ex tuæ celsitudinis di-
tione verbi diuini præcones, vt
ad subscriptas quæstiones præ-
cipuæ theologicæ disciplinæ capita continen-
tes, breuissimè, idque ex solidis scripturis re-
sponderem, quò sacrarum literarum cultores,
nunc primùm sacris initiati, & in pastorū gre-
gem adscripti, haberent breuem quandam sui
officij formulam, quomodo scilicet pabulo sa-
lubriori commissum sibi gregem Dominicum
pascere & curare possent. Quæ res, tametsi dif-
ficilis fuerit & laboriosa, præsertim homini ali-
oqui occupatissimo, nolui tamen me ab huma-
nitate tam alienum præstare, vt tot & tantis a-
micis rogantibus, pigeret vel vnus anni, ne di-
eam mensis, subire laborem, præsertim cum
possem hoc quantulocunque labore iuuare
studia, promouere pietatem, & patriæ quoque
ingens ornamentum adferre. Si enim munus
honestum est & pium, bonis literis iuuentutem

PRAEFATIO.

instituerē, quis dubitat multò honestius & felicius esse pastoris officium, in quo nedum pueri, sed & omnium aetatum homines ad Christi gloriam perducuntur? Vbi autem diu mecum disputassem, cum, cuius iudicium & eruditionem in hoc negotio potissimum amplecterer, succurrebat vnicum huius nostri seculi decus, D. Philippus Melanthon, qui in hanc rem Locos communes tanto spiritu congescit, vt proculdubio omnes, qui in concionatorum numerum sunt vocati, deinceps præter negotium rectius & maiori fruge sunt declamaturi. Huius igitur verba, vtpote ex omni parte absolutissima, ne post Homerum Iliada canere videar, lubens adscripsi: Si quid ea in re peccatum est, spero mihi ab autore veniam dari, quando id non iniquo animo, sed iuandæ pietatis studio sit factum. Vtinam omnes qui nunc ab alto pulpito declamant, mordicus eius auctoris verba & sententias teneant, fortassis in maiori tranquillitate fuerint res ecclesiæ. Videmus enim passim in Academijs, Collegijs, & Monasterijs multos esse, qui hoc veræ pietatis studium damnant, huic sancto religionis negotio obstrepunt, quos oportuit, vtpote qui se capita & columnas Ecclesiæ gloriantur, in prima acie stetisse: hi nullum non mouent lapidem, vt pietatem passim reflorescentem opprimant, & eos qui hanc in vulgus spargunt, penitus

PRAEFATIO.

penitus è medio tollant . Contrà videmus pietati & rectis studijs nusquā plus honoris, plus præmij, plus dignitatis esse, quā apud Principes. Sic enim sunt (laus deo) aulæ quorundam principum, vt præ his, ipsæ etiam scholæ & Episcoporum curiæ frigeant . Quando igitur tua Celsitudo, princeps clarissime, non tantum principum, sed regum quoque sanguine orta, inclytos à Domino Deo accepit Regulos, optimi patris optimos filios, pietatis & veræ sapientiæ studiosos, dignum iudicavi, tuæ Celsitudini hanc lucubrationculam, qualisqualis est, dedicare, vt tuæ celsitudinis pastores, à quibus in hanc palæstram prouocatus sum, per tuam celsitudinem habeant, quo se oblectent & exerceant . Delectentur alij spinosis & sophisticis argutijs, tuæ celsitudinis pastores antiquam illam, genuinam, atque veram theologiam apprehendant. Tum fiet, vt omnigenam christianæ pietatis doctrinam planè assequamur . Sinant alios interim aucupari sacerdotia, præbendulas, & vt vocant, beneficia, impietatis irritamenta; sinant alios ambire opes, voluptates, & noctes diesque agere in culcitris: tuæ celsitudinis pastores dent operam, vt plantent, vt irrigent, vt ædificent Ecclesiam Dei: tum speramus fore, vt tandem emicet, ac vincat veritas. Hi verò, qui nunc suis sycophantijs pietatis doctrinam inficiunt, & pseudodoctrinis

PRAEFATIO.

Strinis conscientias illaqueant, dabunt certò
pœnas. Nos interim precemur illis mentem
meliorem dari, ne semper, quod hactenus fa-
ciunt, viuant *atheoi*. Tua celsitudo, hoc quicquid
est laboris, boni consulat. Quam deus op-
timus maximus nobis diu seruet inco-
lunem. Datum Northusiae, in
Ferijs natalitij Christi.
Anno. M.D.XL.

Tuz C. deditissimus
Iean. Spangenberg.



PRIMVS LOCVS.

QVID EST PASTOR

ECCLESIAE



EST persona legitimè vocata, auctoritate & mandato diuino, ad curam animarum sibi commissi gregis : ut tradat doctrinam Euangelij & administret sacramenta.

Quod est officiū Pastoris ?

Est fideliter gubernare sibi commissam ecclesiam ministerio verbi & Sacramentorum, & arce-
re falsam doctrinam, & scandala.

De hoc officio precipit Paulus. Act. 20. Attende vobis & uniuerso gregi, in quo posuit vos spiritus sanctus, ut pascatis ecclesiam dei. &c.

Quid requiritur in Pastore, ut
fit idoneus ?

Primò, ut habeat vocationem & mandatum.

Secundò, ut sit rectè institutus in doctrina Euangelij, & teneat certam formam Christiana doctrina ex scriptura sacra, ut eam purè, propriè & perspicuè tradere possit. Sic ut Paulus precipit, Episcopum debere esse didacticum, id est, idoneum ad docendum: & Timotheum iubet tenere hypotyposin, seu formam sana doctrina.

Tertiò, ut in docendo adhibeat fidē, & prudentiam, ac norit, iuxta præceptū Pauli, rectè secare doctrinā pietatis, & ut in tradenda doctrina prudenter

MARGARITA

dexter ostendat discrimina & fines inter Euan-
gelium & alias doctrinas, & eruditè sciat confir-
mare articulos & capita doctrinae, & refellere falsas
opiniones & dogmata, quae habent aliquid im-
puri collata ad verbum dei. Item, ut in gubernan-
do & regendis conscientijs, adhibeat prudentiam
& curam, ut rudes instituuntur, ut doceat, & e-
uoluat ex erroribus ambigentes & perplexos, cō-
firmet imbecilliores, ut corrigat & renocet er-
rantes, ut peccantes arguat & castiget, ut per-
terrefactos & afflictos consoletur. &c.

Quarto, ut vita & exemplo fidei ac bonorum
operum praeat populo. Sic ut Paulus precipit Ti-
motheo: *Esto typus fidelium*, &c. Et Petrus:
Fiatis typi seu forma gregi.

Quaestio est legitima vocatio?

Est autoritate & mandato dei aliquem adhi-
beri ad ministerium.

Quomodo fit vocatio?

Duplex est modus vocationis.

Quaedam fit immediate à deo. Haec est proprie
Prophetica & Apostolica. De qua ait Paulus, se
nec ab hominibus, neq; per homines vocatū esse.

Alia sit. adeo, seu mandato diuino, sed per ho-
mines, sicut erant quos scriptura vocat filios Pro-
phetarū, hoc est, discipulos, qui à Prophetis insti-
tuebantur, ut & ipsi idonei essent ad docendum.
Ita ab Apostolis constituti sunt Episcopi & Pa-
stores

THEOLOGICA.

flores ecclesiarum, & postea ab ecclesia eliguntur & ordinantur ministri. Est ergo & hac legitima vocatio & verè diuina, cum de autoritate ecclesie, aut eorum quibus ecclesia cõmittit iudicium, commendatur alicui ministerium:

Est ne licitum petere ministerium?

Respondeo, interest inter petitionem & ambitionem. Nam ambitio simpliciter prohibita est.

Quid est petitio?

Est deferre suam operam ecclesie, sic tamen ut relinquas liberum iudicium, an sis idoneus, ijs, ad quos pertinet cognitio. Ergo qui sic petit, non ambit. sed tantum significat suam voluntatem: quòd si ab ecclesia vocetur & indicetur idoneus, nõ recuset suscipere labores & pericula, quæ sunt in ministerio. Econtrà, ambitio est, cum aut per arrogantiam, aut alia cupiditate, aut propter ventrem tantum sese aliquis ingerit, non expectans iudicium, nec volens periclitari. Sed pugnat pecunia & alijs artibus. Sed vera petitio, quæ fit sine ambitione, laudanda est, & ad eam inuitandi sunt pij. Multum enim habet boni. Primum quòd expedit multos esse qui instituantur ad ministeriũ, ut eorum possit esse vsus in Ecclesia. Deinde expetit multos esse qui petant, ut ecclesia norit voluntatem eligendorum, & possit habere delectum.

Tertio, in hoc ipso virtus est modestia, quòd qui petunt, submitunt sese iudicio ecclesie, & periclitantur

MARGARITA

tantur de sua existimatione. Postremò, hoc ipsum acuit diligentiam & studium in petitis, ut maiore cura præparent se ad ministerium.

Quo testimonio probas, quòd sit licitum sic petere ministerium.

Paulus. 1. Timoth. 3. inquit: Si quis Episcopatū expetit, bonū opus desiderat. Item. 1. Cor. 14. Appetite spiritualia, magis autem ut prophetetis.

Quid debet propositum esse suscepturo ministerium?

Primum, dignitas & amplitudo ministerij: est enim summa functio, & summū ministerium, quo nullum magis excogitari potest, adeoq; propriè diuinum. Ideo Paulus id ornat summis præconijs: vocat eos qui docent Euangelium, dei ministros, item dei cooperarios, & adiutores. &c. Debetur ergo huic ministerio summa reuerentia, & maxima religione ac studio decet ad id accedere.

Secundò, considerari debet voluntas & mandatum dei, quia deus reposcet rationem pro animabus, & horribiles pœnas minatur ijs, qui non fideliter faciūt suum officiū, sic ut saepe docet scriptura. Ezech. 33. Et Christo in parabolis, de seruo nequam. &c.

Tertiò, præmissiones premiorum, quia Deus pollicetur ingentia premia ijs, qui fideliter præsūt ministerio, sustinent labores, odia & pericula. propter ministerium, sicut inquit Christus. beatus est

seruus

THEOLOGICA.

seruus ille, quoniam super omnia constituet eum Dominus suus. Et Petrus: Recipietis coronam gloriæ immarcescibilem.

Quæ est summa doctrinæ Christianæ, tradendæ in Ecclesia?

Hanc aptissimè complexus est Christus, Luca ultimo, cū inquit: Ite predicantes in nomine meo penitentiam & remissionem peccatorum.

Est ergo summa ministerij Ecclesiæ in hoc, ut doceatur penitentia & remissio peccatorum.

Quæ est partitio summaria totius scripturæ?

Eadem due sunt partes. Est enim aut doctrina præcipiēs quid sit faciendum, & arguens peccata. Aut est doctrina de remissione peccatorum. Ha due partes vocantur Lex & Euangelium.

DE LEGE.

Quid est Lex.

EST doctrina præcipiens, quales nos esse, qua facere, qua omittere oporteat.

Quotuplex est Lex? (mana.

Prima diuisio, Leges alie sunt diuina, alie hu-

Quid est Lex diuina?

Quæ instituta est à deo, & præcipit non tantum de externis actionibus, sed requirit etiam interiores motus cordis, adeoq; perfectam obedientiā erga deum, & damnat eos, qui illam non præstant.

Quid

MARGARITA

Quid est lex humana?

Quæ instituitur humano arbitrio, & præcipit de externis actionibus & officijs.

Alia diuifio.

Legum alie sunt naturales, alie positiue:

Hinc vulgò recensentur tres species:

Lex natura, Lex diuina Mofi, Lex humana.

Quid est lex naturæ?

Est notitia legis diuina, natura hominis à deo impressa, qua intelligit esse deum, esse conditorem & gubernatorem, bonum & iustum esse, benefacere iustis & punire iniustos, & ei deberi obedientiam. Item, colendam esse societatem humanā, parentibus esse obediendum, homines diligendos, iuandos, neminē ledendum. Iuxta illud: Quod tibi fieri non vis, alteri ne feceris.

Quæ est lex diuina?

Hanc vocamus legem traditam per Moſen.

Quotuplices sunt leges Moſaicæ?

Triplex. Morales, Iudiciales, Ceremoniales.

Quid est lex moralis?

Est doctrina præcipiens de perfecta obedientia erga Deum, seu de vita & bonis operibus erga Deum, & omnes homines.

Vbi traditur lex moralis?

Breuis & perfecta descriptio continetur in decem præceptis propositis populo Iſraëlitico per Moſen,
qua

THEOLOGICA.

que vocamus decalogum.

Quid interest inter legem naturæ & legem
moralem, seu decalogum?

*Leges natura verè sunt leges diuine, & planè
eadem, que in Decalogo, hoc est, in scripta Lege
moralis continentur.*

Quare igitur tradita est Lex Mosis, cum
antea esset Lex naturæ?

*Et si illud lumen, & illa notitia indita menti
hominis ante lapsum, in natura nōdum corrupta,
erant certa & integra, & habebant firmum as-
sensum, tamen postea valdè obscurata sunt vitio
originis: & est infirmus assensus, saepe etiam excus-
tiuntur dubitatione, & propemodum obliterantur.
Ideo deus addidit legem scriptam, ut lex natura
voce diuina renouata, clarior et illustrior redderet-
tur. Simul etiam ut extaret testimonium verbi
dei, quòd hæc notitia naturalis sit lex dei.*

Quomodo possunt distribui
leges naturæ?

*Decalogus est aptissima methodus omniū legum
naturalium, adeoque ipsa distributio et explicatio
legū naturæ. Non igitur potest inueniri aptior di-
stributio, quā explicatis ordine præceptis decalogi.*

Obligat ne Decalogus omnes
homines?

*Et si lex Mosis est abrogata, nec obligat gentes,
tamè quia Decalogus nihil aliud est, quàm reno-
latio*

MARGARITA

lutio & explicatio legis.natura, ideo manet Decalogus, & obligat omnes homines. Non quia à Mose traditus est, sed quia est interpres illius æternæ voluntatis Dei, quæ est ipsa lex natura.

Quæ est paritio Decalogi?

Dua sunt tabula. Prior continet præcepta de vita spiritali, quales esse debeamus erga Deum, seu de ijs operibus, quibus propriè agimus cum Deo, & describunt verum ac proprium cultum Dei.

Secunda, continet præcepta de vita politica inter homines, quales debeamus esse erga proximum.

RECITA DECALOGVM.

- i. Non habebis Deos alienos coram me.
- ii. Non assumes nomen Domini Dei tui in vanum.
- iii. Memento vt diem Sabbati sanctifices.
- iiii. Honora patrem tuum, & matrem tuam, vt sis longætius super terram.
- v Non occides.
- vi. Non mœchaberis.
- vii Non furtum facies.
- viii. Non loqueris contra proximum tuum falsum testimonium.
- ix. Non concupisces domum proximi tui.
- x. Non desiderabis vxorem eius, non seruum, non ancillam, non bouem, non asinum, nec omnia quæ illius sunt.

Quæ

THEOLOGICA.

Quæ præcipiunt hæc mandata
Decalogi?

Primum præcipit cultum Dei internum, scilicet verum & perfectum timorem, veram & perfectam fiduciam, perfectam dilectionem Dei.

Secundum præcipit cultum externum, usum nominis Dei, Nempe inuocationem, gratiarum actionem, predicationem verbi Dei, & confessionem. Hæc sunt sacrificia laudis.

Tertium præcipit ministeriū verbi sanctè colendū, & ceremonias diuinitus datas, propter ministeriū conseruandas esse, ut aliqua tēpora audiendo verbo, & per ceremonias exercendo tribuamus.

Quartum præcipit obedientiam erga parentes & magistratus, & complectitur hoc præceptum summas virtutes, scilicet diligentiam in parendo, seruire vocationi modestiam pietatem erga patres, erga Rempublicam, & similes virtutes.

Quintum præcipit neminem ledere prohibet vindicta cupiditatem, odia, inuidiam, & similes affectus, & complectitur multas virtutes, videlicet, Iustitiam, mansuetudinem, constantiam, patientiam, clementiam.

Sextum approbat coniugiū, & prohibet abstinere ab aliena. Complectitur virtutes, castitatem temperantiam, continentiam, sobrietatem, & similes.

Septimū munit rerum proprietates, iubetq; abstinere à rebus alienis. Complectitur parsimoniam, liberalitatem, sedulitatem & diligentiam.

Octa-

MARGARITA

Octauum munus indicia, requirit veritatem
pactorum et testimoniorum.

Nonum & decimum, addit declarationem
reliquis praeceptis, quod non solum externa facta,
sed etiam mali affectus prohibeantur, et quod ac-
cusetur concupiscentia.

Quæ sunt leges Mosaicæ iudiciales
siue forenses?

Quæ præcipiunt de ritibus coniugiorum, de successio-
nibus, de poenis delictorum et similib. rebus forensi-
bus. Hac ad christianos non pertinet, nisi si qua in
illis sunt naturales, ut cum prohibentur cognatorum
et certorum affinium connubia: reuerentia enim sã-
guinis debet obseruari ab omnibus gentib. et om-
nibus seculis. Nam et Chananæi deleti sunt pro-
pter incestas libidines, quod duxissent cognatas.

Quæ sunt leges ceremoniales?

Quæ præcipiunt de templo et ritibus sacrorum, qui
ritus Iudeos separant à gentibus. Ab his legibus
Christiani sunt liberi. Hoc tamen vult Deus, ut
aliquo tempore ceremonias diuinitus traditas u-
surpemus, et ad ministerium verbi conueniamus,
nulla enim res magis necessaria est, quam mini-
sterium verbi dei.

Quis est effectus legis diuinæ, & quot
sunt eius officia?

Tria. Primum, Lex coercet omnes homines disci-
plina quadam. Hinc Paulus ait: Lex est iniustis
posita

THEOLOGICA.

posita. Et rursus: Lex est pedagogus in Christum. Ad hanc disciplinam ordinavit deus magistratū, legis doctrinam, pœnas, calamitates humanas. &c

Secundum, ostendit peccata, accusat, perterrefacit, & damnat conscientias. Hinc Paulus ait: Per Legē agnitio peccati. Item: Lex irā operatur. Itē: Per Legem peccatū fit excellenter reū. Item: aculeus mortis, peccatum: virtus autem peccati, lex.

Tertium, docet quanam opera placeant deo, & præcipit certa opera, in quibus obedientiam erga Deum exerceamus. Nam etsi liberi sumus à lege quod ad iustificationem attinet, tamen quod ad obedientiam manet lex: nam iustificatos necesse est obedire deo.

Potest ne homo suis viribus legem
Dei præstare?

Nihil minus. Non satis fit legi divina per opera nostra exteriora, ut Scholastici docent, nec etiam per conatum interiorem voluntatis, sine fide & spiritu sancto. Sed Christus est consummatio Legis, hoc est, sine Christo nihil potest.

Potest ne homo iustificari per Legem?

Minimè. Paulus enim detrahit Legi iustificationem in hac corrupta natura, quia nemo natura viribus legi satisfacit. Qui ergo non sunt reconciliati fide, etiamsi aliqua legis opera faciunt, tamen non possunt deo placere, semper enim accusantur à lege, & manent in dubitatione et desperatione.

MARGARITA

Cur ergo traditæ sunt leges Mosaicæ,
si non iustificant?

Idco traditæ sunt, ut discernerent Israelitæ à reliquis gentibus, usq; ad prædicationem Christi. Voluit enim Deus segregare hunc populum à cæteris gentibus, ut certus aliquis populus esset, in quo nasceretur Christus, & in quo conservaretur promissiones, & extaret certa testimonia de verbo Dei, ideo etiam tantis miraculis populus iste eductus est ex Ægypto. Quanquam igitur Israëlita non merebantur remissionem peccatorum coram deo, propter has leges, tamen Deus subiecit eos istis legibus, tanquam Pedagogo, ut Paulus ait. Consequabantur autem remissionem peccatorum, fiducia misericordie Dei promissa, propter venturum Christum, quem Euangelium nunc venisse prædicat.

DE EVANGELIO.

Quid est Euangelium?

EST prædicatio pœnitentie, & promissio remissionis peccatorum & iustificationis, quam ratio non tenet naturaliter, sed revelata divinitus, in qua deus pollicetur propter Christum filium suum remittere peccata, et nos pronunciat iustos, id est, acceptos, et donat spiritum sanctum et vitam æternam, modò ut credamus hac nobis propter Christum certò contingere.

Quid

Quod est discrimen inter Legem
& Euangelium?

*Lex requirit perfectam obedientiam, verum dei
timorem, fiduciam veram, terret corda & consci-
entias, non remittit gratis peccata, non pronun-
ciat iustos, hoc est, deo acceptos, nisi Legi satisfi-
ctum sit. Et quoniam habet promissiones, tamen
hæc requirunt conditionem impleta Legis, viden-
cet: Qui fecerit hæc, vivet in eis: Item: Hoc fac,
& viues. Euangelium verò est concio de pœniten-
tia, continens promissiones beneficii Christi. Conso-
latur corda perterrita, remittit gratis peccata, &
pronunciat nos iustos, etiam si Legi non satisfacimus.*

DE PROMISSIONIBVS.

Quotuplices sunt promissiones
Scripturæ sanctæ?

*D*uplices. Quædam sunt ad uitæ Legi, & ha-
bent conditionem Legis, hoc est, exhibentur
propter impletionem Legis. Quædam non habent
conditionem Legis, tanquam causam, hoc est, non
promittunt remissionem peccatorum, propter im-
pletam Legem, sed gratis propter Christum, ut sunt
promissiones Euangelij.

Quæ fuit prima promissio Euangelij?

*Cum post lapsū Adæ deus dixit ad serpentem:
Inimicitias ponam inter te & mulierem, & inter
semen tuum & semen illius, ipsum conteret caput
tuum,*

MARGARITA

num, et tu insidiaberis calcaneo eius. Hac promissione et consolatione erigitur Adam, agnoscit se habere deum propitium, licet videat se indignum et immundum. Hac promissio postea renouabatur Abrahā, deinde et Isaac et Iacob. Huic promissioni crediderunt, et licet se indignos agnouerūt, tamen statuerunt se habere deum placatum propter ipsius misericordiam, et promissum semen. Sunt praterea in Psalmis et Prophetis multa conciones de Christo, de remissione peccatorum, de vita aeterna quae omnes huc tendunt, ut erigant et consolentur nos in nostra lucta et dubitatione, et doceant nos confidere, eum verē inuocare et colere.

Est ne promissio Euangelij
vniuersalis?

Imò, sicut promissio Euangelij est gratuita, sic etiam est vniuersalis, hoc est, offert et promittit omnibus hominibus reconciliationem: Sicut enim praedicatio poenitentiae vniuersalis est, ita & praedicatio remissionis peccatorū vniuersalis est. Hinc Christus ait Ioan. 3. Sic deus dilexit mundum, ut filium suum vnigenitū daret, ut omnis qui credit in eum, non pereat. Sic Paulus Rom 11. Conclusit Deus omnes sub peccatū, ut omnibus misereatur. Quod autem non omnes consequantur Euangelij promissa, eò fit, quia non omnes credunt. Euangelium enim etsi gratis promittit, tamē fidem requirit, oportet enim fide promissionē accipi. Particula autem gratis, non excludit fidem, sed conditionem nostrā

'THEOLOGICA.'

nostra dignitatis, & postulat ut promissionem accipiamus, id aliter fieri non potest, nisi fide.

Quod est opus Euangelij?

Consolari anxias conscientias, & promittere credentibus remissionem peccatorum, & vitam aeternam.

Quæ est summa Euangelij?

Qui crediderit & baptizatus fuerit, saluus erit. Marci. 16. Item, credere Iesum Christum esse agnum dei, tollentem peccata mundi. Ioan. 1.

DE PECCATO.

Quid est peccatum?

E*ST non tantum aliquod factum, sed etiam perpetuum vitium, id est, corruptio nature, pugnaus contra legem dei.*

Quæ sunt causæ peccati?

Voluntas diaboli & voluntas hominis, nõ deus. Genesis. 1. Vidit deus cuncta quæ fecerat, & erant valde bona. Et Psal. 5. Non deus volens iniquitatem tu es. Christus vocat diabolum, patrem mendacij. Et Rom. 5. Per hominem intrauit peccatum in mundum. Et 1. Ioan. 2. Concupiscentia carnis nõ est ex patre, sed ex mundo.

Si deus non est causa peccati, concedendane est Contingentia?

Imò, peccatum non est necessario factum necessitate absoluta, nam voluntas nostra ante peccatum

B. iiij.

verè

MARGARITA

verè libera fuit. Est autè libertas voluntatis causa
cōtingentia nōst rariorū actionum. Deus enim præ-
uidet & determinat contingentia, ita tamen, ut
non tollat moam agendi natura inditum, sed de-
terminat actiones iuti sunt. Permittit Deus ut
voluntas Saulis sic agat & non impellit ut secus
agat, & decernit ubi Saulem repressurus sit.

Quid est Contingentia?

Est quæ res creata in actionib; rationi subiectis
nunc mutantur, aliterantur, & incident in has atq;
illas actiones & casus, ex concessio diuinus de-
lecti & libertate creationis.

Quotuplex est necessitas?

Duplex. Vna est absoluta, v. l. consequentis, ut,
neceße est Deum esse, neceße est Deum esse bo-
num, iustum, veracem, sapientem. Potest & hæc
necessitas dici immutabilis. Altera est nec- sitas
consequentia, ut, oportet eueri Hierosolimam. O-
portet regnum Israel perire. Hæc non sunt natura
sua necessaria, sed sunt immutabilia postquam de-
creta sunt, ut, mortui reniuescent: vel quia sequū-
tur præcedentes causas, ut, Oportet esse hæreses.
Diabolus enim odit Deum, et incitat impios con-
tra Euangelium, qui obsequuntur, ideo oportet esse
hæreses. Hæc sunt natura contingentia, neq; enim
hæc consequentia libertatem voluntatis tollit.

Quid verò de Fato sentiendum?

Deliramenta de Stœico Fato non sunt in eccle-
siæ

ssam Dei inuehenda, nihil enim habent veri aut firmi, sed sunt mera prastigia ac sophistica coacervationes, multumq; nocent pietati & bonis moribus, si sic sentiant homines, ut Zenonis seruulus, qui dicebat: Non debere se plecti, quod Stoico fato coactus esset peccare.

Quotuplex est peccatum?

Duplex: Originis, & Actuale.

Quid est peccatum originis?

*Est nō tantum reatus seu imputatio (sicut scholastici docuerūt) qua, propter lapsum Adæ, omnes homines secundum naturā propagati, rei sunt, sed est etiam corruptio naturæ humane secuta lapsum Adæ, qua sit, ut nō possit præstare veram obedientiam Legi Dei, sed habeat defectus ex cōcupiscen-
tiam contra Legem dei. Eadem est sententia definitionis Anselmi: Peccatum originis est carentia iustitiæ originalis debite inesse. quia iustitiam originalem vocat, nō tantum imputationem seu approbationem diuinam, sed ipsam integritatem naturæ, seu omnium virium hominis, intellectus & voluntatis, qua homo poterat præstare integram obedientiam erga deum.*

Quæ est causa peccati originis?

Causa est inobedientia, seu lapsus primorum parentum. Nam post lapsum amisit uterq; Adam et Eva, integritatem naturæ, et secuta est corruptio. Deinde ex ipsis nati sunt tales, qualis erat natura

B. iij.

sic

MARGARITA

verè libera fuit. Est autè libertas voluntatis causa
cōtingentia nostrarum actionum. Deus enim præ-
iudicet & determinat contingentia, ita tamen, ut
non tollat motum agendi natura inditum, sed de-
terminat actiones iuti sunt. Permittit Deus ut
voluntas Saulis sic agat & non impellit ut secus
agat, & decrevit ubi Saulem repressurus sit.

Quid est Contingentia?

Est quæ res creata in actionib. rationi subiectis
nunc mutantur, alterantur, & incidunt in has atq;
illas actiones & casus, ex concessu diuini de-
lectu & libertate creationis.

Quotuplex est necessitas?

Duplex. Vna est absoluta, vel consequentis, ut,
neceße est Deum esse, neceße est Deum esse bo-
num, iustum, veracem, sapientem. Potest & hac
necessitas dici immutabilis. Altera est nec-
essitas consequentia, ut, oportet euertere Hierosolimam. O-
portet regnum Israel perire. Hac non sunt natura
sua necessaria, sed sunt immutabilia postquam de-
creta sunt, ut, mortui reniuescent: vel quia sequi-
tur precedentes causus, ut, Oportet esse hæreses.
Diabolus enim odit Deum, et incitat impios con-
tra Euangelium, qui obsequuntur, ideo oportet esse
hæreses. Hac sunt natura contingentia, neq; enim
hac consequentia libertatem voluntatis tollit.

Quid verò de Fato sentiendum?

Deliramenta de Stico Fato non sunt in eccle-
siæ

fiam Dei inuehenda, nihil enim habent veri aut firmi, sed sunt mera prastigia ac sophistica coactiones, multumq; nocent pietati & bonis moribus, si sic sentiant homines, ut Zenonis seruulus, qui dicebat: Non debere se plecti, quod Stoisso fato coactus esset peccare.

Quotuplex est peccatum?

Duplex: Originis, & Actuale.

Quid est peccatum originis?

Est nō tantum reatus seu imputatio (sicut scholastici docuerūt) qua, propter lapsum Adæ, omnes homines secundum naturā propagati, rei sunt, sed est etiam corruptio naturæ humanæ secuta lapsum Adæ, qua fit, ut nō possit præstare veram obedientiam Legi Dei, sed habeat defectus ex cōcupiscētiā contra Legem dei. Eadē est sententiā definitionis Anselmi: Peccatum originis est carentia iustitiæ originalis debitæ inesse. quia iustitiā originalem vocat, nō tantum imputationem seu approbationem diuinā, sed ipsā integritatem naturæ, seu omnium virium hominis, intellectus & voluntatis, qua homo poterat præstare integram obedientiam erga deum.

Quæ est causa peccati originis?

Causa est inobedientia, seu lapsus primorum parentum. Nam post lapsum amisit uterq; Adam et Eva, integritatem naturæ, et secuta est corruptio. Deinde ex ipsis nati sunt tales, qualis erat natura

B. iij.

sic

MARGARITA

*sic corrupta. Ita posteritas est rea, & propter lapsum
Adæ, & propter propriam corruptionem.*

Quod est materiale peccati originis?

Materiale seu fundamentum peccati originis est, corruptio nature hominis. Significat autem corruptio utrumq; & defectus seu expoliationem donorum, & concupiscentiam. Hanc Scholastici tantum fomitem vocarunt, cum sit reuera horribilis corruptio & peccatum, quod postea gignit vitiosos motus.

Quod est formale peccati originis?

Formale est ipse reatus seu imputatio divina.

Quid est concupiscentia?

Est horribilis ataxia, seu inordinatus motus et impetus in omnibus viribus hominis contra legem Dei.

Qui sunt effectus peccati?

Effectus sunt pœna peccati. Sunt autem tres gradus, prima pœna est illa ipsa corruptio nature, de qua dictum est, hoc est, concupiscentia, que postea gignit omnia actualia peccata, quare & ipsa sunt effectus corruptionis nature. Secunda pœna est mors, et omnes calamitates humani generis.

Tertia pœna est tyrannis diaboli, cui subiecta est natura humana, qui et corporalibus malis conatur perdere homines, et impellit ad peccata omnis generis, ad idololatriam, blasphemias, hæreses, iniustas cedes, nefarias libidines, et alia flagitia.

Manet

THEOLOGICA.

Manet ne peccatum originis in Sanctis?

Aut quomodo remittitur peccatum
originis in Baptismo?

Cum dicitur peccatum originis in baptismo remitti, non est ita intelligendum, quasi post baptismum nulla res vitiosa aut digna damnatione remaneat, sed ita intelligendum est, quod in baptismo remittitur reatus, id est, non immutatur peccatum, imputatur etiam si adhuc haeret in natura corruptio seu concupiscentia, qua etiam in sanctis adultis manet, et sua natura verè est res digna damnatione, sed non imputatur propter Christum, cum eum fide apprehendimus. Itaq; formale peccati, id est, reatus, seu imputatio, in baptismo et sanctificationis tollitur. Sed materiale, id est, ipse morbus et corruptio, adhuc manet in natura, et tamen cum datur spiritus sanctus ijs qui habent fidem, hi cōcipiunt novos et pios motus, quib⁹ incipit aliqua ex parte corrigi morbus.

Eodem modo docet Augustinus de remissione peccati originis in baptismo, cum inquit: Peccatis remittitur, non ut non sit, sed ut non imputetur. Item, Peccatum transit reatu, sed manet actu.

Cur manent poenæ, scilicet, mors corporalis, & cæteræ calamitates, cum peccatum remittatur?

Quia peccatum vel corruptio manet in natura, ideo manet etiam mors, sicut dicitur ad Rom. 8. Corpus mortificatur propter peccatum, scilicet præsens

MARGARITA

*sic corrupta. Ita posteritas est rea, & propter lapsum
Adæ, & propter propriam corruptionem.*

Quod est materiale peccati originis?

Materiale seu fundamentum peccati originis est, corruptio nature hominis. Significat autem corruptio utrumq;, & defectus seu expoliationem donorum, & concupiscentiam. Hanc Scholastici tantum fomitem vocarunt, cum sit reuera horribilis corruptio & peccatum, quod postea gignit vitiosos motus.

Quod est formale peccati originis?

Formale est ipse reatus seu imputatio diuina.

Quid est concupiscentia?

Est horribilis ataxia, seu inordinatus motus et impetus in omnibus viribus hominis contra legem Dei.

Qui sunt effectus peccati?

Effectus sunt pœna peccati. Sunt autem tres gradus, prima pœna est illa ipsa corruptio nature, de qua dictum est, hoc est, concupiscentia, qua postea gignit omnia actualia peccata, quare & ipsa sunt effectus corruptionis nature. Secunda pœna est mors, et omnes calamitates humani generis.

Tertia pœna est tyrannis diaboli, cui subiecta est natura humana, qui et corporalibus malis conatur perdere homines, et impellit ad peccata omnis generis, ad idololatriam, blasphemias, hareses, iniustas sedes, nefarias libidines, et alia flagitia.

Mance

THEOLOGICA.

Manet ne peccatum originis in Sanctis?

Aut quomodo remittitur peccatum
originis in Baptismo?

Cum dicitur peccatum originis in baptismo remitti, non est ita intelligendum, quasi post baptismum nulla res vitiosa aut digna damnatione remaneat, sed ita intelligendum est, quod in baptismo remittitur reatus, id est, non immutatur peccatum, imputatur etiam si adhuc haret in natura corruptio seu concupiscentia, quae etiam in sanctis adultis manet, et sua natura verè est res digna damnatione, sed non imputatur propter Christum, cum eum fide apprehendimus. Itaque formale peccati, id est, reatus, seu imputatio, in baptismo et sanctificationis tollitur. Sed materiale, id est, ipse morbus et corruptio, adhuc manet in natura, et tamen cum datur spiritus sanctus ijs qui habent fidem, hi cōcipiunt novos et pios motus, quib⁹ incipit aliqua ex parte corrigi morbus.

Eodem modo docet Augustinus de remissione peccati originis in baptismo, cum inquit: Peccatis remittitur, non ut non sit, sed ut non imputetur. Item, Peccatum transit reatu, sed manet actu.

Cur manent poenae, scilicet, mors corporalis, & cæteræ calamitates, cum peccatum remittatur?

Quia peccatum vel corruptio manet in natura, ideo manet etiam mors, sicut dicitur ad Rom. 8. Corpus mortificatur propter peccatum, scilicet praesens

MARGARITA

sens & adhuc herēs in natura. Oportet enim prorsus aboleri hanc corruptionem, ut deinde noua & integra natura uestiamur. Non potest autem tolli corruptio huius nature, nisi morte.

Quid est peccatum actuale?

Est omnis affectus, omnis cogitatus, omne dictum ac factum cōtra legem Dei, adeoq; quicquid sine fide sit. Vel breuius: Peccatum actuale est uitiosa natura fructus, ut sunt affectus, cogitata, dicta, facta contra legem Dei. Simul autem completi debemus personam & opus, nam licet impij habeant honesta opera, tamen quia persona sunt uitiosa, opera non placent Deo.

Quid reddit personam uitiōsam?

Incredulitas, dubitare de Deo, vacare timore ac fiducia Dei. Licet enim summi viri, Pomponius, Cicero. &c. habeant aliquā notitiam legis, quod scilicet Deus sit bonus, iustus. &c. tamen non norunt Euangelium, quod Deus gratis remittat peccata. Ideoque in magnis afflictionibus iudicant se reijci à Deo. Quare cum habeant interiores morbos, etiam polluantur externa actiones, iuxta illud Pauli. Omne quod non est ex fide, peccatum est. Roman 14. Magnitudo animi quidem in Achille egregia virtus est, & verè opus Dei. sed fit uitiōsa per accidens, nempe per uitiōsam personam, que dubitat, utrum Deus respiciat hominē. Item est sine timore & fiducia dei.

Quid

Quid facit personam Deo acceptam?

Fides. nam si fides acceperit ad honestam vitam disciplinam & ad honesta opera, tunc placebunt deo.

Quotuplices sunt adfectus in natura hominis?

Duplices. Quidam simpliciter pugnant cum lege dei, ut appetere res, aut coniugem alterius: inuidere alijs dei beneficia, diffidere deo, odisse deum, appetere gloriam indebitam, efferre sese supra alios, stomachari aduersus iudicium dei. Hi adfectus sunt proprii fructus peccati originis. Sunt q̃, simpliciter mali, vitiosi, & ex natura hominis eijciendi.

Alij sunt, qui non pugnant cum lege dei, ut amare coniugem, liberos, benemeritos. Item irasci vitij. Hos adfectus tollere ex natura, est tollere motum & vitam. Et licet cōtaminētur quoq̃, vitio originis, tamē per sese nō sunt mali & vitiosi, sed in natura sunt retinendi, & efficiendum, ut fiant puriores.

Quomodo agnoscuntur peccata?

Ex cōtione Legis. Rom. 7. Per legem agnitio peccati. Nesciebam enim concupiscentiam esse peccatum, nisi Lex dixisset: Non concupisces.

Quid verò sentis de peccato mortali & veniali?

Peccatum mortale. h. e. est, dignum morte aeterna, non tantū est aliqua actio, sed morbus habens in natura, qui vocatur peccatum originis. Hic motus damnat incredulos, & impios, iuxta illud Ioan. 3.

Qui

MARGARITA

Qui non credit, iam iudicatus est. Sed his qui apprehendunt fide remissionem peccatorum, condonatur hic morbus, iuxta illud Rom 8. Nihil nunc damnationis in his, qui sunt in Christo.

Vnde ergo peccata venialia?

Morbus ille originis non est otiosus, sed gignit cupiditates et affectus vitiosos, etiam in sanctis. Iuxta illud: Caro concupiscit aduersus spiritum. Sed quia huiusmodi affectus condonantur sanctis, sunt peccata venialia. Sancti enim non probant tales affectus, sed repugnant eis. Quia ergo fides in talibus qui repugnant, existit, ideo interim pronunciantur iusti.

Quæ dicis peccata mortalia?

Est genus actionum, quæ sunt eiusmodi, ut qui eas admittunt, excidant gratia Dei, desinant reputari iusti, et damnentur, nisi respiciant. Hæ actiones vocantur peccata mortalia. Exempli gratia. probare aut facere aliquid contra conscientiam, hoc est, impijs opinionibus, incredulitati, vitiosis affectibus non repugnare: item externa flagitia committere contra mandata Dei. De his loquitur Paulus 1. Cor. 6. Neq₃ fornicatores, neq₃ idololatra, neq₃ adulteri, neq₃ molles, neq₃ masculorum concubitores, neq₃ fures, neq₃ fraudatores, neq₃ ebriosi, neq₃ cõuiiatores, neq₃ raptores, regnũ Dei possidebunt. Sic Ephes. 5 & Gal 5. Manifesta sunt opera carnis, adulterium, scortatio, immunditia, impudicitia, idololatria, veneficiũ, odia, rixæ, emulatio-
nes,

THEOLOGICA.

nes, diffidia, sectæ, inuidentiæ, carnes, ebrietates, & comestationes, & similia: de quibus prædico vobis, quòd qui talia agunt, regnum dei non possidebunt.

Quid verò sentis de patrum diuisione peccatorum actualium interna & externa?

Hæc diuisio minus periculosa est, si dixeris, quædam peccata actualia esse interna, qualia sunt affectus & cogitatus, quæ venialia dici possunt, in illis qui resistunt fide, & ideo adhuc iusti reputantur. Quædam externa, ut dicta ac facta, in quæ prolabuntur, recidunt à gratia, nec amplius reputantur iusti. Scias tamen, tam interna quàm externa mortalia esse in ijs, qui non habent fidem, nec repugnant talibus motibus. Quia enim fide carent, non habent remissionem peccatorum. Igitur in talibus nulla esse possunt venialia peccata.

Quid ais de peccatis omissionis, & ignorantie affectatæ?

Sunt & ipsa quoq; peccata mortalia. Nam hæc ipsa affectatio est contra conscientiam, ut si quis nolit cognoscere Euangelium, aut nolit intelligere officium suum, aut illud negligenter faciat. Talia nunc sunt multorum peccata, qui negligunt audire & cognoscere Euangelium, cum tamen sciant mandatum esse Dei: Hunc audite. Talis erat & Iudeorum ignorantia, qui Christum persequabantur. Sic sunt idololatriæ gentium peccata mortalia.

Quid requiritur in conuersis?

Ut habeant gloriam bonæ conscientie, & agen-

MARGARITA

tes pœnitentiam, non perseuerent in his, quæ indicant se fecisse contra voluntatem dei. Quemadmodum scriptum est: Nolo mortem peccatoris sed magis ut conuertatur. Et rursus: Si dixerò impio, morte morieris, & egerit pœnitentiam à peccato suo, feceritq; iudicium & iustitiam, uiuet. Et tamen interim sciant hanc ipsam obedientiam, quam præstant, non esse perfectam. Ideoq; in iudicio dei non confidât dignitate operum, sed confidant personam acceptâ esse propter Christum. Deinde seruent hoc quod Paulus inquit: Ne contristetis spiritum sanctum dei, quo signati sumus, ad diem redemptionis, hoc est, ne beneficium Christi abiciamus & pereamus.

DE GRATIA.

Quid significat vocabulum Gratiæ?

Vocabulum gratia in scripturis, & præcipue in Paulo, cum disputat de iustificatione, significat non qualitatem seu habitum infusum in anima, sicut scholastici de gratia loquuntur, & hoc vocabulo abusi sunt pro charitate seu dilectione, quæ est in nobis: sed accipiendum est relatiuè, & significat gratuitam acceptionem, seu reconciliationem dei erga nos.

Quid igitur est Gratia?

Gratia propriè est remissio peccatorum, & reconciliationis seu imputatio iustitiæ, seu acceptatio persona,

persona, quæ sit per misericordiam propter Christum gratis, cum qua acceptatione coniuncta est donatio spiritus sancti, quo corda in poenitentia eriguntur fide, & capiunt consolationem, in qua consolatione efficiuntur noui motus consentientes Legi dei.

Quomodo intelligendum est, cum dicitur,
Gratia sumus iusti?

Non est intelligendum sicut Scholastici imaginantur, quod significet nos consequi remissionem peccatorum, aut iustos esse propter habitum aut qualitates, quæ est in nobis, scilicet propter nostram dilectionem, aut nouam obedientiam, hoc enim est obruere doctrinam de fide, & tollere Christum mediatorem. Sed ita intelligendum est, quod consequamur remissionem peccatorum, seu imputationem iustitiæ, deo acceptante nos gratis per misericordiam, propter aliud extra nos, scilicet propter Christum. Et tamen sciendum est, cum remissione peccatorum coniunctam esse donationem spiritus sancti, cum scilicet fide erigimur, qui efficit in nobis inchoatam obedientiam. Ergo in certamine conscientie, cum quarit remissionem peccatorum, & disputat de voluntate dei erga se, non debemus intueri in nostras qualitates, aut propriam dignitatem, sed intueri debemus in promissionem à Christo, & iuxta hanc statuimus de voluntate Dei erga nos, & fide apprehendimus ipsum mediatorem. Quod cum fit, donatur spiritus sanctus, qui affert consolationem, & est efficax, ut existant noui motus.

Vtrum.

MARGARITA

Utrumq, igitur tenendum est, & quòd oporteat fieri in nobis novos motus per spiritum sanctum, & quòd tamen conscientia debeat intueri extra nos in mediatorem Christũ, & statuere, quòd propter hunc sumus iusti, id est, habentes remissionem peccatorum, & accepti ad vitam aeternam.

Quæ sunt causæ Gratiæ.

Efficiens causa est voluntas Dei, qua Christum voluit pro nobis fieri victimam, & propter ipsum nobis misereri. Igitur tantum Christi meritum, est causa propter quam datur gratia.

Quomodo contingit nobis gratia?

Instrumentalis causa est, ministerium Euangelij & Sacramentorum. Nam Deus per verbum vult esse efficax, modò ut id fide apprehendamus. Debet enim accedere nostra voluntas, qua verbum accipiat. Non enim est efficax in repugnantibus, & in ijs, qui non consequuntur gratiam, audientes verbum, causa est ipsorum voluntas, repugnans verbo.

Sic ergo consequimur gratiam, cum ex verbo, seu promissione reuelata in Euangelio, corda concipiunt consolationem, & vincunt terrores, ac erigunt se fide, certò statuentes se accipere remissionem peccatorum & imputationem iustitiæ, iuxta promissionem, propter Christum.

Idè ait Paulus Gal. 3. Ut promissionem spiritus accipiamus per fidem, hoc est, cum per terrefacti erigimus nos fide, qua nititur promissioni de Christo,

Hic

THEOLOGICA.

Hic damnandi sunt Fanatici spiritus, ut Anabaptista & similes, qui querunt illuminationes spiritus sancti extra verbum, & sine verbo. Item qui imaginantur spiritum sanctum praecurrere Verbum, & fingunt se postea credituros esse, postquam senserint se habere novas illuminationes.

Sunt etiam hic excludende disputationes de praedestinatione. Debemus enim ordiri à verbo, quod est uniuersale. Nam sicut doctrina de poenitentia, quae arguit peccata, est uniuersalis: Ita etiam promissio Euangelij est uniuersalis, & mandatū uniuersale est de Christo, praecipiens, ut omnes credamus in Christum, & statuamus hanc esse aeternam, & immutabilem voluntatem Dei, quod propter Christum verè dentur nobis ea, quae promittit Euangelium.

Est ne aliquod meritum nostrum
in reconciliatione?

Nullum est nostrum meritū, propter quod contingit nobis gratia, hoc est, remissio peccatorum et imputatio iustitiae: sed est gratuita donatio, sicut Paulus inquit: Donum Dei est, non ex vobis, ne quis gloriatur. Item, Rom. 6. Donum est vita aeterna.

Tollitur ergo meritum in reconciliatione, non quia nos nihil agamus, sed quia promissio est donatio, ut sit certa, videlicet, non pendens ex condicione nostra dignitatis, & tamen interim nos accipere, non reijcere promissionem debemus.

MARGARITA

Qui sunt effectus gratiæ ?

Effectus sunt motus spiritus sancti, qui fiunt cum euangelium apprehendimus. Ac primus et precipuus effectus est Fides, qua nos erigimus ac statuimus deum esse nobis propitium propter Christum. Hic motus dicitur uiuificatio, quia hac fide vincuntur terrores peccati et mortis. Est q̃, hac fiducia, liberatio à peccato et morte aterna, adeoq̃ ipsa inchoatio uite aterna. Deinde sequuntur alij motus, uidelicet inchoata obedientia erga deum, inuocatio, timor, dilectio, patiētia, et alia uirtutes.

Sunt etiam effectus gratiæ, auxilium dei contra diabolum et mortem, cōsolatio et auxilium in cruce et calamitatibus Item liberatio à Lege.

Ultimus effectus est, et qui sequitur causam finalem. Nouitas totius naturæ, et uita aterna.

Quomodo gratia liberat à peccato & morte, cum tamen maneat adhuc & peccatum hærens in carne, & mors corporalis ?

Respondeo: Etsi in hac uita manet adhuc caro uitiōsa, tamen hac præsens infirmitas non imputatur credentibus, etiamsi ille morbus sua natura est peccatum, seu res digna damnatione: præterea etiam noui motus et noua uita in nobis inchoantur, quæ prorsus perficientur cum hac caro extincta renouabitur. Itaq̃ gratia dupliciter liberat à peccatis. Est enim et remissio præteritorum peccatorum, et condonatio, seu non imputatio præsentis morbi,

morbi, qui nobiscum natus est, et haeret in carne.

Secundo etiam liberamur à morte. Est enim iam sublata mors aeterna credentibus. Deinde etiam si manet mors corporalis, et caetera afflictiones in hac vita, tamē illa ipsa mors est sine aculeo, et manet tantum corporalis mors, propter hoc ipsum, ut aboleatur hac caro vitiosa. Postea etiam hac ipsa mors corporalis abolebitur, & succedet nova & glorificata natura, in resurrectione mortuorum.

Quare Paulus discernit gratiam
& donum?

Gratiam vocat Paulus ipsam remissionem peccatorum seu reconciliationem et acceptionem gratuitam propter Christum.

Donum vocat, donationem spiritus sancti, & vitae aeternae. Significat igitur vocabulum Doni, ipsos effectus gratiae, de quibus dixi.

Et si autē haec duo coniuncta sunt, tamen Paulus eruditē & necessaria de causa discernit. Estq; hac ratio discriminis, ut suprà dictū est. Quia etsi necesse est in nobis incoari motus spirituales, tamen conscientia in certamine & coram iudicio Dei nō debet intueri in suam novitatem aut virtutes, quae efficiuntur à spiritu sancto: nec querere, an habeat satis virtutū, an satis credat aut diligat. Sic enim nunquā posset fieri certa de remissione peccatorum, sed simpliciter debet intueri in promissionem Euāgelij, & statnere quod certō habeat remissionem peccatorum propter Christum, gratis, non propter

Cij.

proprim

MARGARITA

propriam dignitatem, aut proprias virtutes.

Quid significat spiritus gratiæ & precum,
apud Zachariam ?

*Zacharias cap. 12 suauissimè descripsit beneficia
noui Testamenti, his verbis: Effundam super do-
mum David spiritum gratiæ & precū. Spiritū gra-
tia vocat, quo agnoscimus deum nobis propitiū
esse, remittere peccata, &c. Spiritus precum cōpre-
hendit omnem cultum interierem, inuocationē, &
omnia exercitia fidei, quæ efficit spiritus sanctus,
postquā concepimus consolationē, & credimus nos
habere remissionē peccatorum propter Christum.*

DE IUSTIFICATIONE.

Quid significat vocabula,
Iustificari & Iustificatio ?

Iustificari propriè significat Hebraica phrasi,
absolutus à peccatis, & iustum, id est acceptum
pronunciari, ut si dicas: David est iustificatus à
peccato, id est, absolutus & reconciliatus seu recep-
tus in gratiam. Sic Paulus Rom. 4. inquit: Cre-
denti in eum qui iustificat, impium, id est, absol-
uit & acceptat. Ita iustificatio significat reconci-
liationem seu acceptionem diuinam. Etsi enim
necesse est, existere novos motus in his qui recon-
ciliantur, tamen iustificatio non debet intelligi in
hac propositione: Fide iustificamur, de infusione
qualitatum seu virtutum novarum, sed intelligat-
ur relativè, de voluntate Dei acceptante siue ap-
probante

THEOLOGICA.

probante nos, adeoque de remissione peccatorum & pacificatione conscientiae.

Sic etiam vocabulū iustus relatiuè significat, non habentem nouas qualitates, sed reconciliatum siue acceptum, seu habentem remissionem peccatorum.

Quid complectitur iustificatio?

Tria membra complectitur, remissionem peccatorum, Acceptationem ad vitam eternā, & donationem spiritus sancti. Esi enim in remissione peccatorum reliqua insunt, tamen docendi causa utile est hæc discerni, ut intelligatur, hæc omnia nobis contingere, non propter nostram dignitatem, sed tantum per misericordiam propter Christum. Nec esse imaginandū, quod tametsi remissionem peccatorum consequimur per misericordiam, tamen postea nostris qualitatibus seu virtutibus iusti simus.

Quomodo fit iustificatio?

Suprà dictum est in euangelio doceri hæc duo, pœnitentiam & remissionem peccatorum, sicut Christus ipse inquit: Ite predicantes pœnitentiam & remissionem peccatorum in nomine meo. Ideo ordiendum est ab hac predicatione, quæ & arguit peccata, & ostendit beneficia Christi. Hic igitur est modus iustificationis. Necesso est existere contritionem, quæ statuit Deum irasci peccato, & ferriò doleat de peccatis. In his terroribus erigenda est cōscientia fide, quæ apprehendit promissionē euangelij de Christo, & iuxta illā statuit nobis remitti peccata, & nos reputari iustos, ac hæredes esse vite

C. iij.

eterna

MARGARITA

eterna propter Christum per misericordiam gratuita. Cum hoc modo in poenitentia seu cōtritione nos consolamur, sumus iusti, seu accepti Deo, id est, habemus remissionem peccatorum, & acceptionem ad vitam eternam, non propter nostrā dignitatem, sed propter Christum. quem tamen fide apprehendi oportet. Et cum hoc modo consolationem capimus, simul etiam verè concipimus spiritum sanctum, qui exsuscitat corda, ut incipiant habere novos motus, ut timorem, fidem, dilectionem &c.

Quæ sunt causæ iustificationis ?

Prima & principalis est ipse spiritus sanctus. Huic coniungenda est altera, scilicet Verbum, per quod movet & efficax est spiritus sanctus. Tertiò, nostra voluntas, cum movetur à spiritu sancto per verbum, non debet repugnare, sed assentiri & accipere verbum. Iuxta illud. Cum vocem eius audieritis, nolite obdurare corda vestra.

Agitne aliquid nostra voluntas ?

Cum dicimus, homines gratis iustificari, & meritum detrahatur operibus, id non ita intelligendū est, quasi voluntas nostra prorsus nihil agat, sed sit tanquam saxum aut statua. Imò cum sit ordiendum à Verbo, sicut dictum est, certè agit aliquid humana voluntas, mota à spiritu sancto, assentitur, & accipit verbum, ac eo sustentat se, nec debet abicere aut repugnare verbo. Item debet statuere, quòd Christus verè præstet promissa, videlicet, quòd velit credentibus impartiri spiritum sanctum,

Etum, quòd velit esse efficax per verbum.

Quæ est sententia huius dicti :

Fide iustificamur ?

Varie depranatur hac sententia. Aliqui exponũs Fide, id est, tota doctrina religionis, seu obseruatione professionis Christiana, seu obedientia omnium virtutum. Hi planè depranant vocabulum fidei, & fidem vocant notitiam seu professionem doctrinae, & nihil dicunt de Christo, nihil de fiducia, quæ erigit & consolatur conscientias. Et tantũ harent in doctrina Legis.

Alij etsi sunt paulò saniores, & concedunt vocabulo fidei non tantũ significare notitiam historiae, sed etiam fiduciam, tamen imaginantur in hoc dicto esse Sinecdochen. Fide iustificamur, id est, quia Fides est præcipua virtus, & orditur pietatẽ, ideo tribuatur ei iustificatio, non tamẽ ita, ut excludantur à iustificatione alia virtutes, scilicet, dilectio. &c. Sed hi quoq; decurrant à sententia Pauli, ac etiam intuentur in nostras qualitates, cogitant nos iustos esse propter dignitatem illius virtutis et aliarum, quæ debent esse in sanctis.

Sed vera interpretatio est, Fide sumus iusti, id est, fiducia misericordia propter Christum sumus iusti, seu accepti deo. Debet ergo intelligi hoc dictum correlatiuè : Fide iustificamur, hoc est, gratis per misericordiam reputamur iusti, sed hæc misericordia fide apprehendenda est.

Est ergo sententia Pauli: Fide sumus iusti, id est,

C. iij.

non

MARGARITA

*non propter dignitatem qualitatum seu virtutum
nostrarum, aut propter aliquid in nobis, sed propter
aliud extra nos, videlicet, propter Christum repu-
tatur iusti.*

Quid excludit particula Gratis ?

*Non excludit penitentiam seu contritionem et
bona opera, sed excludit conditionem dignitatis
nostrae, et transfert causam beneficii (scilicet re-
missionis peccatorum, et donationis vite aeternae)
in solam misericordiam.*

Quare necesse est tenere hanc exclusivam ?

*Hac doctrina tota referenda est ad ipsum ago-
nem conscientiae coram iudicio Dei, nec potest in-
telligi, nisi traducatur animus ad illud ipsum cer-
tamen. Nam in veris terroribus conscientiae expe-
ritur nos non posse exponere iudicio et ira Dei
nostras virtutes et merita nostra: nec potest ac-
quiescere, aut vincere dubitationem quandiu qua-
rit suas virtutes, aut bona opera. David etsi habet
multas excellentes virtutes et merita, tamen non
potest statuere sibi propter illa certò contingere re-
missionem peccatorum, sed omnes illae virtutes ob-
ruuntur et demerguntur uno peccato. Ergo, ut ha-
beat pacatam conscientiam, et vincat terrores et
dubitationem, cogitur querere misericordiam gra-
tuitam, nec acquiescit, priusquam fide apprehen-
dat hanc euangelij vocem, quòd gratis ei remit-
tatur peccatum. Ideo igitur tenenda est hac sen-
tentia, quòd gratis iustificemur per misericordiam,
propter*

THEOLOGICA.

propter Christum, ut beneficium sit certum, et conscientia habeant formam consolationem, & ut dubitatio fide vinci possit.

Et hac ipsa particula gratis, propriè facit discrimen Legis ac Euangelij. Nam Lex etiam habet promissiones, sed non pollicetur gratis remissionem peccatorum, sed requirit conditionem nostræ implerionis seu obedientiæ.

Hac igitur est prima causa, cur hanc exclusivam defendi necesse sit, videlicet, ut promissio sit certa.

Secunda causa est, ut debitum honor tribuatur Christo, videlicet, ut statuamus nobis verè propter ipsum contingere beneficia Euangelij, & discamus eo uti mediatore. Nam qui non tenent hanc doctrinam, auferunt Christo debitum honorem, nec possunt eo uti tanquam mediatore.

Dic testimonia huius exclusivæ.

Rom. 3. Iustificantur gratis ipsius gratia, per redemptionem in Christo Iesu, &c.

Item cap. 4. Ideo ex fide gratis, &c.

Ephes. 2. Gratia estis saluti per fidem, non ex vobis. Dei enim donum est, non ex operibus.

Galat. 2. Sciens quod non iustificatur homo ex operibus Legis, nisi per fidem Iesu Christi.

Ad Titum. 3. Non ex operibus iustitia, qua facimus nos, sed secundum misericordiam, &c.

Est ne vera propositio,

Sola fide iustificamur?

Respondeo, Est. Idem est enim dicere: Gratis iustificamur,

MARGARITA

*ustificamur, & dicere: Sola fide iustificamur. Et re-
ctius intelligetur, sententia mutata in correlatiuam,
Sola misericordia iustificamur. Tantum enim va-
let. Sola fide, id est, solius misericordiae fiducia iusti
pronunciamur. Imò etiam si non addatur particula
sola, tamen hæc ipsa propositio: Fide iustificamur,
simpliciter exclusiua est. Quia dicere, Fide iustifi-
camur, hoc ipsum vult, scilicet, quòd fides nititur
sola misericordia, nõ nostra dignitate, & significat
fiduciam solius misericordiae, ac opponitur fiducia
proprie dignitatis & operum. Est igitur contradi-
ctio, dicere quòd fide iustificemur, & imaginari
quòd propter opera iustificemur, aut mereamur re-
missionem peccatorum & vitam æternam.*

Argumentor contrà.

*Suprà dixisti, requiri contritionem & pœnitentiã.
Ergo non sola fide iustificamur. Respondeo, Par-
ticula sola, non excludit pœnitentiã seu contri-
tionem: nec hoc vult, quòd in renatis sit sola fides,
non etiam alie virtutes. Sed excludit conditionem
nostræ dignitatis & meriti, tanquam causam re-
cõciliationis, quòd videlicet propter nullas nostras
virtutes reputemur iusti. Et causam iustificationis,
hoc est, precium remissionis peccatorum, & meri-
tum vitæ æternæ, transfert à nobis in solam mise-
ricordiam. Esi ergo necesse est existere pœniten-
ciam, & inchoatam obedientiam, tamen non pro-
pter eam habemus remissionem peccatorum.*

Aliud

THEOLOGICA.

Aliud argumentum.

Fide sumus iusti,

Fides est opus.

Ergo operibus sumus iusti.

Hic non valet responsio illorum qui dicunt : Fides est opus Dei, quia etiam dilectio & alie virtutes sunt opera Dei in nobis, nec tamen propter eas iustificamur. Sic igitur respondendum est ad maiorem : Non sic est intelligenda maior, fide sumus iusti, quia fides est opus aut qualitas in nobis, sed quia nititur misericordia, & accipit misericordiam. Et hac ratio: Fide sumus iusti, intelligenda est correlatiue, id est per misericordiam pronunciamur iusti, sed hac fide accipiendum est. Etsi igitur fides est opus seu noua qualitas in nobis, tamen non propter dignitatem illius sumus iusti, quia hac fides adhuc imperfecta est, sicut alie virtutes sed sumus iusti propter illud quo nititur, & quod accipit fides, scilicet, propter Christum.

Si non sumus iusti propter opera, quorum opus est bene operari?

Respondeo, Beneficiū iustificationis totum translatum est in Christum, nec pēdet ex nostra dignitate, ut videlicet sit certum. Et tamen noua obedientia est necessaria, tanquam effectus necessario consequens. Quia cū fide accipimus remissionem peccatorum & imputationem iustitiae, simul fit in nobis renouatio, qua est, inchoatio noua & aeterna vite. Inchoatio verò noua & aeterna vite, est ipsa

MARGARITA

ipsa noua obedientia. Est ergo necessaria hac noua obedientia in ijs, qui sunt iustificati.

Quæro de Paulo iam conuerso seu renato: Est
ne Paulus post conuersionem iustus so-
la fide, an fide & operibus, seu noua
obedientia simul?

*Respondeo. Sola fide iustus est. Quia etsi iam habet
nouam obedientiam & excellentes virtutes, tamē
non potest statuere personā placere propter illas vir-
tutes, qui sentit illam suam inchoatā obedientiam
non satis facere Legi, nec potest suas virtutes oppo-
nere iudicio dei. &c. Quemadmodum ipse inquit:
Nihil mihi conscius sum, sed in hoc non iustificatus
sum. Ergo necesse est eum statuere, quod persona
placeat propter aliud, videlicet, propter Christum.
Deinde quia fides nititur misericordia, & per eam
statuit se acceptū esse deo, nō potest dici, quod simul
fide & operibus sit iustus. Esset enim contradictio,
cōfidere simul in misericordia & dignitate propria.*

DE BONIS OPERIBVS.

Quæ sunt tenenda in doctrina de operibus?

Multæ sunt Quæstiones.

- I. Quæ opera requirantur.
- II. Quomodo fiant.
- III. An satis faciant Legi.
- IIII. Quomodo placeant.
- V. De merito & causis bene operandi.

Qualia

THEOLOGICA.

Qualia opera requiruntur, & quæ
sunt bona opera?

Deus requirit non tantum externa facta, quæ sunt quadam civilis disciplina, & iustitia carnalis, quæ est & in hypocritis & impijs. Hanc enim potest utcumq; prestare humana voluntas, sine spiritu sancto, & à Deo requiritur etiam ab his, qui non sunt sanctificati. Sed requirit etiam interiores motus cordis, scilicet, timorem Dei, fiduciam, inuocationem dilectionem, patientiam. & c. Juxta illud: Dabo legem meam in cordibus eorum. Et Christus inquit: Nisi iustitia vestra abundauerit supra iustitiam Phariseorum, non intrabitis in regnum celorum.

Sunt igitur bona opera non tantum externa facta, sed etiam interiores spirituales motus. Voco autem bona opera tantum ea, quæ à Deo sunt mandata, & precipiuntur in Decalogo seu decem preceptis. Quare cum quaritur de bonis operibus, respiciendum est ad Decalogum. & sciendum est, quod ea tantum sunt vocanda bona opera, quæ in Decalogo docentur.

Debet enim extare testimonium verbi Dei, quæ opera requirat Deus, & quæ placeant Deo. Non potest autem statui, quod placeant Deo illa opera, quæ non habent testimonium verbi Dei. sicut sunt opera traditionum, & cultus electitij, imò scriptura palam repudiat illa opera, & negat Deo placere, sicut Christus inquit: Frustra colunt me mandatis hominum. & c.

Die

MARGARITA

Dic Catalogum bonorum operum ex Decalogo?

Ad primum praeceptum pertinent, poenitentia, seu timor, fides siue fiducia misericordiae promissae propter Christum, & dilectio, item obedientia in afflictionibus, seu patientia.

Ad secundum praeceptum pertinent, inuocatio, gratiarum actio, confessio doctrina, & praedicatio verbi dei, si postulet vocatio.

Ad tertium pertinent, conseruatio publicarum ceremoniarum, quae diuinitus ordinatae sunt, reuerentia erga ministerium.

Ad quartum, officia vitae civilis, obedientia Parentum, diligentia in obeunda vocatione.

Ad sextum, castitas, fides coniugij, temperantia, sobrietas.

Ad septimum, iustitia in contractibus & usu facultatum, liberalitas eleemosyna.

Ad octauum, veritas in omni vita, odi se simulationem & mendacia.

Ad nonum & decimum pertinent, repugnare concupiscentia & malis affectibus.

SECVNDA QVAESTIO.

Quomodo fiunt bona opera?

Hic primum tenenda est regula, quod impossibile sit fieri legem sine fide. Quia cum non satis sit externa opera aut simulationem Legis praestare, sed requirantur interiores motus cordis, hanc veram obedientiam non possunt praestare homines sine fide
sen

seu intellectu Evangelij de Christo. Est autē hac regula. Sine fide impossibilis est lex dupliciter intelligenda Primum de obedientia spirituali, ut dictū est, quia etsi homines prastant aliqua externa opera, tamen in agone conscientia cū corda sentiunt iram & iudicium dei, tunc dubitant, fugiunt deum, desperant, non diligunt, non innocant deum, non prastant veram obedientiam. Secundò intelligatur etiam de acceptione, id est, etiam hoc ipsum quod facit homo sine fide, non placet, quia non fit fiducia Christi mediatoris. Nam extra Christum nihil potest placere, & deò Christus ipse inquit. Sine me nihil potestis facere. Igitur necesse est ad doctrinam Legis addi Evangelium de Christo, & fides necessaria est ad faciendam Legem.

Sic ergo fiunt bona opera, cū corda eriguntur Evangelio, mouente spiritu sancto, & assentiētibz nobis, ibi simul concipitur spiritus sanctus, & inchoantur in nobis motus spirituales. Corda postquam fide statuunt se habere Deum propitiū propter Christum se respici à Deo exaudiri &c. iam agnoscunt Deum patrem, & liberata à terroribus & dubitatione incipiunt verè diligere Deum, verè inuocare, confidere auxilio dei in omnibus periculis, aquo animo perferunt afflictiones, & prastant obedientiam, propter gloriam dei: propter deum, seruiunt proximo: diligentius faciunt officia vocationis, & prastant exercitia pietatis, castitatem, diligentiam in reprimendis affectibus. &c.

MARGARITA

Hoc ergo est beneficium doctrinae euangelicae, cum docetur de fide, discitur quomodo concipiatur spiritus sanctus, qui excitat in nobis nouos motus, & intelligitur quomodo lex sit possibilis, sicut Paulus ait, Legem stabiliri per fidem.

TERTIA QVAESTIO.

An noua obedientia satisfaciat Legi,
& sit sine peccato?

Etsi in credentibus, cum concipiunt spiritum sanctum, existit noua obedientia, sicut dictum est, tamen sciendum est, eam obedientiam esse imperfectam, nec esse sine peccato, sed adhuc habere multum infirmitatis & vitij, etiam in ijs qui sunt sanctificati. Quare hec inchoata obedientia (quod ad ipsum attinet) nequaquam satisficit Legi, nec potest opponi iudicio Dei. Est enim adhuc in sanctis concupiscentia, quae est sua natura peccatum, & res digna morte, nec est otiosa, sed perpetuo gignit vitiosos affectus. Ideo non possunt statuere sancti, se propter suam obedientiam iustos esse, & placere Deo: sed coguntur querere misericordiam, & credere, quod tantum propter Christum placeant. Ita intelligunt à se requiri perpetuam poenitentiam, & se opus habere perpetua remissione peccatorum, sicut Christus ab omnibus requirit poenitentiam, ne effretur fiducia propriae dignitatis, cum inquit. Gaudium est Angelis de uno peccatore agente poenitentiam, magis quam de nonaginta nouem iustis. &c.

Damnanda est igitur doctrina aduersariorum,

qui fingunt sanctos sine peccato esse, et concupiscen-
tiam (quam vocant famitem) non esse, sua natura
peccatum, et sentiunt reuocatos sua impletione seu
obedientia iustos esse. Ita tollunt prorsus Christi-
anum, et obscurant doctrinam Euangelij.

Testimonia, quod maneat in
sanctis peccatum.

1. Ioan. 1. Si dixerimus, quod peccatum non ha-
beamus, ipsi nos seducimus. &c.

Rom. 7. Carne seruo Legi peccati. &c.

Rom. 10. Conclussit omnes sub peccatum, ut om-
nium misereatur.

Psal. 142. Non intres in iudicium cum seruo tuo,
quia non iustificabitur in conspectu tuo ullus uir.

Psal. 139. Si iniquitates obseruaueris Domine,
quis sustinebit?

Psal. 18. Delicta quis intelligit? &c.

Psal. 31. Beatus vir, cui non imputauit dominus
peccatum. Ergo potuit omnibus imputari pecca-
tum, nec sancti sunt sine peccato, sicut sequitur in
Psalmo: Pro hac orabit ad te omnis sanctus. Et
sancti fatentur hac peccata, cum orant: Dimittite
nobis debita nostra. &c.

QUARTA QVAESTIO.

Cum in Sanctis sit peccatum, quomodo pla-
cet igitur inchoata obedientia?

De hoc imprimis opus est in Ecclesia erudiri
conscientias, quomodo placeat inchoata obediencia

MARGARITA

tia, cum sit imperfecta; & procul absit à perfectione Legis. Sic ergo respondendum est. Hac obedientia inchoata placet, non propter suam dignitatem, aut perfectionem, sed propter Christum, per quem sumus facti filij. Sicut enim persona accipit remissionem peccatorum, & placet propter Christum, ita etiam sequens obedientia seu bona opera, etsi sunt contaminata peccato, quod reliquum est in natura, tamen placent propter eundem: & quod est vitiosum, condonatur credentibus propter mediatorem Christum. Ita sciendum est, quod & persona & opus placeat propter Christum, & quod hæc inchoata obedientia, per misericordiam propter illum accepta sit, & reputetur tanquam Legi satisfactum sit, & vocetur impletio Legis seu iustitia in nobis, quia iam sumus filij & heredes in Christo.

Testimonia, quod placeat hæc inchoata obedientia?

Rom. 3. Nulla nunc condemnatio ijs, qui in Christo Iesu ambulant. &c. Item,

Si spiritu actiones carnis mortificabitis, vivetis.

Galat. 5. In Christo neque circumcisio aliquid valet, sed fides per dilectionem efficax. Placet ergo nostra dilectio, sed ita, si sit coniuncta fides, qua prius apprehendit Christum mediatorem.

Rom. 14. Qui in his servit Christo, placet Deo, probatus est hominibus.

1. Pet. 2.

1. Pet. 2. *Ut offeratis hostias spirituales, acceptas Deo per Christum. &c.*
 1. Ioan. 3. *Quia mandata eius custodimus, & quae placita sunt coram eo, facimus.*

QVINTA.

De dignitate & causis bene operandi.

Valde illustrat & commendat hac doctrina amplitudine misericordiae Dei, cum intelligimus nostram obedientiam, etsi est contaminata & immunda, tamen placere Deo propter Christum, & quidem reputari pro impletionē Legis, ac ornari summis laudibus, vocari iustitiam, cultum, sacrificia, quibus honore afficiatur Deus. Item mereri ingentia praemia. Quare non est extenuanda dignitas bonorum operum, sed amplificanda, ut accendat in nobis studium bene operandi.

Quae sunt igitur causae, quae nos debent innitire ad bene operandum?

Quinque. *Necessitas, dignitas, praemia proposita, exercitia fidei, & auxilium spiritus sancti.*

Quae est prima causa?

Necessitas bonorum operum. Oportet enim fidem in nobis assiduus exercitijs in invocatione, poenitentia, & periculis crescere, iuxta illud: *Facit dignos fructus poenitentia.* &c. Non enim potest fides existere cum mala conscientia; quia fides est fiducia, quod Deus sit nobis propitius: mala conscientia iudicat contrarium. Item, qui non agunt poeniten-

MARGARITA

ziam, sed indulgent vitijs cupiditatibus, non retinent fidem. Fides enim querit remissionem peccatorum, non delectatur peccatis, nec manet spiritus sanctus in his, qui obtemperant vitijs affectibus. Iuxta illud Ioan. Qui facit peccatū, ex diabolo est. Idem monet Petrus: Curate, inquit, ut vocationem & electionem vestram firmam faciatis.

Quæ est secunda causa?

Dignitas bonorum operum. Quanquam enim in tanta infirmitate nostra, de nobis quidem non debemus arroganter sentire, tamē vocatio nostra magnificanda est, etsi virtutes & bona actiones nostræ non sunt satis munda, tamen ad gloriam Christi pertinent, ideo magna earum dignitas est. Et ut sciamus eas valde placere, ornat eas Deus honorificis titulis. Vocantur enim sacrificia, hoc est, veri cultus & honores, quibus deus Delectatur. Christus inquit, patrem glorificari nostris bonis operibus. Petrus inquit, nos esse sacerdotium sanctum, destinatū ad spirituales hostias offerendas, & gratias patri per Christum. Præterea, cū benefacta et bona opera sint dona spiritus sancti, esset ingrati atque impij animi non agnoscere autorem. Item, bona opera sunt etiam sacramenta, id est, signa admonentia nos de voluntate Dei, & testantia nobis contingere remissionem, & alia beneficia diuina. Iuxta illud: Remittite & remittetur vobis.

Quæ est tertia causa?

Premia tam corporalia quàm spiritualia, quæ bona
opera

opera merentur. Et si autem etiam in hac vita multis præmia redduntur, tamen quia Ecclesia subiecta est cruci, præcipua præmia reddentur post hanc vitam, quemadmodum Christus ait: Merces vestra copiosa est in cælis. Et Paulus ait: Pietas habet promissiones præsentis vite, & futurae.

Quæ est quarta causa?

Exercitiū fidei. Ideo enim Deus operibus addit promissiones, ut fidem per tales occasiones exercemus: cogitemus ideo nos daturos elemosynam, quia Deo placet hoc officium, & credamus Deum nobis quoque vicissim benefacturum esse, sicut docet exemplum viduæ Sareptanæ. 3. Reg. 17.

Quæ est quinta causa?

Quod ii qui student bene operari à spiritu sancto adiuvantur & custodiuntur, ne diabolus eos pertrahat in errores perniciosos, aut ad flagitia. Ideo ait Christus: Non relinquam vos orphanos. Hoc beneficiū dei, certè nulla vox humana satis eloqui potest. Nam diaboli insidias nulla humana prudentia sine spiritu sancto satis cauere potest. Excitent ergo nos ad benefaciendum istæ causæ.

Quid verò mala opera, nocentne?

Imò. Merentur primum iram Dei, & damnationem æternam.

Deinde deformant Evangelium & gloriam Dei, sicut ille inquit: Propter vos malè audit nomen dei inter gentes.

D. iij.

Tertiò,

MARGARITA

Tertio, habent pœnas presentia, diaboli tyrannidem, qui impiorum in potestate habet, & impellit in omni generis errores ac flagitia. Sequuntur & pœna corporales, bella, & alia calamitates.

Præterea impeditur omnia spiritualia exercitia, extinguuntur fides in his qui indulgent cupiditatibus. Postremo, quod maxime horrendum est, peccata merentur in duratorem, & puniuntur peccata peccatis. Haec causæ diligenter cogitandæ sunt, ut securitatem carnalem ejiciamus ex animis, & discamus timere iram dei, ac nos ad bene operandum excitemus.

Sunt ne bona opera meritoria
vitæ æternæ?

Respondeo. Quidam etsi concedunt bona opera non mereri remissionem peccatorum, tamen imaginantur postea in renouatis, opera esse meritoria vitæ æternæ. Sed nequaquam est sentiendum, quod propter dignitatem & munditiam illorum detur vitæ æternæ. Sed est beneficium gratuitum, & datur per misericordiam propter Christum. Et ratio est, quia nostra obedientia semper adhuc est immunda, nec placet propter seipsam, sed placet propter Christum. Et nemo sanus est tam impudens, si suam ipse conscientiam consulat, ut ausit affirmare sua benefacta esse digna vitæ æternæ, aut sibi pro ijs deberi vitam æternam.

Sic ait Paulus: Nihil mihi conscius sum, & tamen in hoc non iustificatus sum. Si Paulus iam sanctus & plenius bonorum operum, negat se propter ea iustificari,

cari, multūq; min⁹ iudicet ea esse digna vita aeterna.

Item Christus ait: Si feceris omnia, quae praecepta sunt vobis, dicite: servi inutiles sumus, &c.

Rom. 11. Conclufit Deus omnes sub peccatum, ut omnium misceatur.

Nec eludi hac sinamus cavillatione, quae fingit Synedochem, videlicet, etiam si bona opera non sunt totale meritum, tamen esse aliquid parziale & minus principale meritū. Quia sic niteretur fides illo partiali, quod est impossibile. Est enim cōtradictio, statuerē, quod gratis accipiamus vitam aeternam, per misericordiam, propter Christū: & imaginari, quod nostra obedientia mereatur vitam aeternam. Et illud ipsum parziale (etiam si quod esses) tamen prorsus excuteretur nobis in certamine conscientia, cum videremus nostram obedientiam non esse caelestem, qualis esse debeat. In summa, non potest iudicio Dei opponi aliquod nostrū meritum, quia Lex semper accusat nos, et reos agit peccati. Sicut Paulus ait: Potentia peccati: Lex, Deo autem gratia, qui dedit nobis victoriam per Christum, &c.

Sic ergo sentiendum est: etsi nostra obedientia non est meritum vitae aeternae, nec propterea salvamur, sed propter Christum gratia, tamen est debitū, quod necessario sequi debet, & meretur praemia corporalia, & spiritalia; quae partim in hac vita, partim post hanc vitam reddentur, sicut dicit Christus: Date, & dabitur vobis.

MARGARITA

Quare igitur vita aeterna vocatur merces?

sicut dicitur: Reddet unicuique secundum opera sua &c.

Respondeo. Phrasis Legis est, qua describit, quales sint, quibus detur vita aeterna, & hoc dicit, dari vitam aeternam iustis. Nam cum Lex nominat opera, intelligit cuiusque iustitiam aut iniustitiam. Sic autem loquitur Lex, quasi nos nostra impletionem satisfaceremus Legi, & essemus iusti, & promittit vitam aeternam iustis. Sed interim ex euangelio sciendum est, quod fide gratis accipiamus imputationem iustitiae propter Christum, & quidem ita, quasi nos ipsi Legi satisfecissemus. Quia igitur imputatur nobis iustitia, seu Legis impletio, ideo etiam promittitur nobis vita aeterna, tanquam iusti, non quia nostra obedientia digna sit tanto beneficio, sed quia propter Christum iam reputamur iusti, & debetur nobis merces, non propter nostram dignitatem, sed quia nobis promissa est propter Christum. Et hac merces non est compensatio debiti officij, sed est gratuiti muneris seu beneficij, & quidem non pro indebita, sed pro debita obedientia, qua tamen in nobis est imperfecta, & non satisfacit Legi.

Hic etiam dici solet de discrimine peccati mortalis ac venialis. Quia enim in sanctis manet adhuc peccatum, necesse est discerni peccata, quae haerent in sanctificationis, & quae possunt consistere cum fide & bona conscientia, & quae non possunt stare cum fide, sed sunt talia, ut qui ea admittant, excidant gratia

Dei

Dei, & desinant esse sancti, sicut erat adulterium Davidis. Sed de hoc discrimine supra dictum est.

DE POENITENTIA.

Quid est poenitentia?

EST qua vera contritione morimur peccatis, & fide erigimus nos, ad accipiendam remissionem peccatorum.

Quot sunt partes poenitentiae?

Dua, Contritio & Fides.

Quid est contritio?

Est terror ac dolor conscientiae, quae sentit deum irasci peccato, & dolet se peccasse. De hac in scripturis multa sunt testimonia: Poenitentiam agite & credite euangelio. Marc. 1. Scindite corda vestra. Iohel. 2. Ubi habitabit Dominus? in spiritu contrito & humiliato. Esa. 66. Desinite perversè agere. Et hac contritio debet crescere, ita ut non solum externa delicta, sed etiam interiorem immunditiam agnoscamus. Quare non est poenitentia in hypocritis, qui nullo dolore afficiuntur, interim tamen sibi blandiuntur, quasi nihil habeant vitij. Et hanc securitatem Christus saepe reprehendit seuerissime. Nisi, inquit, egeritis poenitentiam, simul omnes peribitis.

Vnde oriuntur isti dolores &

terrores in nobis?

Per verbū dei, quod arguit peccata, Rom. 1. Reue-

latur

MARGARITA

latur ira dei super omnem impietatem, & Ioh. 16. Spiritus sanctus arguet mundum de peccato. &c.

Quid est fides pœnitentiæ pars?

Est fiducia, qua credit unusquisque sibi remitti peccata propter Christum gratis. Hac fides statuere debet in specie tibi remitti peccata.

De hac multa testimonia in scripturis. Act. 10. Huic omnes Prophetæ testimonium perhibent, remissionem peccatorum accipere per nomen eius, qui credunt in eum. Rom. 5. Iustificati per fidem, pacem habemus erga Deum, hoc est, pacatas & tranquillas conscientias.

Et quod gratis remittantur peccata indignis, testantur hi loci. Rom. 3. Iustificati gratis ipsius gratia, &c. Ephes. 3. Gratia saluati estis. Dei donum est, non ex vobis. Item, Rom. 5. Per hunc habemus accessum ad Patrem. Et Psal. 31. Dixi confitebor aduersum me iniustitiam meam Domino, & tu remisisti impietatem peccati mei.

Rom. 8. Cum esset impossibile Legi, misit Deus filium suum in carnem. &c.

Rom. 4. Ideo ex fide gratis. &c.

Hec fides facit discrimen inter contritionem Petri & Iudæ, Davidis & Saulis. Contritio Petri & Davidis profuit, quia accessit fides, qua apprehendebant promissam misericordiam, & se consolabantur. Contritio verò Iudæ & Saulis non profuit, quia non addiderunt hanc fidem. Hac fides quoque facit discrimen inter timorem seruilem & filialem.

Timor

Timor seruilis.

Est metus sine fide:

Timor filialis.

*Est metus ad quem accedit fides, quæ inter pa-
pares erigit & consolatur animum.*Quid autem de confessione &
satisfactione?*Haec ortæ sunt ab Ecclesiastico ritu publicæ pœ-
nitentiæ. Olim enim rei publicorum criminum ex-
communicabantur, nec recipiebantur, nisi primum
confessi, hoc est, nisi prius testarentur apud Pasto-
res se emendaturos esse mores, & peterent absolu-
tionem. Postea addebatur satisfactio, hoc est, pu-
blica quadam castigatio.**Sed hic ritus cōfessionis, seu publicæ pœnitentiæ,
iam olim abrogatus est in Græcæ Ecclesiæ; propter
stupratā in templo à quodam Diacono mulierē sic
pœnitentē. Non fuit igitur talis ritus iuris diuini.*Quæ est confessio vñitata, quæ
Sacerdoti fit?*Est peccatorum enumeratio, non tamen iure di-
uina mandata. Prodest tamen eam retinere in Ec-
clesiâ, propter absolutionē & disciplinam. Per eam
enim occasionem indocti erudiri, & commodius
institui de tota doctrina possunt: indecorumq; est
prorsus inexploratos accedere ad communionem.
Sed tamen scire oportet conscientias non esse one-
randas enumeratione delictorum. Possunt enim
etiam sine hac & absolutionem & consilia petere.*

Nam

MARGARITA

Nam enumeratio ista peccatorum est impossibilis, iuxta illud. Psalm. 19. Delicta quis intelligit? ab occultis meis munda me.

Argumentor contrā.

Iudex non absolvit priusquam cognoscat. In hac confessione fit absolutio. Ergo necesse est fieri cognitionem & enumerationem peccatorum.

Responded ad maiorem. Interest inter potestatem iudicalem seu iurisdictionis, & potestatem ministerij. In hac confessione est tantum potestas ministerij. Nam pastor absolvit non ut iudex, sed ut minister, habens mandatum non cognoscendi, sed tantum impertienda absolutionis. &c.

Sed prater ea est alia potestas iurisdictionis, qua est quoddam iudicium externū ecclesie, quod tantum ad manifesta crimina pertinet, qua excommunicat criminosos, & recipit excommunicatos. &c.

Quid est satisfactio?

Est quedā externa & politica disciplina Ecclesie, humana autoritate instituta, vel exempli causa ad ceteros dehortandos à flagitijs, aut ad explorandos animos eorum, qui ad ecclesiam redibant, an ex animo respuissent. Olim enim in Ecclesia famosi non recipiebantur sine quadam publica castigatione, & hanc vocabant satisfactionem.

Quotuplex est satisfactio?

Duplex. Altera olim publica poenitentia, altera scholastica.

Quæ

Quæ est satisfactio publicæ pœnitentiz?

Est multa, quæ pœnitentibus propter publica peccata, à præbitero olim indicebatur, ad probandum eos, an serio vellent resipiscere: in qua cum se exercerent pœnitentes, usque ad tempus ab Episcopo præscriptum, admittebantur rursus ad Synaxim. Huius satisfactionis partes erant variae, pro conditione & magnitudine culpa, & ut erant peccata, ita habebant suos canones.

Quæ est satisfactio scholasticæ?

Est facere quadam opera indebita, ad redimendas pœnas purgatorij, aut alias pœnas temporales.

Dicunt enim scholastici, quòd remittatur culpa per absolutionem, sed pœnam æternam quæ debebatur pro peccatis, mutari in pœnam temporalem purgatorij. Deinde addunt partem illarum pœnarum remitti potestate clauum, partem redimendam esse nostris satisfactionibus, hoc est, illis indebitis operibus. Sic ergo docent, satisfactiones mereri remissionem pœnarum, & esse compensationem pœnarum æternarum.

Vnde orta est satisfactio canonica?

Olim in Ecclesia non recipiebantur famosi sine publica castigatione certi temporis. Hac vocabatur publica pœnitentia & satisfactio, erantq; illa spectacula quadam externa & politica disciplina, ab hominibus instituta, non quòd esset satisfactio corâ deo, aut propter eam remitterentur peccata. Postea illo more antiquato, remansit vocabuli satisfactio

MARGARITA

tisfactionis. Unde postea homines indocti ex re politica fecerunt rem spirituales, tanquam necessariam ad remissionem peccatorum.

Quid sentiendum de remissione pœnarum,
& an possunt clauēs imponere, vel
tollere pœnas?

Primum sciendum est, remissionem tam culpa, quam pœna, esse gratuitum beneficium Christi, ac simul nos liberari peccato et morte aeterna.

Deinde discernenda est remissio pœna aeterna à remissione pœnarum temporalium. Quamuis enim remissio pœna aeterna coniuncta est cum remissione culpa, tamen sancti in hac vita, ferunt communēs arumnas humani generis, ut mortem corporalem, et alias calamitates, de quibus ait Paulus: Corpus mortuum est propter peccatum. Et Deus aliquando imponit pœnas propter certa peccata, sicut Dauid sustinuit pœnas propter adulterium.

Sed hoc non est vniuersale, quia saepe remittuntur peccata sine peculiaribus pœnis.

Tertio, Pœna quas Deus imponit, non possunt remitti potestate clauium, nec habent mandatum remittendi ac ponendi tales pœnas.

Quarto, sciendum est saepe nostra pœnitentia mitigari aut etiam tolli tales pœnas. Sicut saepe mitigata sunt pœnitentia publica & priuata calamitates, sicut ait Paulus: Si nos iudicaremus ipsi, non iudicaremur à domino.

Quinto, Afflictiones sanctorum non semper sunt pœna

pœne propter certa peccata, sicut afflictiones Iob, et aliorum sanctorum, item supplicia Apostolorum et Martyrum, sed sunt singularia opera dei, quibus exercetur fides sanctorum, et ostenditur gloria dei.

Deinde etiam in ipsis pœnis pijs debent intelligere hunc finem, quod non sint signa ira, sed bona voluntatis dei, videlicet, quod Deus velit hac esse exercitia, per quæ aboleatur in nobis peccatum, et crescat novitas spiritualis. Nec debent indicare pijs, se ideo reiectos à Deo, ut Paulus ait: A Domino corrigimur, ne cum hoc mundo damnemur.

Quid sunt indulgentiæ?

Nihil aliud, quam publicarum pœnarum seu satisfactionum condonationes, et relaxationes veterum Canonum. Erant autem illi Canones humanae traditiones, quare nihil ad remissionem culpe aut pœnarum coram deo pertinebant, nec opus est illos Canones restituere, cum tantum fuerint humanae traditionis.

DE ABSOLUTIONE

Quid est absolutio?

EST certificatio de peccati remissione, et de misericordia dei erga peccatores. Sic enim Christus ait, Mat. 18. Quaecumque solueritis super terram, erunt soluta in caelis. Et Ioan. 20. Quorum remiseritis peccata, remittuntur eis.

Potest etiam reiterari absolutio?

non, cum Petrus interrogaret Christum, quoties condon-

MARGARITA

condonabo fratri? Respondit, septuagies septies. Et Paulus ad Galat. 8. Si praoccupatus fuerit homo aliquo peccato, vos qui spirituales estis, corrigite eum spiritu lenitatis. Et Ecclesia orat quotidie, Dimitte nobis debita nostra. Et Christus ait, Luca. 15. Gaudium est Angelis dei super uno peccatore penitentiam agente.

Rectene Nouatiani & Cathari negant lapsos
post Baptismum consequi remissionem
peccatorum?

Sceleste erant isti Heretici. Nam multa possunt ostendi & veteris & noui Testamenti exempla, ubi lapsi remissionem peccatorum & absolutionem à Christo & ecclesia sunt consecuti. Exemplo sunt Dauid, Manasse, Petrus. Lapsa est Galatarum ecclesia, & à Paulo ad penitentiam renocata: & Paulus ipse Corinthum incestum iubet recipi post penitentiam. Dominus quoque per Ezech. 33 ait: Vno ego, nolo mortem peccatoris, sed magis ut conuertatur & viuat. Hic Deus addit insinrandum, ut conscientia eò magis erigantur, cum audiunt non solum promissionem, sed etiam eam confirmatam iurando.

Sed quid de locis Epistolæ ad Hebræos. 6.

Impossibile est eos qui semel illuminati.

Et. 19. Voluntarie peccantibus. &c.

Hi loci non negant lapsos posse redire ad gratiam & beneficium Christi. Prior enim locus agit de blasphemis & obstinatis, qui contra conscientiam persequuntur

persequuntur verba dei, & admonitionē & poenitentiam adeo aspernantur, ut securi triumphent, & sibi valde gratulentur hanc sapientiam, quod redire ansint. Hi nō possunt renouari, interim dum sic perdurant, & Christum crucifigunt, & Indubio habent, & non auscultant euangelio.

Alter locus iubet retinere gratiam & beneficiū Christi, et cauere ne amittatur. Qui enim amittit beneficiū Christi, reus est iudicij.

Est ne peccatum irremissibile?

Christus Matth. 12. distinctionē facit inter peccatū remissibile & irremissibile. Quicumq; dixerit verbū contra filiū hominū, remittetur ei. Qui autem dixerit verbū contra spiritum sanctū, non remittetur ei, neq; in hoc seculo neq; in hoc futuro. Et Ioan. ait: Qui seu fratrem suum peccare peccatū, non ad mortē, petat, & dabitur ei vita. Est peccatum ad mortem, non pro illo dico ut roget quis.

Quod est peccatum in spiritum sanctum?

Augustinus intelligit peccatū in spiritum sanctū, aut finalem impenitentiam in iis qui non accipiunt Euangelium, aut desperationē. Quia hec peccata propriē pugnant cum gratia, & eā abiciunt. Nam cetera peccata, cum fugimus ad gratiam, remittuntur. Ideo sic interpretatur Augustinus dictū Christi: Qui dixerit verbum contra spiritum sanctū, id est, qui verbum gratie, quod predicatum & confirmatum est testimonijs spiritualibus, finaliter repudiat, is habet peccatum in spiritum sanctum.

MARGARITA

Est ne omnis lapsus post agnitam veritatem,
peccatum irremissibile?

Minime. Nam multa sunt exempla et testimonia, qua docent tales lapsus condonari posse. Ac nec omnis persecutio euangelij indicari debet peccatū irremissibile. Quia Manasses, Paulus et alij, qui persecuti sunt verbum dei, consecuti sunt veniam.

Quare utraq; sententia retinenda est: Primum, quod omnia peccata remittantur credentibus, quia promissio remissionis est universalis. Iuxta illud: Concluse omnes sub peccato, ut omnium misereatur. Item 1. Ioan. 1. Ipse est propitiatio non tantum pro peccatis nostris, sed pro peccatis totius mundi.

Secundo, tenendum est & hoc, quod sit aliquod peccatum irremissibile, seu peccatum ad mortem. Qui autem habeant peccatū irremissibile, non est nostri iudicii, satis est à posteriore indicare, tale peccatum non esse in ijs qui veniunt ad pœnitentiam & fidem. Et irremissibile peccatum, tantum ad illos transferendum est, qui ad extremum perseverarunt in incredulitate, & non egerunt pœnitentiam. Hi autem qui agunt pœnitentiam, non habent peccatum irremissibile.

Quis est effectus pœnitentiæ?

Effectus seu fructus pœnitentiæ sunt tota novitas vitæ & morum. Nam in his qui reconciliati sunt, debet sequi iustitia bonæ conscientia. De quo ait Ioannes: Facite fructus dignos pœnitentiæ. Et de necessitate huius novæ obedientia supra dictū est.

D E

DE FIDE.

Quid est Fides?

Fides non tantum est notitia historica de Christo, sed est vera fiducia cordis, quæ assensitur promissioni Evangelij, præcipue autem significat fiduciam misericordie promissæ propter Christum. Nam etsi promissiones sunt multiplices, & varia obiecta, circa quæ versatur fides, sicut sunt alia aliorum negotia & pericula, alia sunt Moysi, alia Davidis, alia Pauli negotia, tamen hæc principale obiectum fidei est, quodq; in omnibus negotijs semper est primum & præcipuum, scilicet, fiducia misericordie, qua statuit cor, se habere remissionem peccatorum, & se placere Deo propter Christum. Hæc fides præire & præluce debet in omni invocatione, & hæc erecta mens petit & expectat auxilium dei in omni generis tentationibus. Rursus sine hac fide seu fiducia misericordie, nulla est invocatio, neque vinci possunt omnia pericula. Nisi enim sit in corde talis fides, opprimuntur animi dubitatione & indignatione adversus Deum, in ipsis certaminibus.

Quomodo existit hæc fides in animis?

Spiritus sanctus movet corda per Evangelium, quod docet peccata nobis remitti propter Christum, qui factus est victima pro nobis. Sic igitur existit hæc fides, cum audientes hanc promissionem, & influentes in Christum mediatorem, credimus pro-

MARGARITA

pter ipsum nobis ignosci, nos placere Deo, & exaudiri, nec sinimus nobis excuti hanc fiduciam. Hac fides est ipsa vivificatio cordis, & vincit terrores peccati & mortis, & affert firmam consolationem, sustentat nos in omnibus periculis, & petrus & impetrat bona à deo.

Proba quòd fides significet fiduciam
misericordiæ.

Hoc tempore etiam eruditi quidam disputant, vocabulum fides significare tantum historia notitiam, seu professionem articulorum, qua etiam potest esse in impijs, & negant hac voce significari fiduciam misericordiæ. Teneunda sunt igitur firma argumenta, quòd fides, in hac propositione, Fide iustificamur, significet fiduciam misericordiæ.

I. Paulus confert promissionem, & fidem qua apprehendit promissionem, Rom. 4. cum ait. fideo ex fide gratis, ut sit firma promissio: vult enim promissionem futuram esse ociosam, si non accipiatur fide. Cum igitur fides ad promissionem, tanquam obiectum correlativè referatur, necesse est Paulum de tali fide intelligi, quæ est assensus, quo assentimur promissioni. Sed hac fides assentiens promissioni, est verè fiduciam misericordiæ, non tantum notitia historia.

Sic etiam ad Galat. 3. ait: Ut remissio ex fide Christi detur credentibus. &c.

II. Rom. 5. inquit de Abraham: Non dubitavit dissidentia, sed confirmatus est fide. Hic clarè loquitur de fide, quæ repugnat dubitationi, & acci-

pit remissionem. Nam de fiducia promissionis describit ait : De promissione Dei non dubitavit per diffidentiam. &c.

III. Paulus loquitur de tali fide, qua non est otiosa notitia, sed qua agit aliquid in remissione peccatorum, & tribuit ei efficaces causas, videlicet, quod consoletur & erigat animos in paenitentibus, reddat pacatas conscientias, vincat peccatum & mortem. Rom. 4. Iustificati fide pacem habemus. Item Ephes. 1. Per quem habemus fiduciam & accessum in fide. &c. Ergo necesse est intelligi fidem pro fiducia erigente animos.

Item Christus, cum ait ad mulierem peccatricem : Fides tua saluam te fecit, certè loquitur de tali fide, que credit & agnoscit sibi, remitti peccatum, iuxta vocem Christi : Remittuntur tibi peccata. Sic etiam in similibus locis, cum eodem modo loquitur ad Cananæam, & hamorrhœissim, intelligit fiduciam que ab ipso expectabat auxilium, nec erat otiosa notitia.

III. Petrus in Actis ait : Fide purificari corda, hoc est, habere remissionem peccatorum & pacatam conscientiam. Constat autem non purificari corda illa notitia, que est etiam in impijs. Igitur necesse est fidem hic significare fiduciam, que apprehendit remissionem peccatorum.

V. In sententijs de oratione manifestum est, vocabulum fidei nihil aliud posse significare nisi fiduciam, que credit sibi Deum propitium esse, & se

MARGARITA

exaudiri, ut Jacob. 1. Si quis habet opus sapientie, petat, in fide, nihil hesitans. Sic & Christus ait: Omnia quacumq; orantes petitis, credite quia accipietis. &c. Sic etiam in veteri testamento vocabulum fidei, & credere, significat fiduciam misericordie, ut, credidit Abraham. Item Iosaphat 2. Paral. 20. Credite deo.

Quæ est sententia huius dicti:

Iustus ex fide viuet?

Duas res tribuit fides, videlicet iustificationem & viuificationem, hoc est, liberationem à peccato & morte. Docet quòd fide sumus iusti seu accepti deo, & quòd fide viuificemur, hoc est, accipiamus consolationem qua vincitur mors aeterna, & apprehenditur vita aeterna. Ergo in hoc quoq; dicto, fidem necesse est intelligi non pro notitia otiosa, sed pro vera fiducia misericordie, que impetrat remissionem peccatorum, & consolatur animos, ac liberat à terroribus, & certos reddit de vita aeterna.

Quid? excludenda ne est à fide
historiæ notitia?

Minimè, imò necessarium est credere omnes articulos. Sed non satis est tenere historiam, sed historia referenda est ad causam finalem, que est in Symbolo, videlicet, Credo remissionem peccatorum. Hic enim est usus historia, ut credas Christum filium Dei ideo esse natum in carnem, passum, & resuscitatum, ut tibi contingat remissio peccatorum & vita aeterna.

Quæ

Quæ est professio fidei christianæ ?

*Tria feruntur Symbola seu professiones articu-
lorum fidei. Vulgatum, quod vocatur Apostolorū,
Alterum Nicenum, Tertium Athanasij.*

RECITA SYMBOLVM

APOSTOLORVM.

- 1 **C**redo in Deum, patrem omnipotentem,
creatorem cœli & terræ.
- 2 Et in Iesum Christum filium eius vnicum,
Dominum nostrum.
- 3 Qui conceptus est de spiritu sancto, natus
ex Maria virgine.
- 4 Passus sub Pontio Pilato, crucifixus, mortuus
& sepultus.
- 5 Discendit ad inferna, tertia die resurrexit à discendit
mortuis.
- 6 Ascendit ad cœlos, sedet ad dextram dei pa-
tris omnipotentis.
- 7 Inde vtrurus est iudicare viuos & mortuos.
- 8 Credo in spiritum sanctum.
- 9 Sanctam Ecclesiam catholicam, sanctorum
comunione.
- 10 Remissionem peccatorum.
- 11 carnis resurrectionem.
- 12 Et vitam æternam. Amen.

MARGARITA

DIC SYMBOLVM

NICENVM.

CRedo in vnum Deum, Patrem omnipotentem, factorem cœli & terræ, visibilium omnium & inuisibilem.

Et in vnum Dominum Iesum Christum, filium Dei vnigenitum, & ex patre natum ante omnia secula, Deum de Deo, lumen de lumine, Deum verum, de Deo vero, genitum non factum, consubstantialem Patri, per quem omnia facta sunt. Qui propter nos homines & propter nostram salutem, descendit de cœlis, & incarnatus est de spiritu sancto, ex Maria Virgine, & homo factus est, crucifixus etiam pro nobis sub Pontio Pilato, passus & sepultus est, & resurrexit tertia die, secundum scripturas, & ascendit in cœlum, sedet ad dexteram patris, & iterum venturus est, cum gloria iudicare viuos & mortuos, cuius regni non erit finis.

Et in Spiritum sanctum Dominum & viuificantem, qui ex Patre & Filioque procedit, qui cum Patre & Filio simul adoratur, & conglorificatur, qui locutus est per Prophetas. Et vnâ sanctam catholicam & Apostolicam Ecclesiam. Confiteor vnum Baptisma in remissionem peccatorum, & expecto resurrectionem mortuorum, & vitam venturi seculi, Amen.

THEOLOGICA.
DIC SYMBOLVM

39

ATHANASI.

Q Vicunque vult saluus esse, ante omnia opus est, vt teneat catholicam fidem.

Quam nisi quisque integram, inuiolatamque serauerit, absque dubio in æternum peribit.

Fides autem catholica hæc est, vt vnum Deum in trinitate, & trinitatem in vnitace veneremur.

Neque confundentes personas, neque substantiam separantes.

Alia est enim persona patris, alia filij, alia spiritus sancti.

Sed patris & filij & spiritus sancti vna est diuinitas, æqualis gloria, coæterna maiestas.

Qualis pater, talis filius, talis spiritus sanctus.

Increatus pater, increatus filius, increatus spiritus sanctus.

Immensus pater, immensus filius, immensus spiritus sanctus.

Æternus pater, æternus filius, æternus spiritus sanctus.

Et tamen non tres æterni, sed vnus æternus.

Sicut non tres increati, nec tres immensi, sed vnus increatus, & vnus immensus.

Similiter omnipotens pater, omnipotens filius, omnipotens spiritus sanctus.

Et tamen non tres omnipotentes, sed vnus omnipotens.

Ita

MARGARITA :

Ita Deus pater, Deus filius, Deus spiritus sanctus.

Et tamen non tres Dij, sed vnus est Deus.

Ita Dominus pater, Dominus filius, Dominus spiritus sanctus.

Et tamen non tres Domini, sed vnus est Dominus.

Quia sicut sigillatim vnamquamque personam Deum aut Dominum confiteri christiana veritate compellimur.

Ita tres Deos aut Dominos dicere catholica religione prohibemur.

Pater à nullo est factus, nec creatus, nec genitus. Filius à patre solo est, non factus, nec creatus, sed genitus.

Spiritus sanctus à patre & filio, non factus, nec creatus, nec genitus, sed procedens.

Vnus ergo pater, non tres patres: vnus filius, non tres filij: vnus spiritus sanctus, non tres spiritus sancti.

Et in hac trinitate nihil prius aut posterius, nihil maius aut minus.

Sed totæ tres personæ, coæternæ sibi sunt & æquales.

Ita vt per omnia, sicut iam supra dictum est, & trinitas in vnitæte, & vnitæte in trinitate veneranda sit.

Qui vult ergo saluus esse, ita de trinitate sentiat. Sed necessarium est ad æternam salutem, vt incarn-

carnationem quoque Domini nostri Iesu Christi unusquisque fideliter credat.

Est ergo fides recta, ut credamus & confiteamur, quia Dominus noster Iesus Christus dei filius, Deus & homo est.

Deus est ex substantia patris ante secula genitus: & homo est, ex substantia matris in seculo natus.

Perfectus Deus, perfectus homo, ex anima rationali, & humana carne subsistens.

Aequalis patri secundum diuinitatem, minor patre secundum humanitatem.

Qui licet Deus sit & homo, non duo tamen, sed unus est Christus.

Vnus autem non conuersione diuinitatis in carne, sed assumptione humanitatis in Deo.

Vnus omnino, non confusione substantiæ, sed vnitate personæ.

Nam sicut anima rationalis & caro unus est homo, sic Deus & homo unus est Christus.

Qui passus est pro salute nostra, descendit ad inferos, tertia die resurrexit à mortuis.

Ascendit ad cælos, sedet ad dextram Dei patris omnipotentis.

Inde venturus est iudicare viuos & mortuos.

Ad cuius aduentum omnes homines resurgere habent cum corporibus suis.

Et reddituri sunt de factis proprijs rationem.

Et qui bona egerunt, ibunt in vitam æternam,
qui

MARGARITA

qui verò mala, in ignem æternum. Hæc est fides Catholica, quam nisi quisque fideliter, firmiterque crediderit, saluus esse non poterit.

DE DEO.

Quid est Deus?

DEVS est substantia intelligens, spiritualis, æterna, creatrix & conservatrix omnium rerum, infinita sapientia, bonitatis, iustitia, & misericordia.

Dic testimonia de vnitæte Dei.

Deut. 6. Audi Israel, Dominus Deus tuus, Dominus unus est.

Esa 44. Ego sum primus & nouissimus, & præter me non est Deus. Et 45. Ego sum Deus, & non est ullus præterea. &c.

1 Corin. 8. Scimus quòd idolū nihil est in mundo, & non est alius deus nisi unus. &c.

Ephes 4. Unus Deus & Pater omnium, super omnes, & per omnia.

1 Timoth. 2. Unus est Deus, et unus mediator Dei et hominum.

Quot sunt personæ diuinitatis?

Una est tantum diuina essentia, sed ea tribuitur tribus personis, scilicet, Patri, Filio, & Spiritui sancto, quæ sunt homoousioui, seu eiusdem substantia, pariter immense, coætæna.

Quid hic significat persona?

Persona

Persona est substantia individua, intelligens.

Vnde probas esse tres personas?

Christus iubet baptizari omnes gentes in nomine patris et filij, et spiritus sancti. Hic nominatim recensentur tres persone cōsubstantialis seu homooūsioi. Item professio Symboli idem testatur ubi fate-mur nos credere in patrē, filium & spiritum sanctū.

Math. 3. discernuntur persona, cū apparet spiritus sanctus specie columba, et auditur vox patris, qua testatur de Filio: Hic est Filius meus dilectus &c.

Item Ioan. 15. Cū venerit paracletus quem ego vobis mittā a patre. Hic cōiunguntur tres persona, paracletus veniens seu missus, filius mittens, et pater.

1. Ioan. 5. Tres sunt qui perhibent testimonium, Pater, Filius, et spiritus sanctus. Hi tres dñi sunt.

Quis est pater?

Est prima persona diuinitatis, aeterna, immensa, ingēniti, et a nemine existens.

Quid est Filius?

Secunda persona diuinitatis, a patre ante secula genitus, homooūsios seu consubstantialis patri, et coaeternus.

Quid significat: In principio erat verbum?

Verbum seu Logos, vocatur apud Ioannē filius Dei, qua est secunda persona. Est igitur sententia, In principio erat verbum, id est, Filius Dei erat

in principio & ab eterno.

Quare vocatur Logos, seu verbum?

Quia est persona loquens, qua semper loquuta est ab initio patribus.

Proba quod Logos seu verbum significet personam, quae sit natura deus.

Ioannes ait de verbo seu Logo, quod fuerit in principio, hoc est, quod sit aeternus. Jam si initia fuit verbum ante conditionem omnium rerum. Ergo non est creatura, sed coaeternus patri.

Deinde cum ait: Verbum erat apud Deum, hic discrete discernit personas, quod alia sit persona patris, alia verbi.

Tertio ait: Et deus erat verbum, hic clare testatur verbum esse Deum. Nam particula Logos, seu verbum hic ponitur loco subiecti, sicut indicat Graecus articulus additus. Sed particula deus, est praedicati loco.

Postea idem Ioannes indicat de verbo: In mundo erat, & mundus per ipsum factus est. &c.

Hac sunt verba, quae necesse est de persona intelligi, in qua fuerit divina natura.

Sic & reliqui loci, qui dicunt per filium omnia condita esse, testantur Logon seu verbum esse personam, quae sit natura deus. Constat enim mundum non esse conditum per humanam naturam.

Ad Colos. 1. Omnia per ipsum & in ipso condita sunt, & ipse est ante omnia, & omnia consistunt per ipsum. Item Colos. 2. In ipso habitat plenitudo divini.

divinitatis corporaliter.

Ad Heb. 1. Per quem fecit & secula qui est fulgor claritatis, & effigies substantiae eius, ferens omnia verbo potentiae suae. &c.

1. Ioan. 1. Quod erat ab initio, quod audimus, quod vidimus, quod manus nostra contrectaverunt, verbum vitae, id annunciamus.

Ioan. 6. Quid? si videritis filium hominis ascendentem ubi erat prius?

Ioan. 17. Glorifica me pater, gloria quam habui ante mundum apud te.

Ioan. 8. Antequam Abraham natus, ego sum.

Ioan. 5. Sicut pater exsuscitat mortuos, & vivificat, sic & filius, quos, vult vivificat. Item, quaecumque ille facit, haec & filius similiter facit.

Ioan. 10. Ego vitam aeternam do eis. &c.

Ioan. 15. Dicit se mittere spiritum sanctum. Cum venerit paracletus, quem ego mitto vobis a patre. Et infra: Si non abiero, non veniet paracletus: si autem abiero, mittam eum ad vos.

Ioan. 20. Thomas Christum aperte vocat Deum: Dominus meus, & Deus meus.

Ro. 9. Qui est super omnia deus benedictus, &c.

Quid est spiritus sanctus?

Est persona divina, coaeterna, & coessentialis Patri & Filio, ab viroque procedens.

Dic testimonia quae probant spiritum sanctum esse personam, & naturam Deum.

Supra

MARGARITA

Suprà dixi, clarè discerni personas, cum Christus inquit: Baptizantes in nomine Patris, et Filij, et spiritus sancti.

Sic Math. 3. & Luc. 3. discernuntur persona: Patris vox loquitur de Christo: Hic est filius meus dilectus. Hic sunt due distincta persona, patris loquentis, et testantis suum esse filium. Tertiò, scorsim etiam Spiritus sanctus describitur apparere peculiari specie columba, qua est neq; pater, neq; filius. Ioan. 14. Rogabo patrē, et alium paracletum dabit vobis. Item, Paracletus spiritus sanctus, quē mittet pater in nomine meo, is docebit vos omnia.

Item, non à semetipso loquetur, sed qua audiet loquetur. Ioan. 15. Cum venerit paracletus, quem ego mittam vobis à patre, ille testimonium perhibebit de me. Rom. 8. Vos non estis in carne: sed in spiritu, siquidem Dei spiritus habitat in vobis. Si quis autem spiritum Christi non habet, is non est eius. Item, si spiritus eius, qui suscitavit Iesum à mortuis, habitat in vobis, &c.

Hi loci clarè discernunt spiritum sanctum à patre et Filio, et testantur esse spiritum patris et Filij.

Ibidem, Ipse spiritus testimonium reddit spiritui nostro, &c.

1. Pet. 1. De qua salute exquisierunt et scrutati sunt Propheta, scrutantes in quod vel quale tempus significaret in eis spiritus Christi, prænuncians eas qua in Christo sunt passionēs, &c.

Hic clarè testatur quòd spiritus sanctus existi-

terit antequam filius dei induit carnem, & vocat eum spiritum Christi.

Item, ibidem: Qua nunc nunciata sunt vobis per eos qui Euangelizarunt vobis Spiritu sancto missa de cælo. &c.

Actor. 2. ex Joële: Effundam de spiritu meo super omnem carnem. Hic testatur Spiritum sanctum, qui effunditur, non esse personam Patris: & tamen, cum inquit: De spiritu meo, significat illum spiritum habere naturam divinam.

Vnde probas, quod spiritus sanctus pariter procedat à Patre & Filio?

Joan. 14 dicitur: Paracletus quem mittet pater in nomine meo. Deinde ait Christus: Paracletus quem ego mittam vobis à patre. Hic testatur paracletum venire, seu mitti, tã à filio, quàm à patre.

DE CREATIONE.

Quid est creatio?

EST factura qua Deus creavit spiritus, & omnes corporales naturas ex nihilo per verbum, ad conservandum ac sustentandum eas. Gene. 1. In principio creavit Deus cælum & terram, hoc est, cum nihil adhuc esset creaturarum.

Quid est creatura?

Est totum illud Dei officium, tam spirituum creatorum, quàm aliarum rerum et naturarum corporalium, in hoc divinitus factarum, ut monstrans

F. j. Deus

MARGARITA

Deum esse, nec solum esse simpliciter Deum, sed aeternum, potentem, qui creet, gubernet & cōseruet omnia. Quibus cognitis, inde deus creator & cōseruator glorificetur, & gratiarū actiones habeat.

Quis cōseruat creata?

In articulo creationis, semper intelligere debemus perpetuam gubernationem, sustentationem, & cōseruationem rerum, ita quod Deus non discesserit à suo opificio, sicut faber discedit à domo facta: sed Deus perpetuò gubernat, sustentat & cōseruat naturas rerum, quotannis fecundat terram, procreat fruges ex terra, perpetuò suppeditat animantibus vitam et motum. Act. 17. In ipso vivimus, mouemur, & sumus. Coloss. 1. Omnia in eo cōsistunt. Psalm. 103. Omnia à te expectant, ut des illis escam in tempore. Psalm. 35. Homines et iumenta saluabis domine.

Quomodo agnoscitur Deus in creaturis
& naturis rerum?

Tota rerum vniuersitas est Sacramentum & testimonium quoddam, quod sit Deus, quod sit bonus, iustus, sapiens. Item motus cœlestes, vices temporum, cōseruatio specierum, satis clamant, mundum & naturas rerum non existere casu, sed certo consilio condita esse, regi, et cōseruari. Deinde humana mentes sunt imagines diuinitatis, et specula in quibus contemplari diuinitatem debemus. Iudicat et politica societas generis humani presentiam

sentiam Dei. Videmus quoque homicidas et tyrannos diuinitus ad poenitentiam rapi.

Quomodo vtendum est creaturis ?

Magna pietas est, creaturis sic vti, ut per eas glorificemus Deum, et monstremus in his bonitatem eius ac praesentiam, et gratias ei agamus: quod qui non faciunt, sunt Epicurei, imò athei.

DE HUMANIS VIRIBVS, siue de libero arbitrio.

Quid est liberum arbitrium ?

EST voluntas cum ratione consentiens. In homine enim sunt, ratio siue mens, quae iudicat: voluntas, quae vel obtemperat, vel repugnat iudicio, et imperat inferioribus viribus, scilicet affectibus sensuum.

Iam quaeritur, quomodo voluntas sit libera,
quomodo possit obedire Legi dei?

De hac quaestione iudicari non potest, nisi magnitudinem peccati, quod nobiscum nascitur, consideremus. Item, nisi sciamus Lege Dei non tantum requiri externa ciuilia facta, sed perpetuam et perfectam totius naturae obedientiam. Nam nisi natura hominis non esset corrupta peccato, haberet certiorē & clariorem de Deo notitiam, non dubitaret de voluntate dei, haberet verum timorem, verā fiduciam: denique praestaret integram obedientiam.

MARGARITA

tiam Legi, hoc est, in natura essent motus omnes consentientes cum Lege dei, sicut in pijs Angelis. Nunc autem natura hominis oppressa morbo originis, plena est dubitationis, caliginis, errorū, neq; verè timet Deum, nec verè confidit, deniq; plena est vitiosorum adfectuum.

De hac infirmitate quæritur.

Quantum potest præstare voluntas humana?

I. Respondeo. Cum in natura hominis sit quidam delectus rerum, quæ sunt subiectæ rationi aut sensui, & externorum operum civilium, potest voluntas humana suis viribus, sine renouatione, aliquo modo externa Legis opera facere. Hoc concedunt Philosophi & sacra litera. Nam scriptura docet esse quandam iustitiâ carnis, quædam opera Legis, etiam in non renatis. Sed hæc libertas sæpe vincitur naturali imbecillitate, impeditur quoq; sæpe à diabolo. Nam cum natura sit plena malorū adfectuum, obtemperant homines sæpe prauis cupiditatibus, nō recto iudicio, sicut apud Poëtam ait Medea. Video meliora, proboq;, Deteriora sequor.

II Evangelium docet in natura horribilem corruptionem esse, quæ repugnat Legi Dei, hoc est, facit, ne præstare integrâ obedientiâ possimus. Hanc corruptionē autem non potest natura tollere, sicut nec mortem, imò tanta est natura cæcitas, ut eam corruptionem perspicere non possimus. Ideo quoq; non videmus, quanta sit humanarum virium infir-

mitas,

mitas, quam si verè cerneremus, tum demùm intelligeremus homines non posse Legi Dei satisfacere.

Cur igitur homines non possunt
Legi Dei satisfacere?

Voluntas humana non potest sine spiritu sancto efficere spirituales adfectus, quos deus requirit, scilicet, verum timorem dei, veram fiduciam misericordie, tolerantiam in afflictione, dilectionem dei, & similes motus.

Da scripturas.

Rom. 8. Qui spiritu dei ducuntur, hi sunt filij dei.

Item, Si quis spiritum Christi non habet, hic non est eius. 1. Corinth. 2. Animalis homo non percipit ea quae sunt spiritus Dei.

Ioan. 3. Nisi quis renatus fuerit ex aqua & spiritu sancto, non potest intrare in regnum Dei.

Item, Nemo potest venire ad me, nisi pater meus traxerit eum.

Item, Erunt omnes docti à Domino.

Item, Sine me nihil potestis facere. Ioan. 15.

Si sic docetur, deterrentur homines à studio
obediendi, credendi, & benefaciendi.

Tanta est peruersitas iudicij humani, ut cum ostenditur nobis nostra infirmitas, & promittitur auxilium spiritus sancti, homines segniores fiant ad studium bene operandi: Cum hac doctrina Euangelij magis nos deberet excitare & accendere ad innocendum & petendum auxilium à deo.

F. iij.

In

MARGARITA

In hac lucta hortandus est animus, ut omni conatu retineat verbum: non est dehortandus ne conetur, sed docendus, quod promissio sit uniuersalis, et quod debeat promissioni credere. Nam paulus ait: Spiritus adiuuat infirmitatem nostram. Et Dignus Basilus inquit: Deus antenergit nos, vocat, mouet, adiuuat nos, sed uiderimus ne repugnemus. Non enim debemus indulgere diffidentia, aut desidia naturali.

Potest ergo homo aliquid suis
viribus præstare?

Tametsi ingens imbecillitas est in pijs & sanctis, tamen est aliqua libertas voluntatis, cum quidem iam adiuuetur, à spiritu sancto, & agere aliquid potest in externis lapsibus cauendis, idcirco spiritus sancti auxilium amplificari debet, & nostra diligentia acui. Sic Paulus cauere iubet, ne frustra Dei gratiam acceperimus, & Christus promittit spiritum sanctum dare, non ociosis, non aspernantibus, non repugnantibus, sed patientibus. Luc. 11. Et deus auget dona in his, qui recte uiuntur, ut docet similitudo de negotiantibus.

• Quid autem sentis de opinione
Manichæorum?

Non probo deliramenta Manichæorum, qui prorsus nullam actionem voluntati tribuunt, ne quidem adiuuante spiritu sancto, quasi nihil intersit inter statutam & voluntatem. Ecclesiasticus ait: Deus reliquit hominem in manu consilij sui. Hic dico voluntatem

luntatem in pijs actionibus & conatibus non esse ociosam, sed tamen adiuvandam esse spiritu sancto, ita sit verius libera.

D. Hieronimus duo dicta tradidit, quorum alterum interpretatur alterum. Sunt autem hæc: *Anathema sit, qui dixerit Deum impossibilia præsepisse. Et rursus: Qui dixerit nos posse mandata Dei implere sine gratia dei, anathema sit.*

De diuisione Liberi arbitrij.

Quidam diuidunt liberum arbitrium, in liberū arbitrium ante lapsum, & post lapsum.

Quid liberum arbitrium ante lapsum?

Fuit plenaria libertas apprehendendi tam bona, quàm mala, tam seruandi præcepta dei, quàm non seruandi, pro libera voluntate in creatione indita diuinitus. Sic Ecclesiast. 15. Apposuit tibi aquam & ignem, ad quod volueris, porrige manum tuam. Illud liberum arbitrium fuit ante lapsum hominis tale, quale adhuc hodie sancti Angeli habent. Nunc propter peccatum adempta est libertas apprehendendi bona spiritualia. Iuxta illud: Animus malus homo non percipit ea, quæ sunt spiritus. Adam ex illa libertate, et bene et male agere potuit, amare deum, et odisse. Ita et Angeli, qui cum malum apprehenderunt, lapsi fuerunt.

Quid est liberum arbitrium post lapsum?

Natura corrupta, superest aliquod inditiū Legis, intelligens quæ sint facienda, quæ tamen voluntas

MARGARITA

efficere non potest, nisi accesserit spiritus sanctus, et inuenit voluntatē & conatus nostros. In externis, est voluntas efficax rerum externarum, siue renouatione spiritus, quæ tamen à diabolo impedi potest.

Quid ergo relinquitur nostro arbitrio in rebus spiritualibus?

Indicium quoddam faciendorum, quæ est Lex natura, voluntas, conatus, studium, cursus, cogitatio: quæ omnia nihil sunt, nisi accesserit spiritus sanctus. Quare et Apostolus ubique precatur Ecclesijs, ad quas scribit, ut Deus, qui cœpit in illis, bonum perficiat.

DE PRAEDESTINATIONE.

Quid est prædestinatio?

EST certa Dei praordinatio, quæ enueniunt omnia cum interna, tum externa opera, & cogitationes in omnibus creaturis, iuxta decretum voluntatis suæ.

Electio est, quæ elegit nos Deus in ipso, antequam iacerentur fundamenta mundi, ut essemus irreprehensibiles coram illo per charitatem, ut adoptaret nos, in filios per Iesum Christum in sese, iuxta beneplacitum voluntatis suæ. Ephes. 1. & Math. 10. Nonne duo passeres. &c.

Vnde auspicanda est prædestinatio?

Non à Lege, neq; à ratione, sed ab Euangelio, quæ est vniuersalis promissio. Si quis extra Euangelium

gelium causam quarit electionis, is non potest non errare. Deinde si quis ex uniuersali, promissionem particularem velit efficere, is reddet simpliciter incertam promissionem, & tollet fidem. Quare ex uniuersali promissione indicanda est prædestinatio: id ubi sit, nulla restabit amplius occasio excrucians animi illa peculiaritate.

Quot sunt partes prædestinationis?

Due. Alligationis, & Conditionis.

Alligatio, est necessitas presentium, ut si quid providentia præsens esse videtur, id necesse est esse, tametsi nullam habeat naturæ necessitatem, ut omnes homines mortales esse necesse est, sic Deo providente.

Conditio, ut si Adam ederet de pomo morietur. Si Israel ambulauerit in via Domini, et seruauerit præcepta eius, seruabitur. Si susceperis Euangelium, & illi credendo ad finem usque uitæ tuæ adhaeris, seruaberis: si uero non susceperis, damnaberis. Sic Augustinus: Prædestinavit Deus hominem, ut si esset obediens, & à gustu uetiti pomi abstineret, in uitâ permaneret: sin autem inobediens esset, sententiam mortis subiret. Prædestinati enim sumus sub conditione, ut si susceperimus uerbum, erimus filij Dei: si non, damnabimur.

2. Timot. 2. ait Paulus: Si quis expurgarit se ipsum ab his, scilicet impijs doctrinis, erit uas in honore sanctificatum, accommodatum usibus domini, ad omne opus bonum præparatum.

Da

MARGARITA

Dalocos scripturæ qui ostendunt
promissionem esse vniuersalem.

Paulus Rom. 3. Iustitia dei per fidem Iesu Christi, qua est in omnes & super omnes.

Et Romanorū decimo: Idem dominus omnium, dñes in omnes qui inuocant eum.

Item. Deus vult omnes homines saluos fieri. Deus non vult mortem peccatoris, sed vt conuertatur & viuat. Ezech. 18.

Math. 11. Venite ad me omnes, qui laboratis, & onerati estis, ego reficiam vos.

Ioan. 3. Ut omnis qui credit in ipsum, non pereat, sed habeat vitam aternam.

Item, Act. 10. Apud Deum non est personarum acceptio. His sententijs erigende sunt conscientia contra naturalem diffidentia et dubitationē. Quia verò malum ex nobis est, cauendum est ne volentes indulgeamus naturali diffidentia, ac repugnemus promissioni, sed respiscētes credamus promissioni.

DE DISCRIMINE VETERIS & noui Testamenti.

Quod est discrimen Veteris &
noui Testamenti?

Vetus Testamentum propriè fuit Lex, & tota politia Mosi, qua habuit promissiones, datas populo Israel de regno & politia corporali.

Nouum testamentū est, non ministerium Legis, sed

sed Evangelij videlicet, pactū de regno Christi spirituali & aeterno, & habet promissionem iustificationis & vite aeternae, donanda propter Christum.

Quare illud vocatur Vetus, hoc autem nouum Testamentum?

Non propter ordinem & successionē temporum, quasi Nouū testamentū non pertinuerit ad patres, sed propter discrimen ministerij & promissionem.

Quia Vetus testamentū erat ministeriū Legis, & observatio rituum Leviticorū, & illius polities populi Israel, & habebat promissiones de illo regno.

Sed Noui testamenti aliud est ministerium, alia promissio, videlicet rerum aeternarum, nec consistit in externis observationibus, sed requirit cultus spiritualis, hoc est, veros motus cordis.

Desijt ne Vetus testamentum?

Etsi Lex Mosi & illa politia ad certum tempus constituta, iam cessauit postquam Christus exhibitus, nec opus est observatione illorū rituum et politiae Mosaicae: tamen quia doctrina Legis moralis scripta est in natura, et communis est omnium hominū, eatenus pertinent ad Vetus testamentū, qui tantū habent notitiā Legis, nec habent notitiā Evangelij, neque sunt renouati à spiritu sancto.

Econtra Nouum testamentum, id est, promissio remissionis peccatorum et renouationis per spiritum sanctum, non tantum est unius temporis, sed omnium aetatum, sicut et Patribus facta est promissio de Christo.

Quid

MARGARITA

Quid significat apud Paulum hæc vocabula.

Litera & Spiritus?

Per literam intelligit omnes cogitationes, & observationes, & (ut vocant) bonas intentiones seu conatus rationis, sine spiritu sancto, hoc est, sine vero timore & vera fiducia Christi.

Per spiritum intelligit motus spirituales, quos spiritus sanctus excitat in cordibus nostris. Est igitur lex litera, quando imitamur iam bonis intentionibus aut externis moribus sine spiritu sancto, hoc est, sine vero timore, & sine vera fiducia. Est & Evangelium litera, cum non apprehenditur spiritu, hoc est, cum non verè timemus, nec verè credimus deo.

Porro, Lex administratio mortis est, quia non promittit remissionem peccatorum gratis, nec adfert spiritum sanctum. Evangelium verò est administratio spiritus & vitæ, quia promittit remissionem peccatorum gratis, & donat spiritum sanctum & vitam æternam. Repudianda igitur est Origenis interpretatio, qui vocat literam grammaticum sensum, spiritum verò Allegoriam.

DE ABROGATIONE LEGIS.

Quid est abrogatio Legis?

EST abolitio execrationis seu maledictionis Legis, per Christum facta, ita quod nunc omnes qui credunt in Christum, liberati sunt à iure Legis, accusantis perpetuò conscientiam, & damnan-

tis illam coram deo, propter imperfectam obedientiam. Galat 3. Christus nos redemit à maledictione Legis, dum pro nobis factus est maledictus. &c. Et Rom. 8. Nulla nunc condemnatio ijs qui insiti sunt Christo. &c.

Sunt ne & impij liberati à Lege?

Minimè. Nam Paulus ait: Lex iniustis est posita, hoc est, incredulis, & illis qui nondum sunt sub gratia, vel qui nondum fide apprehenderunt Christum, neq; acceperunt spiritum sanctum, à quo reguntur. In his non minus Lex adhuc hodie exercet suum officium, accusando & condemnando illorum conscientias, quàm olim sub Mose. Nam Lex paedagogus noster est usque ad Christum.

Quæ sunt causæ abrogatæ Legis?

I. Promissio Dei, quia Deus promissit hanc Legis abrogationem in Christo futuram. Hier. 31. Fecit dominus Israel fœdus novum. Non secundum pactum, quod pepigi cum patribus vestris.

II. Infirmitas nostra occasionem abrogandæ Legis præbuit. Actor. 15. Quod nec patres nostri, nec nos portare posuimus.

Est ergo tota Lex abrogata?

Tota Lex est abrogata credenti, videlicet, ut Lex non habeat ius accusandi aut condemnandi eum. Habet enim aliud quo iustificatur quàm Legem.

Quare

MARGARITA

Quare igitur non licet omittere
Decalogum?

Respondeo. Euangelium affert spiritualem & eternam vitam, ideo retinet eam partem Legis, quæ docet qualis sit illa noua vita; & consentit cum Lege naturæ, quæ est ipsa notitia Decalogi. Quare Decalogus non sic intelligatur esse abrogatus, ut iam non debeat fieri, sicut ceteræ partes Legis, videlicet, ceremoniæ & iudicialia Mosis omittuntur, quæ sunt tantum externa ordinationes, pertinentes ad vitam corporalem.

Sed in ijs qui iustificantur, & accipiunt spiritum sanctum, iam inchoatur noua obedientia spiritualis, quæ requiritur in Decalogo, seu Lege morali.

DE LIBERTATE CHRISTIANA,
quæ est abrogatæ Legis effectus.

Quid est libertas Christiana?

*EST libera assertio in regno spirituali per Iesum Christum, quæ summi liberi à seruitute ac à execratione legali, à iure peccati & mortis, adeoque, ab omni externa obseruatione in negotio iustificationis coram Deo, quæ gratuitò datur credentibus propter Christum: Vel breuius sic: Est doctrina indicans in quibus rebus propriè sit Christiana iustitia, & quid de ceremonijs sentiendum sit. De quibus omnibus atatibus, infinite exte-
runt disputationes.*

Quot

Quot sunt gradus libertatis
christianæ?

Quatuor: Primus, quod non propter Legem, sed gratis propter Christum donatur remissio peccatorum, & imputatio iustitiæ. Hic gradus est precipuus, nihil pertinens ad ciuilem vitam, sed tantum ad certamen conscientie in iudicio dei, in quo opus est hac consolatione. De hoc gradu ait Christus Ioan. 8. Si filius vos liberauerit, verè liberi eritis.

Secundus, est donatio spiritus sancti, quo credentes iustificantur & reguntur, ac defenduntur aduersus sententiam diaboli. De hoc Paulus. 2 Corinth. 3. Vbi spiritus domini, ibi libertas.

Tertius, quod Euangelium liberat nos à ceremonijs et iudicialibus Legibus Mosi. Hic gradus pertinet aliquo modo, ad vitam exteriorē, sed habet causam in superioribus. Euangelium enim non requirit Leuiticas ceremonias, quia docet nos gratis consequi remissionem peccatorū, & iustos pronunciari per misericordiam propter Christum, non propter ullos cultus aut nostra opera.

Quartus docet, quid sit sentiendum de Ecclesiasticis ceremonijs, quas Episcopi aut alij homines instituerunt. Cum enim in hac vita opus sit certis ritibus, locis, ac temporibus permittit Euangelium in ecclesia fieri ordinationes, hoc fine, ut omnia in ecclesia ordine, & sine tumultu gerantur. Ideo constituuntur certi dies, ut sciat populus quando conuenire debeat ad audiendum verbum. Et traditione

MARGARITA

ditiones toleranda sunt, sed non est quarenda in illis iustificatio.

Ad quid prodest hæc doctrina de libertate christiana?

Ad multa. Si enim hac doctrina non exstet in Ecclesia, sequuntur multa incommoda.

Primum, obscuratur iustitia fidei, cum scilicet transfertur beneficium Christi in traditiones, hoc est, cum homines putant se mereri remissionem peccatorum, & se iustos pronunciari propter tales observationes, ex qua persuasione ruunt conscientia in desperationem, & amittunt veram fidei & Christi notitiam.

Secundum, inervuditi fingunt tales observationes externas esse veros cultus & veram perfectionem: cum tamen perfectio sint, timor, fides, dilectio, & opera vocationis.

Tertium, scinditur Ecclesiarum concordia, ut factum est de Paschate.

Quartum, si conscientia putent hos ritus esse necessarios, nunquam acquiescent. Quis enim unquam observavit omnes traditiones humanas, quarum erant tot summa, tot libri, ut vix dinumerari possent.

Sed inquis, obedientia necessaria est, etiamsi potestas abutitur suo iure. Ait enim

Christus: Super cathedram Moisi sedent Scribæ. &c. Quaecunque dixerint facite.

In his qua sunt iuris divini, conscientia necessaria

riò debet obedire Pastoribus iuxta illud: *Qui vos audit, me audit. In traditionibus verò ecclesiasticis debet eatenus obedire, ut scandala caueat, & ne queratur in eis iustificatio, aut addatur opinio necessitatis. Cum autem precipiuntur, aut traduntur impia, tunc regula tenēda est Apostolorum, Oportet Deo magis obedire, quàm hominibus.*

Sed quid de ceremonijs à Christo institutis?

Ha observari debent, quia habent mandatū dei. Et tamen Evangelica libertas docet, quòd ceremonijs nō iustificemur sine fide. Item, quòd necessitas excuset nos, si impediamur, quò minus uti illis ceremonijs possimus. Ut si aliquo casu non posset alicui contingere Baptismus, is si verè crederet in Christum, tamen sine ceremonia saluus fieret.

DE CONSILIIS.

Sunt ne consilia quoque in Evangelio à Christo tradita?

*Q*uidam finxerunt in Evangelio esse consilia, de non vindicando, de paupertate, virginitate, castitate. Deinde dixerunt ea opera perfectionem esse. Sed hac sunt plena errorum & superstitionum. Una enim est Lex Dei, qua nihil nisi praecepta continet & Christi prolixa concio, *Math. 5.* nihil aliud est, quàm Legis interpretatio. Christus enim id agit, ut ostendat in Lege

G. j. requiri

MARGARITA

requiri perfectam obedientiam. Quare cum odia, concupiscentiam, cupiditatem vindicta prohibet, non adfert noua quadam consilia, sed ipsam Legem dei interpretatur, & praecepta tradit. Addit & poenam aeternam. Qui irascitur (inquit) fratri suo, reus erit iudicii. Item: Omnis qui videt mulierem ad concupiscendum eam, iam mœchatus est in corde suo.



DE VINDICTA.

Quid præcipit de vindicta?

Prohibet vindictam priuatam, hoc est, cupiditatem vindictæ, & eam vindictam, quæ sit sine autoritate magistratus: non tollit publicam vindictam, quæ exercetur per magistratum. Per euangelium enim non aboletur magistratus, sed multo magis confirmatur Roma. 13. Reijcienda est igitur hæc seditiosa opinio, quæ docet consilium esse de vindicta. Et prudenter tenendum discrimen publica & priuata vindicta. Aut enim Dominus: *Mibi vindictam, et ego retribuam.*

Sed quid de hoc dicto:

Vim vi repellere licet?

Euangelium non pugnat cum hoc dicto. Nam vim vi repellere, iure naturæ est, si modò rectè intelligatur: debet enim ad publicam vindictam, hoc est, ad officium magistratus accommodari. Sic magistratus vim vi repellit, cum latrocinia armis & gladio

gladio depellit. Quorsum enim opus esset magistratibus, si singuli priuatim vindictam exerceremus?

DE PAUPERTATE.

Quid præcipit de paupertate?

*E*uangelium neque præcipit, neque consulit, discedere à facultatibus, aut res in commune conferre, imò approbat politas ordinationes, diuisionem rerum, & proprietatem. Caterum euangelium præcipit liberaliter iuuare egentes, & præmia ingentia corporalia et spiritalia pro hac liberalitate pollicetur, sicut Christus ait: Date & dabitur vobis. Et 2. Corin. 9. Qui parè seminat, parè & metet: & qui seminat in benedictione &c. Salomon Prouerb. 5. pulchrè depinxit bonam partem Oeconomie: Bibe aquam (inquit) de tuis fontibus, & fontes tui foras deriuentur, & ripa effluant in plateas. At tu Dominus es horum solus, non aliens tecum, &c. Vult Salomon, ut quisque ex fructibus suis aut fortune suis largiatur egentibus, sed ita ut fundum retineat, ne redigatur ad mendicitatem. Sic Paulus iubet largiri, ne egenus ipsi, neue ignaui nostra liberalitate abutantur. Breuiter: Proprietatem rerum confirmant multa testimonia. Licet enim habere diuitias, ut testantur Christus & Paulus.

Quid est paupertas?

Paupertas non est mendicitas. Hac enim in o-

MARGARITA

tiosis & robustis peccatum est. 2. Thess. 3. Qui nō laborat, non manducet. Sed paupertas Evangelica est spiritualis, hoc est, tenere facultates, quae Dei beneficio contingunt nobis, sine auaritia, sine superbia, id est, sine fiducia opum, sine impietate, hoc est, cū periclitamur in confessione Evangelij, ut opes amittere malimus, quam abicere Evangelium. Sic in summis opibus pauperes spiritu fuerunt, Abraham, Iob, David, & multi alij. Complectitur paupertas patientiam, cū scilicet eripiuntur, aut aliquo casu pereunt opes, ne tunc irascamur Deo, aut aliquid contra Dei mandatum faciamus, sed propter Deum aequo animo feramus hanc iniuriam, aut casum.

Quotuplex est desertio facultatum?

Duplex. Altera sit nostra electione sine mandato Dei, & sine vocatione. Hac desertio non est cultus dei, Math. 15. Frustrā me colunt mandatis hominum. Altera est, quae habet mandatum Dei & vocationem, ut cū Tyranni cogunt aut facultates amittere, aut ab Evangelio discedere, aut deficere. Hanc laudat Christus: Qui reliquerit (inquit) agrum, domum. &c. propter Evangelium, hoc est, propter confessionem Evangelij, centuplum recipiet, &c. Marc. 10. Breuiter, sicut Christus non laudat eos, qui deserunt coniugem et liberos, aut qui sibipsum vitam eripiunt, ita non laudat desertentes patrimonia sine mandato Dei.

DE

DE CASTITATE.

Quid præcipit de castitate?

*E*uangelium non solum præcipit castitatem virginum, sed etiam coniugum. Nam & coniugium est diuina ordinatio, & omnes qui non continent, mandatum habent, ut coniugio utantur. 1. Cor. 7. Propter fornicationem unusquisque habeat uxorem suam.

Quid est castitas?

Castitas non est tantum virginitas, sed etiam coniugum moderata consuetudo. Sic Heb. 13. Honorabile concubium apud omnes, & thorus immaculatus. Fornicatores autem & adulteros indicabit Dominus.

Tamen Paulus ait: De virginibus præceptum Domini non habeo, consilium autem do.

Paulus non sentit aliquos magis mereri iustificationem propter virginitatem, quam propter coniugium. Utrique enim, & coniuges & virgines, statuere debent, se per misericordiam Dei iustos esse, & acceptos propter Christum, non propter dignitatem coniugij, aut virginitatis.

Quid igitur Monachi extollunt & præferunt Cœlibatum?

Semper fuisse fanatici spiritus, qui negarunt coniugium concessum Christianis, ut Tatianus, Hierax. Etsi Monachi nolunt videri damnare coniugium

MARGARITA

gium, tamen valde deformant: somniant enim se magis mereri remissionem peccatorum, & iustificationem suo cœlebatu, quàm reliquos homines.

Deinde fingunt illum cœlibatum perfectionem esse Evangelicam, in quo vehementer errant. Fuerunt enim perfectiores multi coniuges, Abraham, Isaac, Iacob, David. &c. quàm pleraq; virgines. Non est cœlibatus perfectio, sed perfectio Evangelica est, agnoscere humanam imbecillitatem, perterrescieri, & econtrà fide erigi. In talibus exercitijs versatur perfectio Evangelica, siqua est sic vocanda.

Cur ergo laudat & suadet Paulus
virginitatem & cœlibatum?

Propter politicum finem, scilicet, ut expeditiores simus ad discendum, docendum, & obeunda ministeria Ecclesiastica. Sic Christus laudat cœlibes, cùm ait. *Math. 19.* Sunt & Eunuchi qui se castrauerunt propter euangelium, hoc est, discendi & docendi causa. Nam verum est quod Paulus ait: Cœlebs curat ea quæ sunt Domini, ut Domino placeat. Explorent igitur cœlibes suas vires, & studeant, ut purò viuant, caueant otium & luxū, & adhibeant abstinentiam, & animus sit intentus studijs. Qui verò ruunt in libidines cōtra præceptum Dei, sciant se Deo pœnas duros esse. Fornicatores enim, & adulteri, nō intrabunt in regnū Dei. Sæpe istorum hominum causa plectitur universa Respublica, sicut testatur Sodomorum historia, & diluvium. Item, Deus inquit se Chananeos deleturum

deleturum esse propter vagas libidines. Paulus quoque ait, libidinum pœnas esse cœcitatem & amentiam. Rom. 1. & carnalē securitatem, Ephe. 4. Et Oseas ait: Fornicatio, vinum, et ebrietas, auferunt cor. Sunt ergo isti fucati cœlibes scandalo multis, et autores turpis exempli.

DE ECCLESIA.

Quid est Ecclesia?

EST congregatio omnium illorum qui profitentur euangelium, & non sunt excommunicati, in qua sunt promiscuè boni & mali, sicut parabola de verriculo in mari iacto docet, Math. 13. Hinc etiam in scripturis describuntur duo corpora ecclesie, alterum corpus vera ecclesie, alterum hypocritica ecclesia.

Quando incœpit Ecclesia?

Certum est Ecclesiam tempore Adæ cœpisse, & post Adam apud omnes euangelij professores in hunc usque diem stetisse, et adhuc stare apud eos qui illud profitentur.

Quotuplex est Ecclesia?

Duplex. Hypocritica et vera.

Quæ est hypocritica Ecclesia?

Est qua gerit bellum cum vera ecclesia, sicut Iudei persequiebantur Prophetas, deinde Christum. Hanc vocat David ecclesiam malignantium. Et Esaias describit eam his verbis cap. 29. Appropin-

G. 114.

quat

MARGARITA

quat mihi populus ore suo, & labijs me honorat :
ceterum cor eorum longè abest à me, sed frustra me
colant, docentes doctrinas & præcepta hominum.
Hæc Ecclesia exposita est oculis, quia omnia illius
opera, omnis cultus, quo credidit se Deum colere, ex-
ternus est, species, & larva est pura Ecclesia, hu-
manis traditionibus, loco sincera doctrina, ore &
labijs tantum sine affectibus cordis Deum colens.

Quæ est vera Ecclesia?

Est congregatio iustorum, qui verè credunt Chri-
sto, & sanctificantur spiritu Christi. De hac Pau-
lus. 1. Timot. 3. Ecclesia est columna & sedes veri-
tatis. Hæc dicitur catholica, quia non est humana
aliqua politia, vni loco, aut certis ceremonijs hu-
manis alligata, sed est spiritualis cætus piorum, qui
passim in mundo dispersi sunt, & tamen omnibus
temporibus de doctrina Euangelij conveniunt.

Hanc describit Paulus his verbis, Ephesiorum. 5.
Christus dilexit Ecclesiam, ad eam, ut seipsum expo-
neret pro illa, ut eam sanctificaret, mundatam la-
uacro aquæ per Verbum, ut exhiberet eam sibi ipsi
gloriosam, non habentem maculam aut rugam, &
ut esset sancta atque irreprehensibilis. Hæc Ec-
clesia non est exposita oculis, sed creditur, iuxta
articulum Symboli: Credo sanctam Ecclesiam Ca-
tholicam, sanctorum communionem. Habet au-
tem certas notas, quibus agnoscitur, nempe purum
verbum Dei, & legitimum usum Sacramentorum,
& clancs quibus vitur in ministerio Verbi & sa-

CRA-

cramentorum.

Quid verò sentiendum de Excōmunicatis?

Excommunicati pars Ecclesia esse desierunt, Iuxta illud. Math. 18. Quòd si Ecclesiam non audierit, sit tibi velut ethnicus & publicanus.

Quod est discrimen inter Ecclesiam hypocriticam & veram?

Quantum interest inter veritatem & simulationem, inter speciem veri & res ipsas, inter fucum & nativum colorem, tantum interest inter veram & hypocriticam Ecclesiam. Certum est enim hypocrisis habere idem Evangelium & eadem Sacramenta. Sed his non sunt contenti, verum effingunt humanas traditiones, quas conferunt cum euangelio, adequant, saepe ultrà extollunt, non verè suscipiunt euangelium. Hi corde non credunt, neque adherent, sed tempore procellarum recedunt, neque subsistere possunt. Est & apud hypocritas impurus Sacramentorū usus, aliud caput quàm Christus, à quo petunt suam iustitiam, sanctificationem, sustentationē. Spiritu sancto utuntur non aliter atq; pallio, quo oppalliant & regunt impiam suam doctrinam, qua dissipat & perturbat conscientias, id quod sanè spiritus sancti opus non est, qui congregat conscientias & consolatur. Breuiter: Hypocritica ecclesia larua est, externa species est, fucus est, praeextus est, impudens tamen amula, & sine scientia vera ecclesia.

DA POTESTATE

Ecclesiastica.

Quid est clavis, seu potestas Ecclesiastica?

EST qua consistit in docendo Evangelio, administratione Sacramentorum, et in excommunicatione illis, qui publicis criminibus sunt obnoxij, ijsq; rursus absoluendis, ubi petunt absolutionem. Vel, est œconomica quedam administratio, quæ constat non vi corporali, sed tantum verbo. Regnum enim Christi spirituale est, quod non regitur gladio, armis & alijs rebus, ad civile regnum pertinentibus. Christus enim, huius Ecclesiasticæ potestatis autor et institutor, omnem civilem administrationem à se, et à suis discipulis transtulit ad principes mundi. À se, quia noluit se eligi in Regem, sed aufugit. Ab Apostolis, dum inquit: Principes gentium dominantur eis, vos autem non sic.

• Quotuplex est potestas Ecclesiastica?

Duplex. Ordini et Iurisdictionis.

Quæ est potestas Ordinis?

Est mandatum docendi Evangelium, & annuntiandi remissionem peccatorum, & impertiendi Sacramenta singulis aut pluribus. Hic non licet comminisci novam doctrinam, sed proponenda est doctrina à Christo tradita. Quemadmodum precipit Math. ultimo: Docentes eos servare omnia quaecunque mandavi vobis. Et Paulus Gal. 1. Si Angelus de cœlo aliud docuerit, quàm nos docuimus,
anathe-

anathema sit.

Quæ est potestas iurisdictionis?

Est potestas excommunicandi obnoxios publicis criminibus: & rursus eos absoluendi si conuersi petant absolutionem. Hac potestas non debet esse tyrannica, sed sicut Christus docuit Math. 18. Si Ecclesiâ non audierit, sit tibi velut ethnicus. Et Paulus. 2. Corinth. 1. Non dominamur fidei vestra, sed adiutores sumus gaudij vestri.

Quid differunt potestas Ecclesiastica & politica?

Potestas politica, sine civilis, fert leges de defensione corporum, de distinctione dominiorum, de contractibus, de criminibus, et coercet homines vi corporali. Contrâ potestas Ecclesiastica impertit res æternas & spirituales, hoc est, habet doctrinâ cœlestem, & coercet homines verbo. Quare non improbat neque abolet potestatem civilem, imò approbat eam & sanctorum corpora ei subycit.

Quando accepit Ecclesia claves?

Quando Christus dixit Petro, Math. 16. Tibi dabo claves regni cœlorum. Et Math. 18. Quaecunque ligaueris super terram, erunt ligata & in cœlis. & c. Et Ioan. 20. Accipite spiritum sanctum, quorum remiseritis peccata. & c.

Valétne ministerium malorum ministrorum?

Imò valet. Nam verbum & sacramentum non sunt ministri sed Christi qua si rite administrantur, ministri

MARGARITA

nistri malitia nihil nobis oberit. Et vulgo dicitur:

Vim sacramenti non mutat vita ministri.

Sacramentorum administratio non est irrita, etiam si mores ministrorum sint vitiosi. Hoc tamen intelligendum est de malis, non de aperte blasphemis, ut Iudeis aut Turcis, quibus ecclesia nullum ministerium mandavit.

Debetur ne ministris Ecclesiarum
obedientia?

Sicut verbo Dei, ita ministris verbum Dei docentibus, quod ad ministerium attinet, debetur obedientia, sicut precipit scriptura: *Qui vos audit, me audit. Luc. 10* Quicquid dixerint, facite, *Mat. 23* Item: *Obedite praepositis vestris. Hebr. 13.*

Haec sententia loquuntur de ministerio, & requirunt obedientiam debitam ipsi euangelio: non constituunt autem regnum doctoribus, extra euangelium. Deinde debetur eis quoque obedientia in jurisdictione, quam habent iuxta euangelium, videlicet, in cognitione criminum, audiendis testibus in legitima excommunicatione. &c.

Quid verò in ceremonijs contendis, nunquid & in his debetur pastoribus obedientia?

Imò. Nam pastores habent auctoritatem ordinandi ceremonias hoc fine, ut ordine gerantur res in publico ecclesiae cœtu, sicut Paulus ordinat, ut mulieres tegant capita, & ecclesia initio diem dominicum, & alios quosdam dies festos constituit, ut certa essent docendi tempora. Sed haec ordina-

tiones

tiones non debent superstitiose intelligi: non enim sunt instituta, seu cultus necessary ad iustitiam: sed ut re ipsa res adiaphora, quæ extra scandalum casum omitti possunt sine peccato. Hic itaq; traditionibus debetur obedientia, quod ad casum scandalum attinet, extra casum scandalum conscientia sunt libera.

DE SCANDALO.

Quid est Scandalum?

EST offensio, qua alterius animus perturbatur, hoc est, vel deterretur, vel incitatur ad imitationem. Vel est offensio seu depravatio doctrinae, & vite, seu fidei, & charitatis.

Quotuplex est scandalum?

Duplex. *Acceptum & Datum.*

Quid est scandalum acceptum?

Est cum vel recta doctrina, vel necessario factio Pharisæi & Hypocrite offenduntur, & concipiunt odia Evangelij & piorum. Ut Pharisæi oderunt Evangelium & evangelij doctores. Hoc Pharisæicum scandalum non est vitandum, excusat enim nos mandatū Dei, sed præstandum est, ut doctrina sit vera, certa, & utilis ecclesie. Granissimū enim peccatum est ecclesiam Dei perturbare malis, incertis & inutilibus disputationibus. Exempla.

Pharisæi & Scribæ offendeabantur, cum sanaret Christus egros in sabbato, cum discipuli non lavant manus, cum euellunt spicas. Sic nostri hypocrite offenduntur, dum vident quod non amplius
permiss-

MARGARITA

permittimus consecrare aquam, sal, cereos, herbas
 &c. Hic mandatum Dei excusat pios, habent enim
 mandatum Dei de sana ac recta doctrina.
 Item de necessarijs operibus quibus inuatur proxi-
 mus. Huic obediendum est simpliciter, neq; curadi
 sunt homines hypocrita. Juxta illud: Oportet Deo
 magis obedire quam hominibus.

Quid est scandalum datum?

Est impia doctrina, aut malum exemplum, quod
 nocet alijs, siue quia imitantur, siue quia deterren-
 tur homines ab Euangelio. Huius generis scandala
 sunt omnia impia dogmata, traditiones humana,
 qua sine peccato non possunt observari. Horu scan-
 dalorum autoribus minatur Christus. Math. 18.
 Va homini, per quem scandalum venit. Sunt igi-
 tur hae scandala summa vigilantia cauenda, ne
 vel autores, vel suffragatores impie doctrina si-
 mus, nec imitatores impiorum cultuum.

Quid autem agendum est in rebus
 indifferentibus?

Hic tenenda est regula Pauli, de usu libertatis.
 Sic enim precipit doctis, Rom. 14. Infirmum in fi-
 de suscipite. Item, Omnia fiant ad adificationem.
 Non enim utendum est libertate apud illos, qui
 nondum audierunt Euangelium, aut apud fratres
 nondum satis confirmatos. Sed sequendum est ex-
 emplum Pauli: Factus sum (inquit) infirmus in-
 firmis. Item: Si esca offendit fratrem, nunquam
 manducabo carnem. Ubi autem iam inclauit E-
 uange-

euangelium, & mediocriter confirmata est Ecclesia, nō est acerba observatio inutilium traditionū requirenda. Paulus enim ut ostenderet exemplum libertatis, noluit circumcidere Titum. Et Christus excusat Apostolos, violantes traditiones Seniorum. Sinite eos, ait, cæci sunt, & duces cæcorum.

Quæ sunt cauenda in Ecclesijs ne suboriantur scandala?

Hæc tria, Primum, ne impia, aut incerta, aut inutilia doceamus.

Secundum, cū certa doceamus ne ita confuse tradamus, ut auditores in tanta confusione malas concipiant opiniones.

Hic maximè adhibenda est diligentia, ut omnia sine sophistica explificentur, aptè, propriè, disertè, & distinctè. Ideo Paulus vult Episcopum esse didacticum, ut aptè & propriè doceat. Et Christus vult Scribā in regno cælorum similem esse bono patri-familias, qui prudenter eligat & proferat de thesauro suo in docendo noua & vetera. Nisi enim hanc prudentiam adhibeant doctores, perturbātur conscientia, & obrepunt animis prauæ opiniones, nocitura religioni & moribus, & oriuntur tumultus, & pleraque alia scandala.

Tertium, ne facile mutemus vsitatos mores, qui tolerari possunt. Publicorum enim morum violatio facile excitat magnos tumultus.

Item, ne nostra exempla alijs noceant & negligentiores reddant, nè ve præbeamus occasionē dissidijs

fidis aut factionibus sine necessaria causa. Si quis enim hoc modo traditiones violat, peccat.

DE SACRAMENTIS.

Quid est sacramentum?

EST promissionis diuina signum, à Deo institutum. Constat autem elemento & verbo, ut extet memoria promissionis.

Quot sunt sacramenta?

Tria. Baptismus, Cæna Domini, & Absolutio. Hac habent præcipuam promissionem in Euangelio de remissione peccatorum.

Sunt ne alia sacramenta?

Si Sacramenta vocamus opera, quibus addita sunt promissiones diuina, tunc multa possunt numerari sacramenta, ut oratio erit sacramentum: Est enim quoddam opus nostrum, & magnificas habet promissiones: Ioan. 16. Quicquid petieritis patrem in nomine meo, dabit vobis. Sic adflictiones, & elemosyna erunt sacramenta, quia sunt opera ornata diuinis promissionibus. Ut, Date, & dabitur vobis. Item, Per multas tribulationes oportet nos introire in regnum cælorum. Sic Magistratus & matrimonium, sunt res externa, ornata verbo Dei & promissionibus. Si verò Sacramenta vocamus ceremonias, seu ritus in Euangelio institutos, propriè ad præcipuam promissionem Euangelicam de remissione peccatorum pertinentes, tantum tria sunt, Baptismus, Cæna Domini

& Absolutio.

Variantne sententiæ de Sacramentis?

Maximè. Sunt enim quatuor opiniones.

I. Scholastici fingunt homines vientes Sacramentis Novi testamenti, ex opere operato iustos fieri. Hac opinio explodenda est, pugnat enim cum iustitia fidei. Sentiant enim hominem fieri iustum propter illius ceremonie usum, etiamsi non tredit, imò si nullum bonum motum cordis addat, modò non ponat obicem, id est, ne habeat actuale propositum peccati mortalis.

II. Alij dicunt Sacramenta non esse signa voluntatis Dei erga nos, sed tantum notas nostræ professionis, quia oportet extare notas, quibus discernamur à reliquis gentibus, sicut vestitus forma discernit Monachos.

III Anabaptista dicunt Sacramenta esse allegorice quasdam bonorum operum. Sic interpretantur baptismum signum esse adflectionum, quòd oporteat christianos subire fluctus et pericula omnis generis. Sic cœnam domini faciunt mutua benevolentia signum. Nam symposia apud omnes gentes sunt signa mutua benevolentia. Sic circumcisionem interpretantur fuisse signum coercendarum cupiditatum. Sed & hæc duæ opiniones repudiandæ sunt, quia tantum docet de minus principalibus seu accessorijs finibus, scilicet de politico, seu civili & allegorico, non docent de proprio et spiritali usu baptismi.

H. j.

III.

MARGARITA

IIII. *Vera igitur scriptura sententia est, quod Sacramenta noui testamenti sunt signa visibilia voluntatis Dei erga nos, incurrentia in oculos, ut nos admoneant, ut credamus promissioni in Euangelio propositae. Augustinus inquit: Sacramentum est verbum visibile, hoc est, sicut verbum est nota quadam quae auribus accipitur, ita sacramentum est spectaculum seu pictura quae currit in oculos. Sicut verbum est instrumentum, per quod spiritus sanctus efficax est, ut Paulus inquit, Roma. 1. Ita per sacramenta spiritus sanctus efficax est, cum fide accipiuntur, admonent enim & mouent ad credendum, sicut verbum.*

Cur Christus instituit Sacramenta?

Propter nostram infirmitatem. Humanus enim animus post lapsum Ada multo imbecillior est, quam antequam lapsus esset, ut possit simplici verbo credere. Ideo nostra infirmitate, motus est Christus: signa verbo adiecit, quod nostra infirmitati mederetur, et ut mutua quadam verbi & signorum coherencia, duceremur ad fidem erga promissiones Dei, teste Augustino, ubi ait: Homo ante peccatum videbat Deum, intelligebat & fidebat illi. Post peccatum, homo Deum capere non potest, nisi medio aliquo adiutus. His signis adycitur & verbum, iuxta illud: Accedat verbum ad elementum, & fit Sacramentum.

THEOLOGICA.
DE BAPTISMO.

58

Quid est Baptismus?

EST signum, siue ceremonia à Christo instituta, videlicet, lauari seu ablui aqua, & pronuntiatio verborum ordinata ad hoc, ut testetur nos recipi à Deo, et reconciliari Deo.

Vbi institutus est Baptismus?

Mathei et Marci ultimo: Euntes in mundum vniuersum, docete omnes gentes, baptizantes eos in nomine Patris & Filij, & Spiritus sancti. Qui crediderit et baptizatus fuerit, saluus erit.

Ad quid est institutus?

Ut credamus certò nobis peccata condonata esse. Est enim Baptismus testimonium & signum remissionis peccatorum, et donationis spiritus sancti.

Hinc veteres quoque Sacramenta vocant signa gratiae, hoc est, signa voluntatis Dei erga nos. Cum enim baptizamur, scribitur promissio dei in corporibus nostris.

Quid significat Baptismus?

Pœnitentiam & remissionem peccatorum, siue, ut Paulus ait, regenerationem. Nam immersio significat veterem hominem mori cum peccato, & emerſio, siue reditus ex aquis, significat nouum hominem ablutum & reconciliatum Deo Patri, Filio, & Spiritui sancto. Pater enim recipit te propter Filium, & pollicetur tibi Spiritum sanctum, quo te viuificabit & sanctificabit.

H. y.

Quis

MARGARITA

Quis est vsus baptismi?

Ut per omnem vitam statuamus nobis propositam et donatam esse remissionem peccatorum, et reconciliationem. Nam etiam cum lapsi sumus, valet pactum in resipiscentibus, quo iam olim cum Deo pacti sumus, quia euangelium testatur, resipiscentibus ignosci.

Potest ne Baptismus iterari?

Ipsum signum non debet iterari, quia iteratio ceremonia nihil prodest, et signum semel acceptum est perpetua nota, et perpetuum testimonium. Sicut circumcisio semel facta, erat perpetuum testimonium pacti diuini, scriptum in corporibus circumcisorum. Porro fidem huius pacti, crebra meditatione debemus exercere et conseruare, quoad viuimus. Hinc dicitur, poenitentiam nihil aliud esse, quam recordationem baptismi.

Quid interest inter baptismum Ioannis
& Apostolorum?

Vterque baptismus est ministerium noui testamenti, et requirit fidem in Christum. Baptismus Ioannis testabatur Christum venturum: Baptismus Apostolorum, iam exhibitum Christum, et ea fide pariter sanctificabantur & saluabantur baptizatum a Ioanne, tum ab Apostolis.

Quod autem Ioannes ait: Ego baptizo aqua ad poenitentiam, qui autem post me venturus est, baptizabit spiritu sancto et igni, non discernit ministeria

nisteria vel ceremonias, sed discernit personas ministrorum à persona Christi. Testatur enim Christum esse dominū, per quem baptismus fit efficax, qui daturus sit spiritum sanctum, & vitā eternā, & proficitur se ministrum esse, qui tantūm adhibeat externum signum, & prædicet verbum.

DE BAPTISMO

PARVULORVM.

Proba, quòd infantes sint baptizandi.

I. Christus ait Ioan. 3. Nisi quis renatus fuerit ex aqua & spiritu, non potest introire in regnum Dei. Hæc sententia est vniuersalis, & testatur omnes saluandos oportere renasci ex aqua, hoc est, baptizari. Ergo necesse est & infantes baptizari, ut saluentur.

Item, vniuersale mandatū est, Euntes baptizate omnes gentes, &c. Ergo etiam pueros cōplectitur.

II. Ex traditione Apostolorum. Sic enim scribit Origenes in sextum caput ad Romanos: Ecclesia ab Apostolis traditionem accepit, etiam parvulis dare baptismum. Sciebant enim illi, quibus secreta diuinorū mysteriorum cōmissa sunt, quòd essent in omnibus genuina sordes peccati, quæ per aquam & spiritū aboleri deberent. Sic Cyprianus & Augustinus probant baptismum parvulorum.

III. Ex ratione ducta ex scriptura: Certum est regnum Dei & Euangelij promissionem ad pueros pertinere. Sed extra ecclesiam nō est salus.

H. iij.

Ergo

MARGARITA

Ergo pueri inferendi sunt ecclesia, & adhibendum est signum, quod testatur ad eos pertinere promissionem. Maior certa est, Christus enim dicit: Sinite paruulos venire ad me, talium est enim regnum cælorum. Item: Non est voluntas coram patre meo, qui in cælis est, ut pereat vnus de pusillis istis. Item, angeli eorum semper vident faciem patris. Minor nota est: Nō enim est salus extra ecclesiam, vbi neq; verbum, neq; sacramenta sunt. Ecclesia enim est regnum Christi, in qua Christus est efficax per verbum & per sacramenta. Sequitur ergo conclusio, pueros baptizandos esse, ut accepto signo membra fiant Ecclesie, & Deus promissionem suam eis impertiat.

Sed obijciunt Anabaptistæ, dicentes: Infantes cum non intelligant verbum, non possunt credere, quare nihil profuerunt eis sacramenta.

Huic argumento primum opponendum est exemplum infantium circumcisorum, qui etiam non intelligebant verbum, & tamen valebat pactum, & placebant deo propter pactum.

Secundo respondendum est, etiamsi non intelligunt verbum, tamen certum est, quod deus in eis sit efficax. Iuxta illud: Nisi quis renatus fuerit ex aqua, &c. Nec nostrū est scrutari, quomodo deus in eis agat. Hoc scitis est scire, quod certum est salutem & regnum Dei ad infantes pertinere, unde sequitur deum in eis efficacem esse.

DE COENA DOMINI.

Quid est Cœna Dominica?

EST Sacramentum ab ipso Christo institutū, in quo datis his rebus, pane & vino, & addito verbo institutionis Christi, verè exhibetur nobis corpus et sanguis Christi, hoc sine ut qui habeant fidem in hac verba promittentis Christi, (quod pro vobis dabitur et effunditur in remissionem peccatorum) accipiant omnium suorum delictorum cōdonationem.

Quibus nominibus vocatur Sacramentum Cœnæ Dominicæ?

Varie sunt appellationes huius sacramenti. Paulus vocat Cœnam Domini 1. Corinth. 11. Vocatur et Synaxis, communio, quod communis cœna esset congregationis in ecclesia. Vocatur et Eucharistia, gratiarū actio, quod utentes hac cœna, agnoscant beneficium Christi, et gratias agant Deo. Vocatur & Testamentū, in quo donatur nobis remissio peccatorum propter Christum, cuius mortem quoq; donec veniat, annuntiare debemus. Iuxta illud: Hoc facite in meam commemorationem.

Dic verba cœnæ Dominicæ.

Dominus noster Iesus Christus, in ea nocte qua traditus est, accepit panem, & cū gratias egisset, fregit, ac dedit discipulis suis, dicens: Accipite & comedite. Hoc est corpus meum, quod pro vobis traditur: Hoc facite in mei commemorationem.

H. iiij.

Similiter

MARGARITA

Similiter & calicem accepit, postquam cœnauit: & cùm gratias egisset, dedit illis, dicens: Bibite ex hoc omnes. Hic calix Nouum Testamentum est in meo sanguine, qui pro vobis & pro multis effunditur in remissionem peccatorum. Hoc facite, quotiescunque biberitis in mei commemorationem.

Ad quid est instituta?

Ut nos admoneat beneficij Christi, & fides in nobis excitetur. Christus enim testatur ad nos pertinere beneficium suum, cùm nobis impertit suum corpus, & nos sibi adiungit tanquam membra, quæ non potest alia coniunctio cogitari propior: dat etiã sanguinem, ut testetur se nos abluere.

Hic est principalis finis huius cœnæ, videlicet, ut sit signum promissionis, admonens nos & testificans nobis cõtingere beneficia Christi, ideòq; ualeat ad excitandum & confirmandam fidem.

Postea accedant & alij fides, gratiarũ actio pro tanto beneficio, item ut excitemur ad bene operandum, & cauenda peccata, quia audimus nos iam factos esse membra Christi, & Christum uelle in nobis efficacem esse. Debet etiã sequi fructus charitatis, ut inuicem tanquam membra coniuncta in Christo præstemus officia dilectionis.

Quis est igitur usus salutaris
huius cœnæ?

*Cùm ea utentes addimus fidem, quæ credimus
nobis*

nobis verè contingere beneficia promissa à Christo, videlicet, remissionem peccatorũ. & quòd verè inseramur Christo, quodq; ipse in nobis velit esse efficax, tanquam in suis membris. Hac fides facit ut profit nobis vsus Sacramenti, & consolatur conscientias. Nec prodest vsus ceremonie sine hac fide, sicut interdum imperiti imaginantur, se ipso opere sumptionis, hoc est, tantum idèò, quia cum alijs accedunt, & utuntur Sacramento, consequi remissionem peccatorum: Quemadmodũ Scholastici docuerunt Missam valere ex opere operato.

Argumentor contra hoc, quod dicis, vsum
cœnæ certificare conscientiam, &
confirmare fidem.

Nulla res externa, sed solus spiritus sanctus confirmat fidem. Vsum cœnæ est res seu opus externum.

Ergo hoc opere non confirmatur fides,

Respondeo ad maiorem. Verum est, quòd solus spiritus sanctus certificat & confirmat fidem, sed tamen utitur externis signis, tanquam instrumentis, quibus admonet nos, & per illa velut testimonia & sigilla excitat & confirmat fidem, non secus ac per verbum vocale admonet, mouet, & excitat corda ad credendum. & c.

Quæ est digna præparatio, & quibus dandum est hoc Sacramentum?

Hi accedunt & sumunt dignè, qui agentes pœnitentiam, & perterrefacti, ac quærentes consolationem, credunt sibi remitti peccata, iuxta promissionem

MARGARITA

sionem Christi: et ad confirmandam hanc fidem utuntur hoc Sacramento tanquam testimonio remissionis peccatorum. Et quia hoc Sacramento uti debent qui agunt pœnitentiam, ideo Ecclesia olim arcebat à communione obnoxios manifestis criminibus. Neq; admitti debent, qui palam sunt criminosi, nec volunt agere pœnitentiam.

Quid interest inter Sacramentum
& Sacrificium?

Sacramentum ceremonia est, signum promissionis, per quod Deus aliquid nobis promittit aut exhibet. Sic circumcisio erat signum, quo pollicebatur Deus se recipere circumcisos. Baptismus est signum, quo Deus nobiscum agit, & recipit nos in gratiam, & quasi baptizat nos ipse. Nam minister vice Christi baptizat.

Sacrificium est ceremonia, vel opus nostrum, quod nos Deo reddimus, ut cum honore afficiamus, hoc est, testemur nos agnoscere hunc ipsum, cui hanc obedientiam præstamus, verè esse Deum, ideoq; nos ei hanc obedientiam præstare.

DE SACRIFICIIS.

Quot sunt species sacrificij?

De. Quoddam est sacrificium Propitiatorium. Alteram Eucharisticum.

Quid est sacrificium propitiatorium?

Est opus quod meretur alyis remissionem culpa
& pœna aeternæ, seu opus reconcilians Deum, &
placans

placans iram dei pro alijs, satisfactorium pro culpa & pœna eterna. Estq; unum tantum sacrificium propitiatorium, videlicet, passio seu mors Christi. Hebræorum nono.

Quadam sacrificia in Lege dicebantur propitiatoria, non quod mererentur remissionem peccatorum coram Deo, sed quia significabant futurum Christi sacrificium.

Quid est sacrificium Eucharisticum?

Est quod non meretur remissionem peccatorum, aut reconciliationem, sed fit à reconciliatis, ut pro accepta remissione peccatorum, & pro alijs beneficijs Deo gratias agamus, seu gratias referamus hac nostra obedientia.

Quæ sunt sacrificia Eucharistica
seu laudis?

In Lege fuerunt, oblatio, lauatio, retributio, primitie, decima. &c. Nunc sunt fides, predicatio Evangelij, inuocatio, gratiarum actio, confessio, crux, humiliatio, afflictiones sanctorum orationes, item omnia opera bona sanctorum. Hæc sacrificia non sunt satisfactionis pro facientibus, vel applicabilis pro alijs, quæ mereantur eis ex opere operato remissionem peccatorum, & reconciliationem, sed placent Deo propter fidem. De hoc genere sacrificiorum sunt multe sententia in Prophetis & Psalmis. Psalm. 51. Sacrificium deo spiritus contribulatus. Psalm. 46. Immola deo sacrificium laudis. Et Petrus ait: Vos estis genus electum, sacerdotium

MARGARITA

dotium sanctum, ut offeratis hostias spirituales.
Et Hebr. 13. Per ipsum offeramus hostiam laudis
semper Deo, fructum labiorum, consentium no-
mini eius, hoc est, inuocationem, gratiarum actio-
nem, confessionem, & similia. In Nouo enim testa-
mento abrogati sunt Leuitici cultus, & debet suc-
cedere cultus spiritualis, hoc est, Iustitia fidei, &
fructus fidei. Iuxta illud: Veri adoratores adora-
bunt patrem in spiritu & veritate. Ioan 4.

DE CRUCE, ET afflictionibus?

Quid est Crux?

EST afflictio à Deo nobis imposita, non ut nos
perdat, sed ut ad pœnitentiam renocet, & fidem
nostram exerceat. Vel, est quævis afflictio qua cer-
to consilio, & bona voluntate Dei imponitur, ut ea
probetur fides sanctorum, cognoscatur charitas
Dei, & magnifica liberatione illustrentur p̃i co-
ram persecutoribus.

Sunt autem afflictiones, ut dictum est, sacrificia
laudis, non tamen applicanda pro alijs: Iuxta illud
Pauli: Vnusquisq; mercedem accipiet iuxta suum
laborem, Item Abacuc, Iustus sua fide viuet.

Quomodo consolabimur nos in Cruce
& Afflictionibus?

In omni genere afflictionem debemus habere in
promptu quatuor præcipuas consolationes.

Primò,

Primò, nos non affligi casu, sed consilio & permissione Dei. Huc pertinent sententia de providentia. Math. 10. Non cadet unus de passerculis super terram sine voluntate patris, imò capilli vestri omnes numerati sunt. Et. 1. Reg. 2. Dominus mortificat & vivificat.

Secundo, quòd Deus non sinit nos affligi, ut perdat, sed vocet ad pœnitentiam, & fidem nostrâ exerceat. Sic Paulus 1 Corin. 11. Cum iudicamur, à Domino corripimur, ne cum hoc mundo damnemur. Item, Proue. 3. Quem diligit dominus, corripit. Heb. 11. Flagellat omnem filium, quem recipit. Apocalip. 3. Ego quos diligo castigo. Et David, Bonum mihi quia humiliasti me. Et Christus, Beati qui lugent. Va vobis qui nunc ridetis. &c.

Tertiò, ne (cùm videmus impios viuere in maximis opibus & delitijs, nos verò interim omnibus miserijs opprimi) irascamur & indignemur, sed æquo animo obediamus Deo, scientes quòd istæ afflictiones non sunt signa iræ aut reprobationis, sed ut fiamus membra similia imaginis Christi.

Sic Paulus Rom. 8. Si cõpatimur conregnabimus: oportet nos conformes fieri imagini filij Dei. Et Petrus ait: Inditiũ à domino Dei incipit. Et Christus inquit: Qui vult me sequi, tollat crucem suã. Et Paulus: Omnes qui pie volunt viuere, persecutionem patientur. Et David: Qui seminant in lachrymis, in exultatione metent. &c.

Quartò, ut in his omnibus apprehendamus es-

MARGARITA

teneamus fidem, quòd scilicet deus nobis adfuturus sit, & opem laturus, & pro sua sapientia & bonitate aliquando liberaturus. Et hac fide inuocandus est deus, sapè enim à deo affligimur, ut habeamus occasionem exercende fidei & inuocationis. Et per ipsam occasionem notitia dei fit illustrior, & crescit in nobis, sicut docet exemplum Manasse Regis 2. Paral. 33. Qui postquam afflictus est, orauit dominum, & deus exaudivit eum, & agnouit Manasse, quòd Dominus est Deus. Quæ notitia Dei sapè in ocio & voluptatibus & secundis rebus extinguitur. Sicut docet exemplum filiorum Israël. Sedit populus manācare & bibere, & surrexit ad ludendum.

Cur inculcat nobis scriptura tam diligenter
has consolationes?

Ut assuefaciamus animos ad veram pœnitentiã, & discamus tolerare aduersã, & exerceamus obedientiam & fidem, & maxime tunc reprimamus animi motus, cum iniuria lacerati incendimur cupiditate vindictæ: Sic Esaias. In silentio & spe erit fortitudo vestra. Et Christus ait: In patientia vestra possidebitis animos vestras. Luc. 21.

Quæ est vera patientia?

Est non solum obedire Deo in afflictionibus, sed etiam indignationem infirmæ naturæ vincere, aut certe repugnare. Et hac virtus necessaria est in Ecclesia & republica, videlicet, primum dolorem condonare

condonare tranquillitati publica, ne in Ecclesia discordia excitentur, propter priuatas similitudines. Instituiamus potius animo omnes cruciatus perpeti, quàm propter priuatam iniuriam perturbare publicam tranquillitatem.

Quid verò agit mali impatientia?

Impatientia transcurrit Deo: Et primùm obedientiam, deinde & fidem ex animis expellit. Itaq; in magnis afflictionibus multi sunt prorsus blasphemi, & quarunt consilia contra mandatum dei. Sicut Saul consuluit veneficam. Gignit & dolor iniurie odiũ, & incitat ad vindictam. Qua ex re sepe veniunt non solum priuatae dissentiones, sed etiam seditiones & publici motus. Item, hæreses, & multa mala. Hac à Christiano procul absint.

DE HUMILIATIONE.

Quid est humiliatio?

Humiliatio erga Deum, est verus timor Dei, quo terribile iudicio Dei conscientia, abijciunt omnem fiduciam suarum virium, suæ sapientia, seu iustitia &c.

Exemplum habemus in Davide. Hic obiurgatus à Nathan, cernit suum peccatum, non confidens se iustitia sua esse placaturũ iram Dei. Cum videret se e regno eici, agnoscebat id fieri consilio diuino, ideo non sudebat suis viribus, aut sapientia regnum se retinere posse.

De

MARGARITA

De hac humiliatione. Esa. 66. Super quem requiescet spiritus meus, nisi super humilem? Et Christus: Beati humiles, &c. Proinde humiles exaudiuntur à Deo. Psal. 101. Respexit in orationem humilium, &c. Exaltantur à deo, Luca. 1. Deposuit potentes de sede, & exaltauit humiles.

Monachorū humiliatio, quam finxerunt in eterno vestitu & ceremonijs, est planè hypocritica, potius dixeris superbiam.

DE ORATIONE.

Quid est oratio?

EST alicuius rei à Deo ex affectu cordis cum fide petitio, & gratiarum actio pro rebus à deo acceptis. Hinc, orare, est cum deo loqui & aliquid ab eo postulare.

Quot sunt species orationis?

Due. Inuocatio sine precatio, et gratiarum actio.

Quid est inuocatio?

Est qua inuocatur in aliqua re Deus, aut qua à Deo aliquid petitur. Huc pertinent Psalmi precatorij.

Quot requiruntur ad inuocationem seu precationem?

Quatuor, Præceptum Dei, Promissio, Fides, et res petenda.

Quod est primum?

Auto-

Autoritas divini mandati, quæ iubet precari et invocare Deum. Discamus non tantum esse peccata, iurare per nomen dei, furari, mœchari, &c. sed etiam peccatum esse, non orare, non petere aliquid à Deo, non expectare auxilium in periculis, non agere gratias pro beneficijs. Item, non esse nobis liberum precari, aut non precari, sed necessarium opus à Deo nobis præceptum.

*Sed inquis, deterrent me incredulitas
& indignitas.*

Cum obstreperit incredulitas, opponas verbum Christi. Math. 7. Petite, et dabitur vobis: omnis enim qui petit, accipit. Et Psal. 49. Invoca me in die tribulationis, et ego exaudiam te, &c. Cum vero obstreperit indignitas, cogites autoritatem divini mandati non esse detrectandam propter nostram dignitatem. Magna certe amentia esset in ceteris præceptis disputare, nos ideo nolle abstinere à furtis, à cede, ab adulterio, &c. quia non sumus digni, qui Deo obtemperemus. Quis paterfamilias imperans seruo legitimum opus, recipiet servi excusationem, si dicat se non esse dignum, qui obtemperet?

Quod est secundum?

*Promissio Dei, quæ testatur exaudiri preces, Joan. 16. Amē dico vobis, Quicquid petieritis patrem in nomine meo, dabit vobis. Et Luca. 11. Quanto magis pater vester qui est in cœlis, dabit
?j. spiritum*

MARGARITA

spiritum sanctum petentibus se.

Taulerus dicit, *animum hominis nunquam tam audum esse posse ad accipiendum, quin deus multò audior sit ad dandum. Est enim verax, et seruans promissionum suarum.*

Quod est tertium ?

Fides, ut scilicet credamus nobis remitti peccata, et nostras preces placere Deo, et exaudiri propter Christum: nec esse irritas, sed impetrare vel liberationem ex presenti periculo, vel mitigationem, vel alia quaedam bona. In presentibus periculis addimus conditionem, si Deo non displicuerit, si iudicauerit nobis conducere, quemadmodum Dauid sicut, 2. Reg. 15. Si inuenero gratiam in oculis Domini, reducet me, Sin autem dixerit mihi, non places, præstò sum, faciat quòd bonū uidetur ipsi. Sic leprosus, Matth. 8. Domine, si vis, potes me mundare. Et Christus inquit: Pater, si possibile est, transeat à me calix iste, veruntamen non sicut ego volo, &c. Neque tamen modum liberationis, neque tempus Deo præscribere debemus, sed quemadmodum Paulus ait: Deum facere supra quàm petere aut intelligere possumus. Porro cum differuntur ea quæ petimus, non languescat fides, quasi deus nolit audire preces nostras, sed sciamus hac mora exerceri fidem. Sicut Abrahæ promissa soboles, primum data est in extrema senectâ.

Quod

Quod est quartum?

*Res petenda. Nam oratio non debet esse inanis
Bartologia. Oportet aliquid peti à deo, aut pro
munere aliquo gratias agere.*

Quid ergo petendum est?

*Scriptura iubet petere spiritualia & corporalia
beneficia, res priuatas et publicas, presentes et fu-
turas. Item iubemur orare pro Ecclesia, ut libere-
mur ab impietate, à scandalis, ut plures obediant
Euangelio et saluentur. Paulus iubet orare pro
Regibus et Magistratibus, ut deus concedat pa-
cem. Item, iubemur petere victum, & alia bona
corporis. Quemadmodum hac omnia Oratio do-
minica complectitur.*

DE ORATIONE

DOMINICA.

Quid est oratio Dominica?

*EST brevis orandi formula, discipulis & eunctis
fidelibus à Christo tradita. Matt. 6. Cùm ora-
tis, dicite: Pater noster qui es in cœlis.*

Dic Orationem Dominicam.

Pater noster qui es in cœlis.

Sanctificetur nomen tuum.

Adueniat regnum tuum.

Fiat voluntas tua, sicut in cœlo & in terra.

Panem nostrum quotidianum da nobis hodie.

I. ij.

Ei

MARGARITA

Et dimitte nobis debita nostra, sicut & nos dimittimus debitoribus nostris.

Et ne nos inducas in tentationem.

Sed libera nos à malo. Amen.

Prefatio titulus est. Vocamus enim Deum Patrem nostrum, in cœlis habitantem, ubi non terrenam hereditatem, sed cœlestia gaudia et vitam eternam expectamus.

Prima petitio orat de gloria Dei, de doctrina et profectu euangelij, scilicet, ut nomen Dei apud omnes homines illustretur. Magna enim impietas est, præferri Dei gloria nomen et honorem operum et creaturarum.

Secunda petitio, orat de effectu euangelij et gubernatione nostri, scilicet, ut deus inchoet in nobis regnum suum, per spiritum sanctum, & Satana regnum excindatur.

Tertia orat, ut hic in terris omnes pastores, magistratus, subditi, faciant hoc quod Deo placet. Sicut angeli in cœlo, nihil repugnât eius voluntati.

Hæ tres petitiones ad Dei gloriam pertinent, sequentes nostras calamitates indicant.

Quarta petitio orat victum, pacem, defensionem, successum succensum in rebus gerendis, liberorum educationem, deniq; omnia vite commoda, & anima & corporis necessaria.

*Quinta orat condonari nobis peccata: idq; certo fieri, si nos alijs condonauerimus. Idq; ut sciama certò futurum, proponit nobis hæc opus, vide-
licet*

licet, ut alijs nos remittamus. Quare hac petitio docet in omni precatone adhibendam esse fidem remissionis peccatorum, & apprehendendum Christum mediatorem.

Sexta, orat ne insidijs diaboli pertrahamur ad impietatem, & ad alia scelera, ne tandem his irriti & illaqueati, desperemus.

Septima, orat liberationem ex omnibus peccatis & calamitatibus, ex miserijs & arumnis presentis vite, & ut donetur nobis vita & iustitia aeterna.

Conclusio, Amen, certificatio cordis est & conscientia, ut credamus nos à patre exauditos.

DE MAGISTRATV.

Quid est Magistratus?

EST ordinatio diuina, à Deo ordinata, ut conseruet disciplinam et pacem, puniat fontes ac seruet infantes, cui obediendum est; non solum propter iram, sed etiam propter conscientiam. Vel sic breuius: Est quauis legitima potestas, inter homines ordinata à D E O, ad defensionem boni, & prohibitionem mali, secundum ius & aequum. Rom. 13.

Quid est Tyrannus?

Est iniquus magistratus, qui non gubernat secundum Leges, sed pro suo fertur animo & astu.

Fundantur ne Magistratus
in scripturis sanctis?

Maximè. Tam in veteri quàm in nouo Testa-

MARGARITA

mento, *Genesis. 8. Quicumq, effuderit sanguinem humanum fundetur sanguis eius. Et Exod. 21. Si quis per industriam occiderit proximum suum, ab Altari meo euellēs eum, ut moriatur.*

Rom. 13. Omnis anima potestatibus sublimioribus subdita sit. Non enim est potestas nisi à Deo. &c.

1. Pet. 2. Subiecti estote omni humanae creaturae propter Deum, siue Regi, tanquam praecellenti, siue Ducibus, tanquam ab eo missis.

Matth. 26. dixit Christus Petro: Qui gladio pugnat, gladio peribit. Et Luc. 3. ait Ioannes Baptista militibus: Nulli violentiam faciatis, & estote contenti stipendijs vestris.

Est ergo Magistratus ordinatio Dei?

Imò bona creatura dei, & res non solum à Deo permessa, sicut permitti dicuntur mala, ut bella, pestilentia, &c. sed res approbata à verbo Dei, instituta & ordinata à Deo, sicut motus caelestes à Deo ordinati sunt, & alia creatura.

Cur ergo tot improbi & mali rapiunt & tenent Magistratum & Imperia?

Discerni debent persona ab officio. Officium opus Dei est, & manet, etiamsi persona abutuntur ordinatione dei. Quemadmodum Nero, Iulianus, & similes.

In quas res debet respicere Magistratus?

In Deum, in seipsum, & in subditos.

Cur

Cur in Deum ?

Ut sciant, quòd sit eorum officium, & quid deus ab his requirat. Requirit autem ab eis quatuor.

Primò, agnitionem dei, ut scilicet, agnoscant Deum : illum esse, in cuius manu sunt omnes potestates, qui transfert Regna, et constituit Imperia. Quemadmodum Moses ait Deuteronomio. 10. David primo Chronicorū 30. Daniel. 4. Rex Babylonis non agnovit Dominum Deum, ideo è regno eiectus est.

Secundo, timorem Dei, ut timeant Deum in omnibus, & in lege eius ambulent sedulò. Sic Moses hortatur Deu. 17. Et Psal. 2. Et Psal. 82 Pharaon Rex Egypti, eò quòd non timuerit dominum, correptus est decem plagis, et tandem submersus in mari rubro. Saul contemnens dei mandatum, à regno deiectus est.

Tertiò, Sapientiam, quam impetrent à Deo, quemadmodum Salomon. 3. Reg. 3.

Quartò, iudicium et iustitiam, ut iustitiam indicent in terra. Sic Moses Exodi. 23. Hier. 22. Dent. 16. Esai. 10. Sapient. 6. Ahab Rex Israël, quia iniustitiam exercuit in Naboth, correptus est à domino. 3. Reg. ultimo. Cambyfes Rex Persarum, Sysannem iniquum iudicem excoriari fecit, in terrorem aliorum iudicum, &c.

Cur in seipsum ?

Ut sciant, ubi in angustiis querant consolationem,

I. iij.

nem,

MARGARITA

nem, et sese multò imbecilliores esse, quàm ut possint conseruare res politicas, contra tantam potentiam Satana, qui imperia dissipare conatur.

Hac autem consolatio consistit in quatuor.

Primò, in vocatione, ut sciant se legitimè vocatos ad officium magistratus. Nam hoc maximè solatur conscientiam in angustijs. Absolon, quia inuasit regnum patris, malè perijt, Rex Monasteriensis itidem.

Secundo, ut sciant Deum in hoc negotio esse autorem et aurigam, et Magistratibus uti tanquam instrumentis, ipsisq, præficere angelos in custodiam et tutelam. Daniel. 12. Iosue. 5. Iudi. 2.

Tertiò, ut sciant Deum civilem iustitiã habiturum, velut preciosissimum thesaurum in terra, adeò ut & Magistratum dignetur vocabulo Elohym. Psal. 92. Ego dixi dii estis, & iubeat orare pro Regibus & Magistratib. 1. Timoth. 2.

Quarto, ut semper ob oculos habeant exempla & historias Veteris testamenti, quomodo Deus mirabiliter eripuerit Magistratum à presentibus malis. Exemplo sunt Abraham, Ioseph, Gedeon, Dauid, Ezechias &c. Contrà, quomodo insurgentes in Magistratū perdiderit, exemplo sunt Chore, Dathan, Absolon, Indas Galileus, Thendas, & multi rusticorum.

*Cur debent respicere in
subditos?*

*Ut sciant quo pacto debeat subdites in pace &
tran-*

tranquillitate regere & conseruare, Vno enim ocu-
lo debent respicere ad Deum, altero ad subditos.

Deinde, ne subditos habeant veluti pecora, sed
ut consortes & coharedes vita aeterna. Deinde
ut tueantur inopes, viduas, pupillos, egenos, Quo-
rum patrem & indicem sese Deus fatetur. Et ut
sciant se quoque habere dominum in cælis. Col. 3.

Tertio, ut promoueant ac defendant bonos, &
corripiant malos, ut sit pax bonis, deinde bona edu-
catio & disciplina, postremo pietas. Corrigere au-
tem debent cum ratione, ne, ut dicitur, seruato co-
cleario pelnim conculcent, ne scilicet propter vnius
hominis causam faciant iacturam totius urbis aut
provincia. Proverbium est: Nescit regnare, qui ne-
quit dissimulare. Exemplo est Dauid, qui nolebat
occidere Ioab homicidam, se viuente. Et Augustus
solutus est dicere: Bellare est aureo hamo pisces
comprehendere.

Tria debet Magistratus subditis?

- I. Ut equo animo audiant viduas pupillos, ege-
nos, & causam eorum iudicent ac promoueant.
- II. Ut subditos defendant, & in pace conseruent,
ut bonos promoueant, & malos corripiant, & di-
sciplina atque bonis legibus politiam exornent.
- III. Ut homines ad pietatem & agnitionem dei
instituant & inuitent. Hæc opera valde ornant
Magistratum, & placent Deo.

Quid dabent subditi Magistratibus.

Tria. Tributum, timorem, honorem & dilectio-
nem,

MARGARITA

nem. Roma. 13. Reddite ergo omnibus debita, cui tributum, tributum: cui timorem, timorem. cui honorem, honorem. Nemini quicquam debeatis, nisi ut inuicem diligatis.

De tributo ait Christus Math. 22. Reddite quæ sunt Cæsaris, Cæsari.

De timore, Prover. 24. Fili mi, time dominum & Regem, & cum seditiosis non miscearis.

De honore. 1. Petr. 2. Deum timete, Regem honorificate.

Est ne potestas Magistratuum infinita?

Minimè. Nihil enim debent contra ius diuinum & ius natura mandare et agere. Deinde peccant etiam, quando aliquid imperant contra Leges sui regni, seu contra formam sui imperij, ut, Non licuit Achab eripere vineam cui Naboth, contra ipsius voluntatem. Sic non licet Principibus ex fortunis ciuium suorum rapere pro libidine quantum volunt. Nam ciues sunt domini rerum suarum. Et Ioannes Baptista ait: Contenti estote stipendijs vestris. &c. Quare locus de iure regni in Samuele, non concedit infinitam licentiam Principibus, sed loquitur de stipendijs, hoc est, concedit sumi ad vsus publicos stipendia ex prinatorum rebus atq; fortunis.

Quid verò, si præcipiant aliquid contra ius diuinum?

*Tum respondendum est cum Apostolis: Oportet Deo magis obedire quam hominibus. Exem-
plo*

plō sunt Daniel, tres pueri. Item Machabai, Item Apostoli Act. 4. Magis monendi sunt. se esse custodes non tantum secunda tabula, sed etiam prima, hoc est, non tantum pertinere ad Magistratū curam tuenda tranquillitatis civium, sed depellendi iniurias rerum & corporum, seu etiam disciplina in religione retinēda. Quare debet Magistratus prohibere impios cultus, impia dogmata, hereticos, periuria, & religionis contumelias, quemadmodum fecerunt non solum Reges Israel, sed etiam gentium, Nabuchodonosor, & Darius, qui proposuerunt edicta, in quibus vetabant dici blasphemiam contra Deum Israel. Ita verē erunt beata Respublica. Deus enim vicissim defendet eas, & omnibus bonis cumulabit, sicut dixit: Glorificantes me, glorificabo.

Placēt ne deo opera ista politica?

Imò. Opera vita æconomica & politica, quæ quisq; quo sua vocatione facit, sunt bona opera, & in p̄ys sunt veri cultus Dei: sunt enim opera à Deo præcepta, idcō & Propheta sapiens præferunt hæc opera politica sacrificijs. Esaias. 1. ait de Sacrificijs: Quis requirit hæc de manibus vestris? &c. Sed de politicis operibus ait: Querite iudicium, subuenire oppresso, defendite viduam. &c. Et addit præmia: Si peccata vestra fuerint quasi coccinum, sicut nix dealbabitur. Ose. 6. Misericordiam volo, & non sacrificium. &c. Et de æconomicis officijs ait Paulus. 1. Timor. 2. Saluabitur mulier

MARGARITA

mulier per filiorum generationem. &c. Hic coniungit fidem & opera vocationis.

Cur ergo hypocritæ tantis laudibus euehunt opera monastica?

Imprudenter agunt, & multorum conscientias perturbant. Officia enim & opera civilis vita, longè anteferri debent monasticis operibus, propter tria.

I. *Quia habent mandatum dei & vocationem.*

II. *Sunt officia charitatis, destinata ad communem utilitatem hominum.*

III. *Sunt obnoxia cruci & periculis communibus, ideo habent exercitia fidei.*

Contra, Monastica opera non habent mandatū Dei, aut vocationem. Quare sunt inutilis cultus, Math. 15. Frustram e colunt, docentes mandata & doctrinas hominum. Deinde, qui ea docent, non iuuant alios, sed fruuntur suauissimo ocio. Quorū deus venter est. Rom. ultimo. Postremo, nullam sustinent partem vel cōmunionem periculorū. &c. Ideo longè anteferenda est civilis vita monasticis ceremonijs & operibus.

DE POLITIA

Ecclesiastica.

Quid verò de Politia Ecclesiastica sentiendum?

Sicuti de politia mundana reuerenter sentire, eamque ornare, amare, atque consequare omni officij

officij genere debemus: Ita & politicam Ecclesiasticam ex animo & summa pietate amare ac venerari debemus.

Quot sunt partes politicæ
Ecclesiasticæ?

Dux. Altera est ministerium diuinitus ordinatum. Ad id pertinet, quod Ecclesia habet mandatum vocandi seu ordinandi ministros, qui publicè doceant Euangelium, & administrent sacramenta, & annuncient remissionem peccatorum singulis vel multis. Item, quod Ecclesia habet iurisdictionem, ut à communione arceat eos, qui in manifestis flagitijs versantur. Hoc ministerium summa pietate debent venerari omnes homines, ut conseruetur. Quare Psalmus ait: *Aperite portas principes vestras, & introibit Rex gloria.* Hoc est Margaritū, quod venditis omnibus rebus cōparare nobis debemus.

Altera est Eutaxia, bona disciplina humanis ordinationibus ornata, quæ profunt ad disciplinam & tranquillitatem. Et hanc quoque debemus reuerenter amare & conseruare. Ordinationes enim humana, dierum, locorum, & similes, etsi non sunt pietas, tamen sunt vincula, quæ adiungunt nos Euangelio, per quod inserimur Ecclesie, & dissipatis istis ordinationibus, periclitatur quoque Ecclesia. Ideo cauere debebant Pontifices, ne iniusta Leges aut impij cultus adderentur veteribus ex bonis ritibus. Nam iniusta Leges

MARGARITA

non sunt durabiles, & mota labefactant reliquam
politiam. Emendatis igitur vitijs, ememus &
conseruemus ritus utiles, praesertim cum Paulus
praeceperit, ut in Ecclesia omnia fiant ordine &
decenter.

DE MATRIMONIO.

Quid est Matrimonium?

EST coniunctio viri ac mulieris legitima, ad
procreandum sobolem, & vitandam scortatio-
nem indissolubiliter instituta.

Quale opus?

Opus dei. Deus enim institutor est matrimonij.
Primo, Dei consilio creatur homo Gen. 1. Faciamus
hominem ad imaginem nostram. Secundo, consilio
quoque dei creatur mulier. Ibidem, Non est bo-
num homini esse solum, faciamus ei adiutoriū. &c.
Et misso sopore in Adam, accepit costam. &c. Et
aedificauit ex ea mulierem. Tertio, Adduxit eam
ad Adam, & benedixit eis: Crescite & multipli-
camini, & replete terram.

Quantum se extendit?

Matrimonium est viri & mulieris legitima co-
pulatio. Et quanquam exempla veteris testamen-
ti testantur polygamiam in usu fuisse, fortassis au-
genda sobolis gratia, vel propter alias causas per-
missa. Nouum tamen testamentum in uniuersum
prohibet, autore Christo, qui reuocat Matrimonij
ad

ad primam institutionem, *Math. 19. Qui fecit hominem, masculum & feminam fecit eos. Et Gen. 2. Erunt duo in carne una.*

Vbi est institutum?

In Paradiso, amœnissimo loco.

Quando est institutum?

Statim in ipso mundi exordio, tempore innocentia, cum adhuc non erat peccatum.

Quare est institutum?

Primò, propter procreationem sobolis, ut genus humanum conservetur. *Gen. 1. Crescite & multiplicamini. &c.*

Secundò, propter vitandam fornicationem & supra. *1. Cor. 7. Propter fornicationem unusquisque habeat uxorem suam, & unaquaq; virum suum.*

Tertiò, propter vitandum ocium, ut scilicet habeant coniuges quod operentur, ne ociosi peccent.

Quid agendum in Matrimonio?

Coniuges apprehendant firmam fiduciã in deum, utpote coniugij autorem, inter se pacifice & unanimus vivant, prolem à Deo datam & familiam in timore & dilectione dei educandam curent: bonis deniq; suis ita utantur, ne alijs incommodent.

Quid ferendum?

Quæ crux coniugij?

Post prevaricationem dixit deus viro: In sudore vultus tui vesceris pane tuo. &c. Mulieri dixit: In dolore paries filios tuos. &c. Tamen adit consolationem in cruce. Viro ait: Donec reuertaris

MARGARITA

*uertaris in terram unde sumptus es. Mulieri ait : Paries quidem, sed in dolore. Et Paulus. 1. Tim. 2. Saluabitur mulier per filiorum generationē, si per-
manferit in fide.*

Potestne initum matrimonium solui ?

*Minimè. Nā Christus ait. Math. 19. Quod deus coniunxit, homo ne separet. Caterum ubi adu-
lterium intercedit, ibi solutum est vinculum coniu-
gij, & data fides fracta, quare in tali casu iuxta
doctrinam Christi, separare licet.*

Quæ sunt seruanda circa matrimonium ?

*Consensus parentum, aut illorum vicē tenentium. Item, consensus personarum contrahentium: Item, Leges natura, Casarea, municipales, & consuetu-
dines patria. Spectat enim matrimoniū, etiam ad
ciuilia et politica. Item, coniugati sciant hoc ge-
nus vita placere Deo, et ideo promissionibus Dei
& verbo ornatum esse. Benedictionibus quoque
tā corporalibus quàm spiritualibus. Psal. 128. La-
bores manuum tuarum manducabis, beatus es, &
benè tibi erit: Uxor tua sicut vitis, &c. Item, Ma-
trimonium esse signum spiritualis connubij & so-
cietatis, qua est ecclesia cum Christo. Ephes. 5.*

Est ne coniugium omnibus liberum ?

*Maximè. Ante Christum damnata erat virgini-
tas, nec admittebatur aliquam manere virginem,
propter semen futurum, quod nesciebatur ex qua
femina venturum erat, Eratq; maledictio Legis,
non*

non ferre semen Israel. Nunc verò liberum est Matrimonium. 1. Corinth. 7. De virginibus præceptum non habeo, &c. At Christus excipit tria genera eunuchorū, Math. 19. præter hos nemo debet esse extra coniugium.

DE INVOCATIONE

SANCTORVM.

Suntne Sancti inuocandi pro mediatoribus.

Minimè. Nam Paulus ait: Unus est mediator dei & hominum, homo Iesus Christus. 1. Timoth. 2. Et Rom. 8. Christus Iesus mortuus est, imò qui resurrexit, qui est ad dextram patris, qui etiam interpellat pro nobis. &c. Et. 1. Ioan. 2. Si quis peccauerit, aduocatum habemus apud patrē, Iesum Christum iustum. His sententijs tollitur vanissima illa distinctio, qua Papiæ docent, duplices esse mediatores, scilicet redemptionis, ut Christum, & intercessionis, ut Sanctos.

Suntne Sancti adorandi?

Minimè. Christus enim ait. Math. 4. dominum deum tuum adorabis, & illi soli seruias. Et August. de vera religione: Honorādi sunt sancti propter imitationem, non adorandi propter religionē. Et angelos honoramus charitate, non seruitute, nec eis templa construimus. Nolunt enim sese sic honorari à nobis, quia nos ipsos cum boni sumus,

K. j. templa

MARGARITA

templa summi dei esse nouerunt. Rectè itaq; scribitur, hominem ab angelo prohibitum, ne se adoraret, sed dixisse, deum adora. 19. & 22.

Chrysost. 6. Homilia de profectu Euangelij, ait: Non opus est patronis apud deum, neq; multo discursu, ut blandiari aly, sed licet solus sis, patronoq; careas, & per teipsum deum preceris, omnino tamen voti compos eris. Neq; enim tam facile deus annuit, cum aly pro nobis orant, ut cum ipsemet oramus, etiamsi pluribus malis simus pleni. Exemplo est mulier Chananea. Mat. 15.

Tamen per Tribunos & Comites itur ad
Regem vel principem?

Ambro. Rom. 1. aperte refellit hanc similitudinem, dicens: Sicut iure damnantur lese maiestatis, qui honorificentia Regis deferunt Comiti aut Tribuno, Sic nimirum res sunt, qui honorem nominis dei deferunt creatura, & relictò domino, consernos adorant. Nunc igitur ad Regem per Tribunos & Comites itur, quia homo utique est Rex, et nescit quibus debeat Rempublicam credere. Ad deum autem promerendum, quem utiq; nihil laeset, suffragatore non est opus, sed mente deuota.

Quomodo igitur colendi sunt Sancti?

Honorificentissimè de sanctis sentiendum & loquendum est. Quos enim deus ipse honorat, eos proculdubio honorari vult à nobis. Pater pro filiis suis eos agnoscit. Filius eos fratres vocat & coheredes

heredes. Spiritus sanctus verò sua templa. Qui igitur eos non honorat, ipsum etiam Christum in eis contemnit, & gratiam dei, per quam tales tan-
 rig, evaserunt, parvi pendit. Quid enim sentit de sancta Ecclesia, qui nostra commembra, iam cum Christo in pace constituta, & de aeterna salute ser-
 rificata non honorat? Vetus Ecclesia Sanctorum memorias celebrauit, gratias egit deo pro illorum liberatione, pro gratia illa collata, & pro beatitu-
 dine eorum, ac pro eximijs donis, qua deus per Sanctos in Ecclesiam effudit. Videmus quoq; in Sanctis quid possit gratia Dei. Quando enim au-
 dimus eos, qui nobis similes erant, tam potenter po-
 tuisse vincere peccatū, mundum & mortem, mox & nos excitamur ad concipiendam fiduciam tan-
 sa misericordia dei in Christo promissa & exhi-
 bita. Tam illorum exempla nos inflammant ad imitationem, ut deum pro simili fide oremus, & Sanctorum virtutes iuxta vocationis nostrae ra-
 tionem imitemur. Sic confirmatur in nobis fides in Christū, accenditur charitas, roboratur spes eter-
 nae salutis, cogitamus eos non esse amissos, sed pra-
 missos ad vitam futuri seculi. Colimus erga eos co-
 cultu dilectionis & societatis, quo & in hac vita coluntur Sancti homines. At cultu patriae nec coli-
 mus, nec colendum docemus, nisi unum deum. Ipsi enim Sancti vel homines vel Angeli, exhiberi sibi
 volunt, quod uni deo deberi norunt.

MARGARITA
DE IMAGINIBVS.

Suntne imagines in Ecclesia
tolerandæ ?

*Exodi. 20. simpliciter prohibitum est, simula-
chra, aut statuas facere, quæ proponantur ad
cultum seu adorationem. Est enim manifesta ido-
latria, pugnant cum primo præcepto. Semper au-
tem fuit magna imaginum superstitio apud omnes
gentes, ideo Iudæis seuerè præceptum est, ne ad cul-
tum vterentur statuis aut imaginibus. In Græca
Ecclesia multe fuerunt rixæ, de tollendis in uni-
uersum imaginibus. Sed sciendum est usum ima-
ginum per sese esse liberum, modo caueatur abusus
& superstitio, quæ hætenus seruata est in statuis
Christi & Sanctorum, quibus vulgus existima-
uit aliquid numinis adesse, tribuit & peculiare
cultus & honores, & exercuit idolatriam in in-
uocatione sanctorum.*

Quid si populus colat & adoret imagines,
quid tum faciendum ?

*Si alicubi esset imago, ad quam rude & supersti-
tiosum vulgus accurreret, & eam veneraretur, &
apud eam auxilium quæreretur, hæc debet magistra-
tus eius loci tollere, ne commutatur idolatria, ex-
emplo Ezechie Regis, qui aneum serpentem à
Mose factum, tandem confregit, propter abusum,
quia populus stolidus experat ei diuinos honores
suspendere, & adorare. 4. Reg. 18.*

Sicut

Sunt ne imagines honorandæ ?

*Clemens ad Iacobum fratrem domini ait : Si verè vultis honorare imaginem Dei , homini qui ad imaginem dei factus est , benefaciatis , honorem & reuerentiam deferatis , esurienti cibum , siti-
tienti potum , nudo indumentum , egro ministe-
rium , peregrino hospitium , & in carcere posito ne-
cessaria ministretis . Et rursus : Quis iste honor dei
est , per lapideas & ligneas formas discurrere , &
inanes figuras tanquam numina venerari : & ho-
minem , in quo verè imago Dei est , spernere ? Et
rursus : Quod magis impium , et ingratum , quàm à
Deo beneficium consequi , & reddere lignis ac la-
pidibus gratiam ? Si nemo venit ad patrem , nisi
per Christum , quid auferimus gloriam Deo , tri-
buentes illam picturis & statuis , ac si possent tra-
here in contemplationem dei ?*

Atqui Gregorius vocat imagines
Laicorum libros.

*Christiani imaginem Christi , Beatæ Virginis , Pa-
triarcharum , Apostolorum , &c. habere possunt tan-
quam memoriale . Ad hoc enim prosunt , ut nos ad-
moneant . Dum enim intuemur imaginem cruci-
fixi , aut Christi resurgentis , statim renocatur nobis
in memoriam saluifica mors Christi , & gloriosa
eius resurrectio , quarum rerum memoria utilis est
et necessaria . Hinc Gregorius ait : Quod legētibz
est scriptura , hoc idiotis est pictura Debent tamē*

R. ij.

christia-

MARGARITA

Christiani non tantum ex imaginum libris, sed ex libro dei, qui est scripturarum, discere Et qui nolle supit deum, non requirat tantum ab imaginibus pictorum, sed scrutetur, iuxta Christi mandatum, scripturas. Qui autem nesciunt legere, audiat verbum: fides enim ex auditu. Rom. 10.

Quid verò de reliquijs Sanctorum?

Sanctorum corpora sunt domicilia dei, & habitacula spiritus sancti, ideoq; primum à pjs eorum ossa collecta & assernata sunt, propter memoriam. postea accessit superstitio qua causa sunt impudentes & scelerata impostura, comparata ad quæstum, ut quavis ossa pro sanctorum reliquijs adoranda proponerent. Nam avaritia Sacerdotum non modo ex lignis & lapidibus, sed etiam ex mortuorū ossibus materiam avaritiæ suæ captans, sua rapina instrumenta fecit. Quare & canonizationes quoq;, ut vocant, Sanctorum, sunt vera impostura Romanorum Pontificum. Multorum enim corpora (ut ille ait) venerantur hic in terris, quorum anima sepulta sunt in inferno. Exemplo est latro ille, qui sub nomine martyris colebatur, cuius altare diuus Martinus destruxit, ut legitur in eius historia.

Quæ sunt veræ reliquiæ Sanctorum?

Ut imitemur eorum fidem, charitatem, constantiam & patientiam, eosq; nobis tanquam exempla proponamus, ut quemadmodum illi per gratiam

tiam dei, sinceriter in Christum credebant, ardentius proximum amabant, constanter in confessione fidei perdurabant, & patienter mortem pro Christo passi sunt, & in regnum dei recepti: Ita & nos his exemplis prouocati, Deum supplices oremus ut & nobis, qui adhuc in carne militamus, similem fidem, charitatem, constantiam, & patientiam impertiat, nos sua gratia seruet, ut sicut illi in tuto sunt collocati, nos quoque tandem ubi moriendum est, fratres nostros certo consequamur.

DE SEPULTURA.

Vnde orta est sepultura mortuorum?

*E*X verbo Dei, Genesis tertio: Cinis es, & in cinerem reuerteris. Quod vocabulum Apher, in Hebraeo significat effossam tetram, seu humum, quemadmodum in sepulchris videtur. Hinc ceremonia honesta sepultura semper fuit in Synagoga & in Ecclesia, & est testimonium nostra fidei, quod credimus resurrectionem carnis, & nostra charitatis erga proximos defunctos, quos credimus non esse amissos, sed tantum pramissos, non dubitantes eos in die Domini, omnes amicos nostros rursum visuros, mansuros simul cum Christo in aeternum. Gentes praesertim Romani, mortuos suos comburebant.

Vbi habenda est sepultura?

Apud Veteres tam Iudeos quam gentes, extra
K. iij. urbes

MARGARITA

*urbes sepultura fuit. Sic Abraham emit agrum
ab Ephron in sepulturam uxoris Saræ. Gene. 23.
Ubi & postea sepulti sunt Abraham, Isaac, Iacob,
& Ioseph. Sic efferebatur Adolefcens defunctus,
quem resuscitavit Christus in porta Nain. Luc 7.
Sic Lazarus sepultus erat extra Bethaniam. Sic
Christi quoq; sepulchrum erat extra Hierusalem.
Hinc vocabulum effertur, latinus in usu permansit.*

Quomodo celebranda est
sepultura?

*Sepultura à Christianis religiose est tractanda,
propter ineffabilem spem nostræ resurrectionis. Et
funera sunt à pijs deducenda usq; ad sepulchrum.
Et cum corpus sepelitur, recordemur nos omnes in
Adam esse mortuos, & damnabiles. Deinde rur-
sus nos omnes in Christo vivificari, qui omnia re-
stituit, quæ prius Adam corripuit & perdidit. Ipse
enim mortuus est propter peccata nostra, quæ om-
nia ipse sua morte expiavit, & nostram mortem
aboluit, & factus est omnibus fidelibus resurrectio
& vita. Qui credit in eum, etiam si mortuus fue-
rit, vivet. Et omnis qui vivit, & credit in eum, nō
moriatur in æternum. Ioannes. 11. Corpora nostra
membra sunt Christi. Sicut igitur Deus suscitavit
Christum dominum & caput nostrum, ita & nos
suscitabit per potentiam suam. 1. Corinth. 6.*

Quomodo habendus est locus
sepulturæ?

*Loca ubi fidelium corpora servantur, dignè à
nobis*

nobis haberi debent : poterunt quæq; picturis sacrarum historiarum exornari, quæ nos admovent fidei, & pietatis, resurrectionis & iudicii. Sic scribit Ulpianus : Religionis interest, monumenta extrui & ornari. Contra qui busta & polyandria violant, lege Solonis infames sunt. Porro spiritum Sadduceorum & Epicureorum habent, quos nulla omnino resurrectionis & future vite cura sollicitat, qui corpora mortuorum tanquam asinorum cadavera abiciunt, & ossa defunctorum pedibus conculcant, & cæmeteria contemnunt, nullam prorsus sepultura rationem habentes. Nam & Eusebius & Athanasius, Christianorum cæmeteria memorant, in qua orandi gratia convenire solebant, quæ loca Christianis sacra erant, propter quiescentium ibi Sanctorum corpora. Hinc coimèterion vocabant, hoc est, dormitorium : & Iudæi doctiores, Bethaym, hoc est, domum viventium. Credunt enim Abraham, Isaac, Iacob, & pios omnes vivere, & hæc corpora reuictura, et animabus reddenda.

DE RESVRRECTIONE

mortuorum.

Quid est resurrectio mortuorum?

EST quæ in nouissimo die resurgent omnes homines à mortuis, p̃ij ad vitam æternam, impij ad supplitia æterna.

Vnde

Vnde probas resurrectionem
mortuorum?

Hic articulus fidei est inter præcipuos, propter quos reliquos omnes profiteamur. Ideo scriptura, præsertim Novi testamenti, plena est testimonijs. Ac ad confirmandos animos aduersus Epicureas opiniones, & alendum timorem ac fidem, prodest in conspectu habere multa testimonia, quæ testantur, quòd simus resurrecturi cum his corporibus.

Math. 23. probat Christus resurrectionem mortuorum, ex eo, quod Dictum est à Deo: Ego sum deus Abraham, & deus Isaac, & deus Iacob. &c. Deus, inquit, non est Deus mortuorum, sed uiuentium. Ergo necesse est, Sanctos qui mortui sunt cum corporibus resuscitari.

Item cap. 19. resurrectionem vocat regenerationem, cum hac corpora ex sepulchris resuscitata renouabuntur. Luce. 14. Retribuetur tibi in resurrectionem iustorum. Ioan. 6. Hec est voluntas patris mei, ut omnis, qui uidet filium, & credit in eum, habeat vitam æternam, & ego resuscitabo eum in nouissimo die. Rom. 8. Si spiritus eius, qui suscitauit Iesum à mortuis, habitat in uobis, uiuificabit & mortalia corpora uestra, propter inhabitantem spiritum eius in uobis. Ibidem: Sed & nos primitias spiritus habentes intra nos gemimus, adoptionem filiorum Dei expectans, redemptionem corporis nostri. 1. Corinth. 15. instituto propugnatur

pugnat hunc articulum toto capite. Probat autem ex resurrectione Christi, necesse esse ut & nos resurgamus. Ideo enim resurrexit Christus, ut vinceret & aboleret mortem, & redderet quā & aeternam vitam credentibus. Sicut per hominem mors (inquit) ita per hominem resurrectio mortuorum. Et sicut in Adam omnes moriuntur, ita & in Christo omnes vivificabuntur.

2. Corinth. 4. Semper mortificationem Iesu Christi in corpore nostro circumferentes, ut & vitam Iesu manifestetur in corporibus nostris. Si vitam Christi manifestari oportet in corporibus nostris, necesse est corpora nostra liberata à morte & resuscitata, vivere aeterna vita. 1. Thess. 4. Si credimus quòd Iesus mortuus est & resurrexit, ita & Deus eos qui dormierunt adducet cum eo.

Dic aliqua testimonia Veteris testamenti.

Esai. 25. Devorabitur in monte isto facies involutorum, quia omnes populi involuti sunt, & operimentum, quo omnes gentes cooperta sunt, & mors devorabitur in sempiternum. &c.

Esai. 26. Vivent mortui tui, interfecti mei resurgent. Expergiscimini & letamini qui habitatis in pulvere. &c. Vade populus meus intra cubicula tua & claude ostia tua. &c.

Ezech. 37. Ecce ego aperiam tumulos vestros, & educā vos de sepulchris vestris, populus meus. &c.

Iob, 19. Scio quòd redemptor meus vivit, & in novissimis

MARGARITA

uissimo die de terra resurrecturus sum, et rursus circundabor pelle mea, & in carne meo videbo eum.

Postremo hic articulus passim in promissionibus et exemplis patrū innoluitus est. Quia enim sanctis promittitur liberatio, glorificatio, et illi tamē in hac vita affligantur et subiiciuntur morti: igitur necesse est restare aliam vitam, in qua uiuant glorificati.

Sic Epistola ad Hebraeos docet, patres tenuisse fidem resurrectionis. Iuxta fidem defuncti sunt omnes isti, non acceptis repromissionibus. &c.

Idē Iacob filiis suis mandat, ut adiungatur sepulchro patrum suorum. Et Ioseph iubet ossa sua asportari ex Aegypto.

Resurgent ne omnes homines pariter
boni ac mali?

Una & cōmunis erit omnium mortuorum resurrectio, tam piorum quā impiorum, sed conditione inaequali. Pij enim resurgent ad vitam aeternam, impij ad iudicium & pœnas eternas.

Proba quōd etiam impij cum corporibus
sunt resurrecturi ad supplicium.

Ioan. 5. ait Christus: Venit hora, in qua omnes qui sunt in monumētis, audient vocem filij hominis, & procedent, qui bona egerunt, in resurrectionē vitæ, qui verō mala egerunt, in resurrectionem iudicij.

Daniel. 12. Multi de his qui dormiunt in puluere terre, euigilabunt. Alij in vitam aeternam, alij in opprobrium, ut videant semper.

2. Corin. 5. Omnes nos manifestari oportet ante tribunal Christi, ut referat unusquisq; propria corporis prout gessit, siue bonum siue malum.

Math. 10. Timeate eum, qui potest & animam & corpus perdere in gehennam.

Esaia 66. Egredientur & videbunt cadauera (id est corpora) virorum, qui prauaricati sunt in me. Vermis eorum non morietur, et ignis eorum non extinguitur, & erunt ad satietatem visionis omni carni.

Quomodo fiet resurrectio?

Paulus. 1. Corin. 15. In actu oculi, in nouissima tuba. Canit enim tuba, & mortui resurgent incorrupti, & nos immutabimur.

Quomodo fiet hæc immutatio?

Oportet (inquit) hoc corruptibile induere incorruptibilitatem, & hoc mortale induere immortalitatem. Cum autem hoc corruptibile induerit incorruptibilitatem, tunc fiet sermo, qui scriptus est: Absorpta est mors in victoria.

Qualiter resurgent?

Gloriosè, absq; omni defectu spiritali & corporali. Paulus. 1. Corin. 15. quatuor dotēs corporis glorificati enumerat, incorruptibilitatem, claritatem, potentiam vel agilitatem, & subtilitatem. Seminatur (inquit) corpus, hoc est, in terram sepelitur, in corruptione, ignominia, infirmitate, animale corpus. Resurget in incorruptibilitate, gloria, potentia, corpus spirituale.

MARGARITÁ

De typum nostræ resurrectionis.
in creaturis.

Respice granum tritici, quod aridum in terram proijcitur, et non viuificatur ut germinet, nisi mortuum fuerit, aut computruerit. Ioan. 12. ait Christus: Nisi granum frumenti. &c. Pusillum, vile, ac siccum granum infoditur humo, quod in limo putrefactum, velut reuiuiscens, prorumpit in teneram herbulam, mox culmi, deinde arista. Sic idem illud corpus tuum, quod sepelitur, tamen resurget, sed ineffabili pulchritudine. Iusti enim in regno Dei fulgebunt ut Sol.

Quid verò illi, quos vltimus dies re-
periet in carne viuos?

Non incidunt illi in manus pollinctorum aut fiteratorum. Nam Paulus ait. 1. Thes. 4. Nos qui reliqui erimus, simul rapiemur cum his, qui antea mortui sunt, in nubibus, in occursum Domini in aera, & sic semper eum Domino erimus.

DE CONSUMMATIONE

SECVLI, DE IVDICIO EX-
tremo, sue die Domini.

Quid est consummatio seculi?

*EST cum status huius mundi & vicissitudo
temporum præteribit, cum cessabit æstas & hy-
ems, nox & dies. Gen. 10.*

Quid

Quid est iudicium extremum
sive dies Domini?

Est quando dominus Iesus Christus in aduentu suo, cum virtute magna & maiestate, extremam omnibus hominib. iuxta sua facta sententiam feret aequam & irrefragabilem, tum pijs, tum impijs, aut ad vitam eternam, aut ad supplicium eternum.

Quotuplex ergo est aduentus
Christi?

Scriptura duos aduentus Christi docet. Prior erat humilis, quando incarnatus venit in forma serui, ut peccata nostra portaret. Alter erit gloriosus & terribilis, quando veniet ut supremus Iudex maiestate inenarrabili, in fine seculi, iudicaturus vivos & mortuos. Augustinus: Venit Christus occultò iudicandus, veniet & manifestè iudicaturus. Actor. 10. Christus constitutus est à Deo, Iudex vivorum & mortuorum.

Et Actor. 17. Statuit diem, in quo iudicaturus est orbem in equitate.

Quomodo veniet iudicaturus?

Visibiliter in nube, quemadmodum ascendit, Actor. 1. Et in maiestate & gloria. 1. Thes. 4. in voce Archangeli, & tuba Dei.

Cur iudicaturus?

Ut pijs in corpore et anima reddat gaudium et vitam eternam, impijs afflictionē et ignem eternum.

Quis

MARGARITA

Quis erit ordo extremi
iudicii?

*Quaedam signa precedent diem iudicii, quaedam
ipso die illucescente fient, quaedam sequentur.*

Quæ præcedent?

*Romanum Imperium desolabitur, reuelabitur
homo peccati, 2. Thess. 2. surgent pseudochristi
& pseudopropheta. Ecclesia Christi grauissimas
persecutiones patietur. Matth. 24. Erunt signa
in Sole & Luna, &c. Luc. 21. Euangelium prædi-
cabitur in uniuerso orbe.*

Quæ fient ipso die?

*Aduentus Christi erit subitus, sicut exitus ful-
guris ab Oriente in Occidentem. Ignis ante faciem
eius præcedet. Psal. 96. Signum filij hominis ap-
parebit in cælo. Resurgent mortui omnes, tam py,
quàm impij. Christus segregabit malos à bonis &
proferet sententiam ultimam. Matth. 25.*

Quæ sequentur?

*Renouatio mundi visibilis, supplicium impio-
rum æternum, vita piorum æterna.*

Potest ne sciri hora & dies
iudicii?

*De die illo & hora, inquit Christus, Mat. 24
nemo scit, ne angeli quidem, nisi pater meus solus.*

*Et. 1. Thess. 5. Dies domini sicut fur in nocte, ita
uenturus est: cum dixerint pax, & securitas, tunc
repentinus eis superueniet interitus.*

DE VITA AETERNA.

Quid est vita æterna?

EST gustus & sensus perpetuus gratia & misericordie dei, et pax seu gaudium perpetuum conscientie, in cordibus fidelium. Vel, est certitudo dei & domini nostri Iesu Christi notitia, quæ hic in fide sub spe certa et spiritu incipit, & manifestabitur post hanc vitam ad perpetua gaudia, et immortalis hereditatem. Breuius sic: Vita æterna est cognoscere deum verum, et quem misit Jesum Christum. Ioan. 12.

Quæ est mors æterna?

Est perpetuus horror conscientie ab ira dei.

Quis promissit vitam
æternam?

Christus dominus noster.

Quibus?

Credientibus. Sic enim ait Ioan. 3. Qui credit in filium dei, habet vitam æternam: qui autem incredulus est filio, non videbit vitam, sed ira dei manet super illum. Et Ioan. 5. Amen, amen dico vobis, qui verbum meum audit, & credit ei qui misit me, habet vitam æternam, et in iudicium non veniet, sed transeat à morte in vitam.

Lj.

Qui

Qui sunt effectus vitæ æternæ ?

Non sentire amplius peccatum, mortem, sed habere perpetua gaudia & letitiam. *Esaia. 25.* Et mors deuorabitur omnino, & absterget deus omnem lachrymam ab oculis eorum, & mors ultra non erit, neq; luctus, neq; clamor, neq; dolor erit ultra, *Apoc. 21.* *Esaia. 65.* Ecce ego creo cælos novos, & non erunt in memoria priora, & non ascendent super cor, sed gaudebitis & exultabitis in sempiternum, in ijs quæ ego creo. Quia ecce creo Hierusalem exultationem, & populum eius gaudium, & exultabit in Hierusalem, et gaudebo in populo meo, et non audietur in eo ultra vox fletus, et vox clamoris. &c. Item cap. 51. Qui redempti sunt à domino, reuertentur, & venient in Sion laudantes, et letitia sempiterna super capita eorum. Gaudium & letitium tenebunt, fugiet dolor & gemitus. *Psalms. 21.* Edent pauperes, & saturabuntur, & laudabunt dominum, qui requirunt eum, viuent corda eorum in seculum seculi.

Psalms. 4. Illi abundabunt frumento & vino, Ego autem dormiam & requiescam, quia tu domine facis ut secure habitem.

Esaia. 64. Oculis non vidit, Deus, absq; te, quæ preparasti diligentibus te.

Hæc testimonia ostendunt vitam æternam futuram esse talem statum, in quo liberati à peccato,
morte,

morte, et omnibus calamitatibus, vivamus in perpetua luce, vera notitia Dei, & fruamur eternis gaudijs, & perpetua latitia. Quam nobis donec deus propter filiū suū IESVM CHRISTVM, qui cum Patre & Spiritu Sancto vivit & regnat super omnia benedictus.
Amen.

FINIS.



INDEX LOCO- rum & quæstionum

huius libelli.

PASTOR ECCLESIAE.

Quid officium pastoris.	fol. 4. a
Quid requiratur vt sit idoneus.	ibidem
Vocatio legitima.	ibid
Vocationis modus duplex.	ibid
An licitum, & quid sit petere ministerium	5 a
Propositum susceptri ministerium	5 b
Sūma doctrinæ christianæ tradenda in eccl.	6 a
Partitio summaria totius scripturæ	ibid

De Lege.

Quid & quotuplex sit Lex.	6 a
Quid lex Diuina, Humana, Naturæ	ibid
Leges Mosaicæ quotuplices	6 b
Lex Moralis, quid & vbi tradatur	ibid
Quid inter legem Naturæ, & Moralem, seu Decalogum, intersit	7 a
Decalogi partitio & breuis expositio	7 b
Leges Mosaicæ, iudiciales, siue forenses	8 b
Leges ceremoniales	ibid
Legis diuinæ effectus & officia	ibid
An possit homo suis virib. legē dei prestare.	9 a
An possit iustificari per legem	ibid
Cur traditæ leges Mosaicæ, si nō iustificant	ibid
<i>De</i>	

INDEX.

De Euangelio.

Discrimen Legis & Euangelij 10 a

De promissionibus.

Promissiones scripturæ sanctæ, & euāgelij. 10 a

Opus euangelij. Summa euangelij 11 a

De peccato.

Quid peccatum, & quæ causa peccati 11 b

An concedenda sit contingentia ibid

Contingentia, Necessitas, Fatum, Quotuplex peccatum ibid

Quid peccatum originis 12 a

Quæ causæ peccati originis ibid

Quod materiale, quod formale peccati orig 12 b

Quid concupiscentia. ibid

Qui effectus peccati ibid

An maneat peccatū originis in sanctis, et quomodo remittatur peccatū originis in bapt. 13 a

Quare maneat poenæ, scilicet, mors corporalis & ceteræ calamitates cum peccatum remittatur ibid

Quid peccatum actuale 13 b

Quid reddat personā vitiosā vel acceptā deo ib.

Quotuplices sint affectus in natura hom. 14 a

Quomodo agnoscantur peccata ibid

Discrimen peccati mortalis & venialis ibid

Quæ dicantur peccata mortalia 14 b

L.ij. Quid

INDEX.

Quid sentiendum, de patrum diuisione, peccatorum actualium, interna & externa 15 a
 De peccatis omissionis, & ignorantiæ affect. ibid
 Quid requiratur in conuersis ibid

De gratia.

Quid significet, quid sit gratia 15 b
 Quomodo intelligendum sit, cum dicitur
 Gratia sumus iusti 16 a
 Quæ causæ gratiæ 16 b
 Quomodo contingat nobis gratia ibid
 An sit aliquod meritū nostrū in reconcilia. 17 a
 Qui effectus gratiæ 17 b
 Quomodo gratia liberet a peccato & morte,
 tamen maneat adhuc peccatum hærens in
 carne, & mors corporalis ibid
 Quare Paulus discernat gratiam & donum. 18 a
 Spiritus gratiæ & precum apud Zachariā. 18 b

De iustificatione.

Quid significant, iustificari & iustificatio 18 b
 Quid complectatur, quomodo fiat, quæ causa
 iustificationis 19 a & b
 An agat aliquid nostra voluntas 19 b
 Quæ sit sententia dicti, Fide iustificamur. 20 a
 Sit ne vera propositio: sola fide iustificamur. 21 a

De bonis operibus.

Qualia requirantur, & quæ sint bona opera. 23 a
 Cata-

INDEX.

Catalogus bonorum operum ex decalogo.	23 b
Quod maneat in sanctis peccatum	25 a
Inchoata obedientia	ibid
De dignitate & causis bene operandi	26 a
Quid noceant mala opera	27 a
An bona opera sint meritoria vite eter.	27 b
Quare vita eterna vocetur merces	28 b

Pœnitentia, Contritio.

Quid fides pœnitentia pars, & de ea testim.	29 a
Timor seruilis, Timor filialis.	30 a
De confessione & satisfactione	ibid
Quid sentiendū de remissione poenarū, et an claves possint imponere vel tollere poenas.	31 b
Quid indulgentia	32 a

De absolutione.

An lapsi post baptismum possint consequi remissionem peccatorum	32 b
De locis Epistolæ ad Hebræos	ibid
An sit aliquod peccatum irremissibile	33 a
Quod sit peccatum in spiritum sanctum	ibid
An omnis lapsus post agnitam veritatem sit peccatum irremissibile	33 b
Qui effectus pœnitentia	ibid

De fide.

Quod fides significet fiduciā misericordia.	34 b
Expositio dicti : Iustus fide sua viuet	35 b

Symbolum Apostolorum, Nicenum, & A-
thanasij 36 37 38

De deo & unitate dei.

Personæ diuinitatis 38 b
Quid significet: In principio erat verbum 39 a
Spiritus sanctus natura & persona deus 40 a

De Creatione, Creatura.

Quomodo agnoscat Deus in creaturis &
naturis rerum 41 a
Quomodo vtendum sit creaturis 42 a

*De humanis viribus, siue de
libero arbitrio.*

Quantū possit præstare voluntas humana. 42 b
An possit homo aliquid suis virib. præstare. 43 b
Liberum arbitrium ante & post lapsum 44 a

De prædestinatione.

Loci Scripturæ qui ostendunt promissionem
esse vniuersalem 45 b

*De discrimine veteris &
noui testamenti.*

An defierit vetus testamentum 46 a
Litera & spiritus quid significant 46 b

De abrogatione legis.

An impij sint liberati à lege 47 a
Quæ

Quæ causæ abrogatæ legis, an tota sit abrogata. 46b
 Quare non liceat omittere Decalogum 46b

De libertate christiana.

Ad quid profit doctrina de libert. Christi 48b
 Obedientia necessaria, etiamsi potestas abutatur suo iure
 Quid de ceremonijs a Christo institutis. 49a

De consilijs in Scriptura.

Consilia in Euangelio an à Christo tradita 49a

De vindicta.

Vim vi repellere, quid 49b

De paupertate.

Quotuplex discretio facultatum 50b

De castitate.

Dictum Pauli : De virginibus præceptum Domini non habeo, &c.
 Cur Paulus laudet & suadeat virginitatem & coelibatum 51b

De ecclesia.

Quæ hypocritica, quæ vera ecclesia 51 52
 Quid sentiendum de excommunicatis 53 2
 De

INDEX.

De potestate ecclesiastica.

- Quæ sit potestas ordinis, quæ iurisdic. 53 54
Quid differant potestas ecclesiast. et politica. ib.
Quando acceperit Ecclesia clauæ ibid
An valeat ministerium malorū ministrorū ibid
An debeat minister ecclesiarū obediētia 54 b
An etiam in ceremonijs condendis debeat
pastoribus obedientia. ibid

De scandalo.

- Scandalum acceptum, scandalū datum. 55 a & b
Quid agendum sit in rebus indifferentibus. ibid
Quæ cauēda in ecc. ne suboriantur scanda. 56 a

De Sacramentis.

- Quot sacramenta, sint ne alia sacramenta. 56 b
Quomodo variant sententiæ de sacramētis. 57 a
Cur Christus instituerit sacramenta 57 b

De baptismo.

- Vbi & ad quid institutus, quid significet
baptismus 58 a
Quis vsus. An possit baptismus iterari 58 b
Quid intersit inter baptismū Ioan. & Ap. ibid

De baptismo paruulorum.

- Testimonia quod infantes sint baptizandi. 59 a
Refutatio obiectionis Anabaptistarum 59 b
De

De cœna domini.

Quibus nominibus vocetur Sacramentum

Cœnæ Dominicæ 60 a

Verba Cœnæ Dominicæ ibid

Quis sit vsus salutaris huius Cœnæ 60 b

Quid intersit inter sacramentū & sacrificiū. 61 b

De sacrificijs.

Quid sacrificium propitiatorium ibid

Quid sacrificium Eucharisticum, seu laudis. 62 a

De cruce & afflictionibus.

Quæ consolatio in cruce & afflictionibus. 62 b

Quæ vera patientia 69 b

Quid mali adferat impatientia 64 a

De humiliatione.

Humiliatio quid 64 a

De oratione.

Quid oratio 64 b

Quot requirantur ad inuocationē seu precib

De oratione dominica.

Brevis expositio orationis dominicæ 66 b

De Magistratu

Quid tyrannus 67 a

An

INDEX.

Infundetur Magistratus in scripturis sanctis. *ibid*

An Magistratus sit ordinatio Dei 67 b

Quod non sit res mala, etiam si multi mali
rapiunt imperia. *ibid*

In quas res debet respicere Magistratus *ibid*

Quid debeat Magistratus subditis 68 b

Quid debeant subditi Magistratibus 69 a

An potestas Magistratum sit infinita 69 b

Quid agendum si precipiunt aliquid contra
ius diuinum *ibid*

An placent Deo opera ista politica 70 a

Quod falso hypocritæ euehāt opera mon. 70 b

De politia Ecclesiastica.

Politix Ecclesiasticæ partes quot 71 a

De Matrimonio.

Quid agendum in Matrimonio 72 a

Quid ferendum, Quæ crux coniugij *ibid*

An possit initum Matrimonium solui. 72 b

Quæ sint seruanda circa Matrimonium *ibid*

An coniugium omnibus sit liberum *ibid*

De inuocatione Sanctorum.

Quomodo colendi sint Sancti. 73 b

De imaginibus.

An imagines in Ecclesia tolerandæ & ho-
norandæ

74 b
Grego.

INDEX.

Gregorius vocat imagines laicorum libros. 75 a
Reliquiæ Sanctorum 75 b

De sepultura mortuorum.

Vnde orta sepultura 76 a
Quomodo celebranda sepultura 76 b

De resurrectione mortuorum

Testimonia de resurrectione mortuorum. 77 b
An resuscitandi sint omnes homines pari-
ter boni ac mali 78 b
Testimonia quod etiam impij cum corpori-
bus sint resurrecturi ad supplicium ibid
Quomodo futura sit resurrectio 79 a
Typus nostræ resurrectionis in creaturis 79 b
Quid illi, quos vltimus dies reperiet in
carne viuos ibid

De consummatione seculi, et iudicio extre- mo, siue die domini.

Quotuplex est aduentus Christi 80 a
Quomodo venturus ad iudicandū Christus. ibid
Cur iudicaturus ibid
Quis ordo extremi iudicij 80 b
Quæ præcedent ibid
Quæ fient ipso die ibid
Quæ sequentur ibid
Possit ne sciri hora & dies iudicij ibid


De

INDEX

De vita æterna.

Quid sit vita æterna	81 a
Quæ mors æterna	ibid
Quis promiserit vitam æternam	ibid
Quibus	ibid
Qui sint effectus vitæ æternæ	82 b

FINIS.



C 173